

Հարգելի՛ ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել ԱՆՎՃԱՐ:

Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:



Уважаемый читатель!

На сайте **Электронной библиотеки Арцаха**, являющейся проектом **Объединения Молодых Учёных и Специалистов Арцаха (ОМУСА)**, размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать БЕСПЛАТНО.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for FREE scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhlib.am/>


E-mail: info@artsakhlib.am

Facebook: <https://www.facebook.com/www.artsakhlib.am/>

ВКонтакте: <https://vk.com/artsakhelibrary>

Twitter: <https://twitter.com/ArtsakhELibrary>

ԱՐՏԱՆՇԵՍ ՀԱԿՈՒԳՍԱՆՅԱՆ



ՆԱՐԱԲԱՅԱՆ ՀԻՄՆԱՀԱՆՅՈՒՄԻ
ՌԱՍԺՂԱՍՏԵՆ ՎԵՂՂՈՒՄԻ ԱՐՆՈՒԹՅՈՒՆ

ՀՏԴ 941(479.25):325(479.25)
ՊԼԴ 63.3(27)+66.3(27)
Գ 178

Հակոբջանյան Ա.

Գ 178 Ղարաբաղյան հիմնահարցը դարավոր մաքառումների արդյունքում. -
Եր.: Ձանգակ-97, 2004. - 112 էջ:

Պատմաքաղաքական սույն ակնարկը ներկայացնում է Ադրբեջան կեղծամուծով շրջանա-
ռության մեջ մտած Արևելյան Անդրկովկասի հազարամյակների պատմության հետազոծող, մատնա-
ցույց անում, թե ինչպես ժամանակի հզոր պետությունները, բնիկ ժողովուրդների հայրենիքի հաշվին,
ազերբոյժների համար ստեղծեցին «հայրենիք» և այսօր էլ աշխատում են ավելի ընդարձակել այն:
Միաժամանակ ցավով արձանագրվում են զինադադարով սկսված քաղաքական պատե-
րագծում մեր որոշ բացթողումները, որ կարող էին բնավ չլինել:

Գ 0503020913 2004
0003(01) 2004

ՊԼԴ 63.3(27)+66.3(27)

ISBN 99930 - 2 - 965 - 3

© Հակոբջանյան Գ.
© «Ձանգակ-97» հրատ.

Հրատարակչության տնօրեն՝
Գեղարվեստական խմբագիր՝
Սրբազրիչ՝
Համակարգչային ձևավորումը՝
Շապինի համակարգչային մշակումը՝

Մ ա շ ա Մ ն ա ց ա կ ա ն յ ա ն
Ա ռ ա Բ ա ղ դ ա ս ա ռ յ ա ն
Ն ա թ ի ն ն Ն ե թ ս ի ս յ ա ն
Լ ա լ ա Հ ո վ ս ն փ յ ա ն ի
Ա ռ և ի կ Հ ա կ ո թ յ ա ն ի

Տպագրությունը՝ օֆսեթ: Չափսը՝ 60x84 1/16: Թուղթը՝ օֆսեթ:
Ծավալը՝ 7 տալ. մամուլ: Տպարանակը՝ 300 օրինակ:
Գինը՝ պայմանագրային:



«ՁԱՆԳԱԿ-97» ԳՐԱՏՄԱԲԱՎՈՐՈՒԹՅՈՒՆ
375051, Երևան, Կոմիտասի պող. 49/2, հեռ.՝ (+3741) 23-25-28,
Ֆաքս՝ (+3741) 23-25-95, էլ. փոստ՝ info@zangak.am,
Լ. կայք՝ www.zangak.am

ԵՐԿՈՒ ԽՈՍԵ

Ցեղասպանությունը և հայրենի տարածքների բռնագավթումը
օտարների կողմից մարդկության դեմ կատարվող այն ծանրագույն
հանցագործություններից են, որոնց հատուցման պահանջի համար վա-
ղենության հասկացություն չկա, եթե դրանից հետո նույնիսկ հազարամ-
յակներ են անցել: Վկան՝ հրեաների հայրենիքի վերականգնումը երկհա-
զարամյա կորստից հետո:

Այսօր «աշխարհի կոկորդում մնացած» Ղարաբաղյան հիմնահարցն
անցել է 300-ամյա արյունոտ ճանապարհ ու դեռևս իր բավարար լու-
ծումը չի ստացել: Հանդես գալով որպես պարսկական տիրակալությու-
նից Արևելյան Հայաստանի ազատագրման հարց՝ ժամանակի ընթաց-
քում շահագրգիռ հզորներն իրենց կատարած տևական ավերումներով
հարցի տարածքային շրջանակները նեղացրել, հանգեցրել են Ղարա-
բաղին: Ավելին: Երկատել են նաև Ղարաբաղ հասկացությունը, այն բա-
ժանել Լեռնայինի ու Դաշտայինի, և Դաշտային Ղարաբաղը մարսած
համարելով՝ օղակը սեղմել Լեռնային Ղարաբաղի վզին՝ այդ վերջին հե-
նակետը ևս բռնագավթելու հեռանկարով:

Պատմականորեն Ղարաբաղյան ազատամարտը և դրանով պայմա-
նավորված հիմնահարցը բաժանվում է երկու հիմնական փուլերի՝ ամեն
մեկն ընդգրկելով հարյուրամյա մի ժամանակահատված: Առաջին փուլն
ընդգրկում է 18-րդ դարի քսանական թվականներից մինչև 19-րդ դարի
քսանական թվականները և խնդիր ուներ Արևելյան Հայաստանը ազա-
տագրել պարսկական տիրապետությունից: Դա մի Արևելահայաստան
էր, որի արևելյան սահմանագլուխը Բաքուն էր՝ բաժանված յոթ խանու-
թյունների՝ Բաքվի, Շամախու, Շաքիի, Գանձակի, Ղարաբաղի, Նա-
խիջևանի և Երևանի: Աշխարհատարածքով շահախնդիր երեք հզոր տե-
րությունների՝ Պարսկաստանի, Թուրքիայի և Ռուսաստանի հակադիր
շահերի բախման արդյունքում ոչ միայն չիրականացավ այդ ծրագիրը,
այլև ունեցանք անդամալի կորուստներ: Վերջին հարվածը Բաքվի կո-

մունայի տապալումն էր օսմանյան յաթաղանով ու դրան հաջորդած քաղաքական շահարկումները:

Ղարաբաղյան ազատամարտի երկրորդ էտապն սկսվեց ցարիզմի տապալումով ու խորհրդային կարգերի հաստատումով՝ արդեն որպես զուտ դարաբաղյան հիմնահարց, և 70-ամյա դաժան մաքառումների արդյունքում դարաբաղցին հաստատեց այս արևի տակ իր գոյության իրավունքը՝ վերականգնելով կորցրած պետականությունը:

Մենք սկզբունքորեն շրջանցել ենք ադրբեջանական զանգվածների կատարած վայրենությունները հանրապետության ողջ տարածքով մեկ գտնելով, որ նման քստմենելի պատկերների ցուցադրումը վիրավորում է մարդկային արժանապատվությունը: Մենք թուուցիկ ենք անդրադարձել ադրբեջանական իշխանությունների հակահայկական, կլանողական, իրենց տրամադրությանը հանձնված երկրատարածքից «հայերի քոքը կտրելու» քաղաքականությանը՝ սկսած Ասադ Կարակի հայտնի նամակ-հանձնարարականից: Նկատի ենք ունեցել, որ մարտնչող շովինիզմի ու վայրենի այդ դրսևորումները չէին լինի, եթե նրանց թիկունքում կանգնած հզոր ուժերը՝ 1905-06 թթ. ցարական «ախրանկան», 1918 թ. թուրքական ավերիչ արշավանքը, 1919-20 թթ. անգլիական օկուպացիոն զորքերը, 1920-91 թթ. բուլշևիկյան վարչակարգը, չքորբոքեին նրանց վայրենի կրքերը, նրանց չլիցքավորեին անպատժելիության զգացումով, ամեն անգամ իրենց ամենակարող զորությունը չդնեին նրանց տրամադրության տակ: Պատմության մեջ մի ակնթարթ միայն՝ 1992-94 թթ., ադրբեջանցիները զրկվեցին արտաքին այդ անհաղթելի ուժից և չնայած չեչեն ու աղվան մուջահեդ վարձկաններին էլ օգնության կանչեցին, բայց «յոթ միլիոնով» ծնկի եկան հարյուր հիսուն հազարի առաջ, որպեսզի ... մի քանի տարի հետո «դառնան» 8 միլիոն:

Գորբաչովյան վարչակարգի հրահրմամբ սկսված ազերթուրքական վայրենի ագրեսիային փոխարինելու եկավ նույնքան սանձազերծ ու լկտի ազերթուրքական պատմաքաղաքական ագրեսիան: Պետական մակարդակով դեկավարվող ազերթուրքական հակահայկական քարոզարշավը հասել է այն աստիճանի սանձարձակության, որ Զ. Ալիևը հանձնարարում է. «Եվ հետագայում էլ պետք է հորինել այնպիսի ստեղծագործություններ, որոնք մշտապես, հետևողականորեն ապացուցեն, որ Ադրբեջանին են պատկանում այն հողերը, ուր ներկայումս տեղադրված է Հայաստանը: Մենք պիտի դա անենք: Մենք պիտի ճանապարհ բացենք մեր հետագա սերունդների համար» («Բակինսկի ռաբոչի», 18 փետրվարի, 1999 թ.):

Կատարելով պետատվեր՝ ազերթուրքական քարոզչական մեքենան իսպառ վերացրել է ամեն կարգի նենգափոխումների արգելակները՝ անտեսելով նույնիսկ մարդկային բանականության ամենատարրական պահանջները: Անհրաժեշտության բերումով պետք է իմանալ, թե ինչից սկսվեց դա, և դեպի ուր է միտված Ալիևի հանձնարարականը:

Չնայած 1921թ. կուստանազումարի ամբիոնից Ստալինը պնդում էր, թե ազերթուրքերը դեռևս ցեղ են, չեն ձևավորվել որպես ազգ, այդ հանգամանքը նրան չխանգարեց, որ 30-ական թվականների կեսերին հանձնարարի այդ ժողովրդի համար պատմություն շինել, և ինքն էլ տվեց առաջին օրինակը՝ համաշխարհային պոեզիայի գագաթներից մեկին՝ Նիզամուն, հռչակելով ադրբեջանական բանաստեղծ: Գործի անցան երիտասարդական ավյունով լցված պատմաբաններ՝ Յանպոլսկի, Տրևեր, Երեմյան և ուրիշներ, հետագայում Բուհիաթովն իր շքախմբով, այսօր՝ նրա ժառանգորդները պետական մակարդակով: Եվ այդ ժողովրդի համար շինեցին ու շինում են քաղաքակրթության մեջ աննախադեպ մի պատմություն: Նախևառաջ անհրաժեշտ էր «ճշգրտել» այն հենասյունները, որոնց վրա պիտի կառուցեին եզիպտական բուրգը: Եվ «հանձնարեղ» խորաթափանցությամբ ու անառարկելի «ճշգրտությամբ» հայտնագործեցին: Ահա մ.թ.ա. 9-8-րդ դարերում Ուրմիա լճի հարավարևելյան շրջանում հիշատակվող Մանա (Ար-Մանա) պետությունը, որն այդպես էլ պատմության մեջ հետագա շարունակություն չի ունեցել: Բայց չէ՞ որ աշխարհագրական այդ տարածքը վերջին դարերից դարձել է Ենիսեյի ավազանից ու Ալթայի կողմերից եկած քոչվորների բնակատեղիներից մեկը: Հենց այդ եկվորներն էլ Մանայի, հետագա Ատրոպատենայի «բնիկներն» են, որոնց նվաճելով՝ թուրքերը պարտադրեցին իրենց լեզուն, դարձրին թուրքախոս: Դե թող մեկը վեր կենա ու հակառակն ապացուցի: 1930-1950-ական թվականներին վերևից իջած քաղաքական պատվերն էր՝ ապացուցել, թե ազերիները թուրքեր չեն, և այդ մտայնությունն էր իշխում Ադրբեջանի պատմագիտական հրապարակումներում:

Եվ քանի որ ազերթուրքերը մեկով բավարարվել չէին կարող, մանավանդ որ Ադր. ԽՄԳ-ն բավական հեռու էր Մանայից, «հայտնագործեցին» նաև երկրորդ հենասյունը՝ պատմության մեջ գոյություն չունեցած աղվան անունը կրող ժողովրդին՝ իր «դարերի խորքը թափանցող» պատմությամբ, իր «հարուստ ու զարգացած» մշակույթով:

Հայտնագործված այդ հայրենիքը բովանդակավորելու համար, փառք Աստծո, տեղական ժողովուրդներն ստեղծել էին իրոք դարերի

խորքն իջնող քաղաքակրթություն ու պատմություն, որն առանց նույնիսկ որևէ սրբագրման, գրչի մի հարվածով «դառնում» է ազերթուրքական. ոչ միայն տեղական ժողովուրդների ստեղծած մահմեդական քաղաքակրթությունը, այլև հայոց խաչքարերը:

Եվ քանի որ հարցերի հարցը Ադրբեջան կեղծանունով թմբկահարվող Արևելյան Անդրկովկասը սեփականացնելն էր, այն դարձավ ազերթուրքական պատմաքաղաքական բռնալուրացման առարկա (և իրենց հաղթարշավը հասցրին Նոյ մահապետին, որն «անառարկելիորեն» ծագումով ազերթուրք է: Ինչ է, իզո՞ւր են Նախիջևանի երկրամասը, ուր ըստ առասպելի առաջին անգամ ոտք է դրել Նոյ մահապետը, բռնագավթել ազերթուրքերի համար: Մարտնչող ազերթուրքականությունը պատմաքաղաքական իր «թռիչքներով» արդեն հասել է մի այնպիսի հանգրվանի, որ այսօր կարող է հեշտորեն «ապացուցել», թե համաշխարհային ցրհեղեղը չի տարածվել իրենց վրա, թե իրենք Ադամի ու Եվայի չմիջնորդավորված շարունակությունն են, թե հետցրհեղեղյան ողջ քաղաքակրթությունն ազերթուրքերից փոխառնված իրողություն է: Պարզապես նրանք դեռևս չգիտեն, որ նման վկայություն կա անտիկ պատմագրության մեջ: Մ.թ. I դարի հռոմեական պատմիչ, ազգությամբ հրեա Յովսեփոս Փլավիոսը, վկայակոչելով առավել հնագույն պատմիչ Նիկողայոս Դամասկոսցուն, նրանից կատարում է այսպիսի մեջբերում. «Մինիաս երկրից վերև Հայաստանում կա մի խոշոր լեռ՝ Բարիս անունով, որտեղ, պատմության համաձայն, շատերն ապաստանելով փրկություն են գտել ցրհեղեղի ժամանակ»¹: Մնում է մեր անփոխարինելի հարևաններին հուշել, որ մեջբերման մեջ հիշատակվող Մինիասը նույն Սանան է, որ Հայաստան տեղանվան օգտագործումն այդտեղ թյուրիմացություն է, որ Բարիս լեռը գտնվում է իրենց «խկոննի» հայրենիք Ադրբեջանում, և Բարիս լեռան փրկվածներն էլ իրենց նախապապերն են:

Ահա թե ինչու նրանք կարող են «պատմական փաստերով ապացուցել» նախաջրհեղեղյան ժողովուրդ լինելու իրենց իրավունքը: Զէ՞ որ թուրքն ու ազերթուրքն ինչ էլ որ ասեն կամ գրեն, կամ փողի գորությամբ գրել տան, հզոր Արևմուտքը քաղաքակրթության իր «բարձունքներից» անմիջապես գրկաբաց է ընդունելու՝ հանուն աշխարհը կլանելու իր քաղաքական շահախնդրության:

Հետևապես ոչ մի նշանակություն չունի այն հանգամանքը, որ անցյալ դարի 30–40–ական թվականներին իրենց դպրոցական դասագրքե-

րում «սխալմամբ» գրում էին. «Առաջին բանաստեղծը, որ գրել է ադրբեջաներենով, Վազիֆն է» (18-րդ դարի վերջերը):

Երբ 1953 թ. Իմիշլիի շրջանի Թալլբխանլու դշլադից 43 ծուխ ազերթուրքերի հարկադրանքով տեղափոխել են Ղարաբաղի Տող գյուղը՝ որպես Ղարաբաղի վերջնական թուրքացման հերթական միջոցառում, այդ ամենա, ամենահնագույն ու քաղաքակիրթ ժողովրդի գավակներն զգուշանում էին քարակերտ բնակարան մտնելուց՝ վախենալով առաստաղը փլվի գլխներին: Սա անելիդու չէ, բերում ենք ականատեսի վկայությունը: «Սկզբում նրանք բնավ չէին ցանկանում բնակվել Տողում,– վկայում է ականատեսը,– քանզի այստեղի քաղաքատիպ, լայն բացվածքով պատշգամբներով երկհարկանի տները և ընդհանրապես գյուղի արդյունաբերական ձեռնարկությունները, սալահատակ փողոցներն իրենց համար անսովոր էին և նույնիսկ վախենում էին աստիճաններով բարձրանալ և աներկյուղ մտնել տախտակապատ առաստաղներով սենյակները: Նրանց թվում էր, թե առաստաղը կթափվի իրենց գլխին: Դրա համար շատերը... վրաններ էին խփում ինչպես բակերում, այնպես էլ պատշգամբներում և երկար ժամանակ բնակվում դրանցում»:

Այսքանով հանդերձ, ազերթուրքերը ի ծնե անմրցակից են քաղաքական ճկունության ու դիվանագիտական կողմնորոշումների տեսակետից: Վերջին մի հարյուրամյակում դիվանագիտորեն նրանք չորս անգամ փոխել են իրենց անվանումը, հանդես եկել ուրիշների կողմից իրենց վերագրած անուններով՝ կովկասյան թաթար, թուրք, ադրբեջանցի, նորից թուրք՝ ներքուստ մնալով սեփական ինքնանվանման տերը՝ մուսուլման. վերջին մի հարյուրամյակում չորս անգամ այբուբեն են փոխել՝ ներկայանալով ամենահին մշակույթի տեր ժողովուրդներից մեկը:

Ահա թե ինչու սահմաններ չճանաչող ազերթուրքական գեղծարարությունները հարկադրում են բարի ճանապարհ մաղթել մեր անփոխարինելի հարևաններին նախաջրհեղեղյան ազերթուրքական պատմության ու քաղաքակրթության որոնման բնագավառում և հիմնահարցը ներակայացնել իր նախա, նախա, նախահիմքերից:

¹ Օտար աղբյուրները Հայաստանի ու հայերի մասին, Ե., 1976, հ. IX, էջ 55:

¹ Շահեն Սկրտչյան, Արցախում ես ուրիշ պատերազմ տեսա, 1996, էջ 47–48:

ՀԱԶԱՐԱՄՅԱԿՆԵՐԻ ՊԱՏՄՈՒԹՅԱՆ ՀԵՏԱԳԾՈՎ

Հայկական բարձրավանդակի հետ միաժամանակ Արևելյան Անդրկովկասը ևս եղել է հայ ժողովրդի բնական հայրենիքն այն հեռավոր ժամանակներից, երբ նա առանձնացել է հնդեվրոպական նախամայր ժողովրդից՝ որպես ինքնուրույն էթնիկական միավոր: Չնայած այդ երկրատարածքը գիտական ծրագրով չի ենթարկվել պեղումների, և հնագիտությունը դեռևս իր խոսքը չի ասել, իր խոսքը չի ասել նաև պատմահամեմատական լեզվաբանությունը, այնուամենայնիվ, այլևայլ բնագավառներին վերաբերող ուսումնասիրություններից, շատ դեպքերում կողմնակիորեն ու պատահական, ջրի երես են դուրս գալիս փաստեր և իրողություններ, որոնք խոսում են այդ տեսակետի օգտին:

Այսպես. Ղարաբաղի բարբառում կան որոշակի քանակությամբ բառեր, որոնք գործածական են միայն այդ բարբառում, չեն մտել հայերենի ընդհանուր բառապաշարի մեջ: Այդ բառերը իրենց հնչյունական կազմով ու արտահայտած իմաստով նույնությամբ արձանագրված են նաև հնդկական սուրբ գրքում՝ «Ռիգվեդայում»: Օրինակ, ըստ «Ռիգվեդայի», Յաման մահվան թագավորության տիրակալն է, մարդկանց մահ բերող աստվածը: Նույն հնչյունական կազմով և նույն իմաստով բառը պահպանվել է նաև Ղարաբաղի բարբառում և այսօր էլ ամենօրյա գործածական բառ է: Այդպես են նաև հոթառ (հռետոր), սվահա (սվաբա), արշա և այլ բառեր: Միայն Ղարաբաղի բարբառում գործածվող բառերի մի խումբ էլ առկա է ժամանակակից անգլերեն լեզվում¹:

Սրանք իրողություններ են, որոնք մտածելու տեղիք են տալիս, մանավանդ եթե վերջնականապես ապացուցված իրողություն է դառնում, որ հնդեվրոպական նախամայր լեզուն կրող ժողովրդի նախահայրենիքը եղել է Արևելյան Փոքր Ասիայից մինչև Արևմտյան Իրանն ընդգրկող երկրատարածքը:

Հնագետների հայտնաբերած հնագույն քաղաքակրթություններից մեկը շումերական քաղաքակրթությունն է Հարավային Միջագետքում, ուր շումերներն ապրել են մ.թ.ա. 5-րդ հազարամյակի վերջերից մինչև 2-րդ հազարամյակի սկիզբը: Շումերական գրական հուշարձաններից է նաև մարդկությանը հայտնի ամենահին եպոսը, որը ներկայացնում է

շումերական իրականությունը մ.թ.ա. 28-27-րդ դարերում: Այդ էպոսում բավական որոշակի տեղեկություններ կան նաև շումերների հարևան ու մրցակից Արատտա երկիր-պետության մասին, որի արևելյան, հարավային ու արևմտյան սահմանները համընկնում են պատմական Հայաստանի սահմանների հետ: Շումերական էպոսում հիշատակություն կա նաև Արատտայի աստվածային պանթեոնի մասին: Մայր աստվածուհին կոչվում էր Տուրտուր, որը շումերներից աքաղաղների փոխանցված «Գիլգամեշ» էպոսում դառնում է արդեն Արար-Տուտու: Արար մակդիրի կորստով ~~տուտու~~ բառը հասել է մեր օրերը կրկնակի իմաստով: Արևմտահայերենում տուտու նշանակում է մեծ մայր, տատիկ ինչ-որ չափով պահպանելով նախկին իմաստը: Իսկ Ղարաբաղի բարբառում տուտու են ասում դանդաղաշարժ, անկարող, որն է գործում շնորհք ցուցաբերելու անընդունակ կնոջը: Ըստ երևույթին այդ հեռավոր ժամանակներում, հայկական ցեղերի միավորմանը զուգընթաց, նրանց աստվածային պանթեոնների միջև ևս մրցակցություն ու «կռիվ» է եղել, և արևելյան հատվածում հաղթող է դուրս եկել Նանե մայր աստվածուհին դառնալով մեծ մայր, տատիկ, իսկ պարտված Տուտուն ստացել է բացասական իմաստ:

Ընդամենը մեկ բառ, որը, սակայն, հնարավորություն է տալիս թափանցելու դարերի խորքը և կռահելու, որ Արևելյան Անդրկովկասը ևս Արատտա երկիր-պետության կազմի մեջ է եղել, և այդ երկիր-պետությունն էլ հայ ժողովրդի հնագույն պետական կազմավորումն է: Իսկ ինչ-քան այդպիսի փաստեր կհայտնաբերվեին նպատակամղված հնագիտական ու լեզվաբանական ուսումնասիրությունների դեպքում հնարավորություն ստեղծելով վերականգնելու հնագույն ժամանակների պատմական իրականությունը:

Վանի Արարատյան թագավորության սեպագիր արձանագրություններից հայտնի է, որ Արգիշտի Երկրորդը, շարունակելով իր նախորդների քաղաքականությունը՝ մի միասնական պետության կազմում հայկական ցեղերի միավորման ուղղությամբ, մ.թ.ա. 8-րդ դարի վերջերին երկրի սահմանները հասցրեց Կասպից ծովի արևմտյան ափերը: Սեպագիր ժամանակ էլ նա հիմնադրեց Բագուն, ինչպես իր անվանակից նախորդը, նվաճելով Արարատյան դաշտը, այնտեղ հիմնադրեց Երեբունին ու Արգիշտիխիմիլի-Արմավիրը: Չէ՞ որ Բագու բառը կազմված է գուտ հայկական բառակազմական միջոցներով: Բագ (բոգ) արմատը հնդեվրոպական նախամայր լեզվից հայոց լեզվին փոխանցված բառ է, որը առկա է հայերեն մի շարք բառակազմություններում՝ Բագ-ին, Բագ-արան,

¹ Տես՝ Սովետական Ղարաբաղ, 1988 թ., հ. 184, 190, 194:

Բագ-ավան: Բագ արմատը հայոց լեզվի գործուն բառապաշարի մեջ է եղել մինչև մ.թ.ա. երկրորդ դարի սկիզբը, երբ երվանդ վերջինը իր կառուցած պաշտամունքային կենտրոնն անվանակոչեց Բագարան: Բագու բառը կազմված է նույն բագ արմատից և հայերեն ու ածանցից, որը բառին տալիս է ունենալու իմաստը, ինչպես ազդ-ու, կծ-ու, հատ-ու և այլն:

Բագուն հայերենի բառակազմական միջոցներով ստեղծված միակ տեղանունը չէ Ապշերոնյան թերակղզում. տառացիորեն նրա հարևանն է դարերի խորքից եկող Մարդականը՝ կազմված մարդ արմատից և ական ածանցից՝ բառակազմական իր զուգահեռներն ունենալով Բյուր-ական, Սիս-ական, Բայլ-ական, Վասպուր-ական և նման շատ ու շատ բառերում:

Այս կարգի ցրված փաստերի, մանավանդ մինչև մեր օրերը հասած տեղանունների շարքը ամբողջ Արևելյան Անդրկովկասով մեկ կարելի է բազմապատկել, փաստեր, որոնք դուրս են մնացել գիտական հետաքրքրությունների տեսադաշտից: Սակայն մի բան որոշակի է. Արևելյան Անդրկովկասը մինչև 17-րդ դարի վերջերը իր հիմնական մասով գիտակցվում էր որպես Հայաստան, հայ ժողովուրդն էր այդ տարածքի հիմնական ու գերակշռող էթնիկական տարրը, չնայած դարեր շարունակ այնտեղ մեկը մյուսին հերթափոխել են օտար նվաճողները՝ ամեն մի նվաճող իրեն ձեռնտու ձեռով վարչատերիտորիալ բաժանումների ենթարկելով այն: Բուր նվաճողներն էլ, սկսած Ալեքսանդր Մակեդոնացուց, երկրատարածքի էթնիկական նվաճման խնդիր չեն դրել և շատ թեթիչ էթնիկական, պատմամշակութային նստվածքներ չեն թողել: Իսկ բուրդը այն դեպքերում, երբ հնարավոր է եղել օտարի լուծը թոթափել, տեղը կանգնել է հայկական ազգային իշխանություն, վերջինը՝ Բաքվի կոմունան 1918 թ.: Իր իրական բովանդակությամբ և ոչ թե կոմունայի դեկլարության գաղափարաքաղաքական ուղղվածությամբ, մի հակասություն, որը դարձավ կոմունայի պարտության պատճառներից մեկը, թերևս ամենահիմնականը:

Օգտագործելով հնագույն աղբյուրները՝ Պատմահայր խորենացին ներկայացնում է մ.թ.ա. III դարի պատմական իրականությունը: Պարսկաստանի տիրակալ Արշակ Մեծն Աքեմենյան աշխարհակալությունը վերականգնելու հեռանկարով Հայաստանի թագավոր է նշանակում իր

եղբայր Վաղարշակին՝ նրան վերապահելով նաև ասիական արևմուտքը՝ միաժամանակ պետության հյուսիսարևելյան սահման նշանակելով «Պոնտոս ծովից մինչև այնտեղ, ուր Կովկասը վերջանում է արևմտյան (կարդա՛ Կասպից) ծովի մոտ»¹: Արևելքի տիրակալ Արշակ Մեծի համար Կասպից ծովը արևմտյան է:

Արտաշես Առաջինի (մ. թ. ա. 179-160) օրոք Կասպից երկիրն ապստամբել էր թագավորի դեմ: Սրտաշեսը նրանց դեմ է ուղարկում իր զորավար Սմբատին, որը «գնալով բուրդին հնազանդեցնում է», գերիներ վերցրած վերադառնում²: Այդ երկրամասը մեկ էլ ապստամբած ենք տեսնում IV դարի երկրորդ կեսին, Արշակ երկրորդ թագավորի դեմ: Այս անգամ էլ սպարապետ Մուշեղ Մամիկոնյանն է հնազանդեցնում նրանց: «Ապա Մուշեղ սպարապետը սաստկապես վրեժ է առնում Կասպից երկրից, Փայտակարան քաղաքից, որովհետև նրանք էլ ըմբոստացել ու դավաճանել էին Հայոց թագավորին»³:

Անտիկ աշխարհի աշխարհագիր – պատմիչները (Ստրաբոն, Պլինիոս, Պտղոմեոս և ուրիշներ) միաձայն համերաշխությամբ Հայաստանի արևելյան սահման ճանաչում են Կասպից ծովը: Ահա թե ինչ է գրում Պոմպոնոսը՝ որոգոսն իր պատմական երկում մ.թ. I դարի սկզբին. «Չի կարելի լուրջամբ անցնել այնպիսի թագավորության կողքից, ինչպիսին է Հայաստանը, քանի որ նրա սահմանները, Պարթևաստանից հետո, իրենց ընդարձակությամբ գերազանցում են բոլոր մյուս թագավորությունների սահմանները, ընդ որում, Հայաստանը Կասպից ծովից մինչև Կասպից ծովը տասնմեկ հազար քայլ տարածություն ունի, իսկ լայնքով նրա երկարությունն է յոթ հարյուր հազար քայլ»⁴: Ըստ Պլինիոսի ճշգրտված տվյալների՝ Հայաստանի երկարությունը եղել է հազար ինը հարյուր հիսուն կմ, լայնությունը՝ ինը հարյուր յոթանասունհինգ կմ⁵:

Աշխարհակալ Յոռոնը, 166 թ. սկսած, կայսրության արևելյան մասում ստեղծում է ռազմական մի սիստեմ, որի համաձայն՝ «բարեկամ ու դաշնակից» թագավորությունները պահպանում էին մշտական հեծելազոր կայսրության նպաստով: «Հայկական հեծելազորի պահպանության

¹ Ս. խորենացի, Պատմություն հայոց, 1968, էջ 83:

² Նույն տեղը, էջ 187:

³ Փ. Բուզանդ, Պատմություն հայոց, 1986, էջ 152:

⁴ Հայ ժողովրդի պատմություն, 1971, հ. 1, էջ 707:

⁵ Նույն տեղը, էջ 838:

համար կայսրությունը համաձայնել էր յուրաքանչյուր տարի վճարել որոշ դրամական նպաստ»¹: Իսկ դրա դիմաց հայկական հեծելազորը պետք է հյուսիսային ցեղերի ասպատակություններից պաշտպաներ «Կովկասյան անցքերը»: Եվ երբ 196-րդ 198 թվականին «խազիրներն ու բասիլները ճորա դռնից» հեթոթականորեն դուրս են գալիս ասպատակության, նրանց դեմ գործով դուրս է գալիս հայոց Վաղարշ Բ թագավորը, «նրանց բազմությունը կոտորելով, դիակներն սփռում է դաշտի երեսին և երկար տեղ նրանց հալածելով անցնում է ճորա կապանով: Այստեղ թշնամիները նորից ճակատամարտ կազմեցին. թեպետ հայոց քաջերը նրանց փախուստի մատնեցին, բայց Վաղարշն սպանվեց կորովի աղեղնավորների ձեռքով»: Գորը փոխարինած Խոսրովն «խսկույն հայոց զորքերը միացնելով անցնում է մեծ լեռը՝ իր հոր մահվան վրեժն առնելու. նա սրով ու զեղարդով վանում է այդ հզոր ազգերին, բոլոր պիտանի մարդկանցից հարյուրից մեկը պատանդ է վերցնում և իբրև իր տերության նշան մի արծան է կանգնեցնում հունարեն գրով, որպեսզի հայտնի լինի, թե ինքը հնազանդվում է հռոմեացիներին»²:

Այսպիսով, անտիկ աշխարհի գրավոր աղբյուրների վկայությամբ՝ Հայաստանի արևելյան սահմանը Կասպից ծովն է: Այդ սահմանն անխախտ է մնացել մինչև հայ Արշակունիների թագավորության վերացումը:

Այժմ դառնանք քաղաքական շահարկումների թիրախ դարձած Աղվանքի բազմաչարչար ֆենոմենին: Պատմությունն ավանդում է, որ պարսից արքայից արքա Արշակ Մեծն իր եղբայրներին թագավորեցնում է Մարաստանում ու Հայաստանում, իսկ երրորդի համար էլ ստեղծում է Մասքութ Արշակունիների թագավորությունը Չող մայրաքաղաքով՝ Քուռը դարձնելով նրա հարավային սահման. մի սահմանագիծ, որը պահպանվել է մինչև երկու պետություններում Արշակունի թագավորությունների վերացումը, որի արդյունքում Սասանյանները երկրատարածքում կատարեցին նոր վարչատերիտորիալ սահմանագծումներ, ստեղծեցին Աղվանից մարզպանությունը:

Պատմությանը հայտնի չէ որևէ աշխարհակալ պետություն, որն իր վարչաքաղաքական սահմանները գծած լինի ենթակա ժողովուրդների էթնիկական սահմաններով: Ընդհակառակը, միշտ էլ այնպիսի բաժանումներ են կատարել, որ որևէ ժողովուրդ ազգային ինքնուրույնություն

չունենա, միշտ խճճված լինի հարևանների հետ ունեցած հարաբերությունների ցանցում, որպեսզի միշտ կախված լինի իշխողի արդարամտությունից: Վերջիններից մեկը՝ այսօր մեզ ժառանգություն հասած աշխարհաքաղաքական վիճակը: Պարզ է, որ Արշակ Մեծը բացառություն կազմել չէր կարող: Ահա թե ինչ սահմաններ է գծում նա իր եղբայր Վաղարշակի համար, որին դարձրել էր Հայաստանի թագավոր: «Նա իր եղբորը՝ Վաղարշակին, թագավորեցնում է Հայաստանի վրա, այսպես նպատակահարմար համարելով, որպեսզի իր թագավորությունն անխախտ մնա: Նրան մայրաքաղաք է տալիս Մծքինը և նրա համար սահմաններ որոշում՝ Ասորիքի արևմտյան կողմից մի մասը, Պաղեստինը, Ասիան, ամբողջ Միջերկրայքը և Թետալիան Պոնտոս ծովից մինչև այնտեղ, ուր Կովկասը վերջանում է արևմտյան ծովի մոտ, նաև Ատրպատականը և էլի՝ որքան քո միտքը և քաջությունը կհասնեն»³:

Նույն ելակետով էլ Արշակ Մեծն ստեղծում է Մասքութ Արշակունիների թագավորությունը, որի կազմում, ըստ Ստրաբոնի վկայության, կուտակված էին 26 տարալեզու ցեղեր: Թե ինչքանով է ստույգ Ստրաբոնի հիշատակած 26 թիվը, ոչ ոք չի կարող հաստատել կամ ժխտել: 5-դ դարի մեր պատմիչները տարբեր առիթներով անդրադարձել են այդ ցեղերին, հիշատակել 2 տասնյակից ավելի ցեղանուններ: Այսպես՝ Մանեսան թագավորի՝ Հայաստան կատարած արշավանքի կապակցությամբ Փավստոս Բուզանդը գրում է. «Այն ժամանակ Մասքութների Մանեսան թագավորը սատիկ բարկանալով թշնամացավ իր ազգակից հայոց Խոսրով թագավորի հետ և հավաքեց, գումարեց բոլոր զորքերը՝ հոների, փոխեր, թավասպարներ, հեծնատակներ, իժմախներ, գաթեր, զղվարներ, գարգարներ, չչբեր, ճղբեր, բաղասիճներ, եզերսվարներ և այլ խառնիճադանց, թափառական վաչկատուն ցեղերի անթիվ բազմություն...»⁴: Իսկ Եղիշեն էլ թվարկում է այսպես. «Ինչպես և լինաց և ճղբաց զորքերը. Վատը, Գավը, Գղվարը, Խրսամը և Հեծնատակը, Փախսը, Փոխսն ու Փյուքվանը և Թավասպարների ամբողջ զորքը»⁵:

Բայց թե հիշատակված ցեղերը, իրենց մեծագույն մասով, ինչ տարածքներ են զբաղեցրել, հայտնի չէ: Մերօրյա հետազոտողները պատմական բոլոր սկզբնաղբյուրները մանրագին հետախուզելուց հետո Աղվանից թագավորության զբաղեցրած տարածքում կարողանում են պայմանականորեն տեղադրել հազիվ 6-7 ցեղերի՝ մասքութներ, թա-

¹ Նույն տեղը, էջ 83:

² Փ. Բուզանդ, նշված աշխատությունը, էջ 75:

³ Եղիշե, Վարդանի և հայոց պատերազմի մասին, 1971, էջ 191:

¹ Նույն տեղը, էջ 790:

² Մ. Խորենացի, նշված աշխատությունը, էջ 200-201:

վասպարներ, լեկեր, լփիններ, շիբեր, չիլբեր: Իսկ թե ինչ լեզվի կրողներ են եղել այդ ցեղերը, ինչ մշակույթ են ստեղծել, դրանց վերաբերյալ որևէ վկայություն ճարել չեն կարողանում, վկայություն չկա: 19-րդ դարի վերջին Մակար եպիսկոպոս Բարխուդարյանցը, նախկին Աղվանքի այդ մարզերը հետազոտելով, հայտնաբերել է հազիվ երկու բարբառ՝ լահնե-րեն և ուտիերեն, յուրաքանչյուր բարբառից որպես նմուշ վերցրել մի շարք բառեր:

Կարելի է ենթադրել, որ հիշատակվող 26 ցեղերի մեջ չի եղել ուրիշ որևէ մեկը, որն իր թվակազմով ու ընդհանուրի մեջ ունեցած կշռով իրենով բովանդակավորեր, իրենով ներկայացներ կազմավորվող պետությունը: Իսկ կազմավորվող պետության հիմնական ու գերակշիռ էթնիկական տարրի՝ հայերի անունով այն ներկայացնել չէր կարելի երկու Հայաստան իրար կողքի ճանաչելու քաղաքական անսպասելի հարմարության պատճառով: Եվ «որպեսզի իր (Արշակ Մեծի) թագավորությունն անխախտ մնա», ձևավորվող պետությունը շրջանառության մեջ է մտցվում աշխարհագրական անունով, երկրամասի ամենամեծ վարչաէթնիկական տարածքի՝ Աղվանքի անունով, իսկ ցեղերն էլ ստանում են աղվանից ժողովուրդ հավաքական անունը, որը նշանակում է ոչ այլ ինչ, քան Աղվանքի ժողովուրդ, Աղվանք երկրի ժողովուրդ:

Վերացնելով Արշակունյաց երկու թագավորությունները՝ Սասանյանները չխախտեցին ավանդությունը. ստեղծեցին Աղվանից մարզպանություն՝ նախկին թագավորությանն ավելացնելով Հայաստանի Ուտիք և Արցախ մարզերը: Բայց երբ թուլացավ նաև Սասանյանների ազդեցությունը, երկրամասը տրոհվեց երեք միավորների՝ Աղվանք, Լփինք և Չող. դրանց միավորող միակ գործոնը մնաց լուսավորչական եկեղեցին:

Մովսես Կաղանկատվացու «Պատմություն Աղվանից աշխարհի» հայտնագործումով սկզբնավորվեց պատմագիտության մի նոր բնագավառ՝ աղվանագիտությունը: Հայ և եվրոպական հետազոտողներն այս կամ այն ճշգրտությամբ տալիս էին ծագող հարցերի գիտական պատասխանները, մինչև որ անցած դարի 30-ական թվականներից պատմագիտական ճշմարտությանը փոխարինելու եկան նենգափոխումներն ու հարմարեցումները՝ հեռուն գնացող քաղաքական նկատառումներով: Մանավանդ Արևելյան Անդրկովկասում ամեն մի հայկականի, նույնիսկ հայի գոյության իսկ փաստը աղվանաթուրքական հռչակելու բունիաթովյան սանձարձակությունը որոշ հայագետների ստիպեց, որ գոնե հնարավորը փրկեն ազերթուրքական այդ ավազակային թալանից: Առաջին հերթին մտահոգության խնդիր դարձավ վերջին դարերում Ղա-

ռաբաղ հասկացությամբ ներկայացող Կուր գետի աջափնյակի փրկության հարցը: Այդ անհրաժեշտության թելադրանքով և հենվելով առաջին դարի հույն աշխարհագիր Ստրաբոնի հաղորդած տեղեկությունների վրա՝ «չինական պարիսպ» կանգնեցրին Կուր գետի երկայնքով մեկ: Արժանին պետք է մատուցել կատարվածի դիմաց: Մի Մնացականյան, մի Ուլուբաբյան, մի Հակոբյան ինտերնացիոնալ պարտադրանքի պայմաններում կարողացան հարևան հանրապետության վարչական տարածքի մեջ խցկած Կուրի աջափնյակի հայկականությունն ու հայապատկանությունը փրկել ազերթուրքական մարտնչող շովինիզմի երախից: Ավելին. մեկ-մեկ էլ նրանք, «չարություն» անելով անցնում էին «չինական պարսպի» վրայով, մատնացույց անում, որ ծախսափնյակում էլ մենք ունեինք Կամբեժան ու Փոքր Հայք՝ իր Անահտական տաճարային համակարգով: Միգուցե այդքա՞ն էր հնարավոր երեկ: Իսկ այսօր, երբ ճշմարտությունն իր իրավունքի մեջ վերականգնելու համար քաղաքական սպառնալիքներ չկան, անհրաժեշտ է լիարժեք քայլերով անցնել նաև պարսպից այն կողմ՝ տեսնելու համար, թե, վերջապես, ի՞նչ է եղել այնտեղ:

Հանրահայտ ճշմարտություն է, որ անտիկ աշխարհին հայտնի Ասիայի հազարամյակների պատմության ընթացքում ամենափոփոխականները եղել են պետական կազմավորումները, նրանց աշխարհագրական սահմաններն ու էթնիկական կազմերը, իսկ ամենից պահպանողականները եղել են աշխարհագրական անվանումները, տեղանունները: Տարածքների քաղաքական փոփոխության արդյունքում մասնավոր դեպքերում է կատարվել տեղանվանափոխություն: Այսպես: Ցարիզմի հարյուրամյա տիրապետության ընթացքում ընդամենը երկու տեղանուն անվանափոխվեց Արևելյան Հայաստանում՝ Գյումրի-Ալեքսանդրապոլ, Գանձակ-Ելիզավետապոլ: Բուլշևիկների 70-ամյա տիրապետության պայմաններում նույն տեղանունները վերանվանվեցին Լենինական, Կիրովաբադ, և Ղարաբեյլիսան էլ դարձավ Կիրովական: Իսկ հանգամանքների փոփոխվելուց հետո նորից իրենց դերի մեջ մտան նախաստեղծ տեղանունները: Ուրիշ հարց է, եթե նոր տիրապետող սեփական ձեռնարկումներ կատարի և անվանակոչի դրանք: Այսպես: Ցարիզմը գաղթօջախներ ստեղծեց Կովկասում և անվանակոչեց դրանք՝ Սեմյոնովկա, Կուրոպատկինո, Կարյազինո և նմաններ:

Ինչպես արդեն նշվել է, Արշակ Մեծն իր երրորդ եղբոր համար էլ ստեղծել է Մասքուբների Արշակունիների թագավորությունը՝ այն անվանակոչելով Աղվանից թագավորություն: Հետազոտողները համարյա

անխտիր այդ անվանման մեջ դնում են էթնիկական իմաստ, ինչ—որ առանձին մի ժողովուրդ, որի համար այ ու ծախս ընկած որոնում են ցանկացած ժողովրդի գոյության փաստը հաստատող կռվան նրա լեզուն ու մշակույթը, բայց ոչինչ, տառացիորեն ոչինչ չեն գտնում: Սակայն, ո՛վ զարմանք, պատկառելի տարածք զբաղեցնող Աղվանքում մենք բախվում ենք մի իրողության հետը, որը դուրս է մնացել բոլոր հետազոտողների տեսողաշտից: Խոսքը վերաբերում է երկրի աշխարհագրական անուններին, տեղանուններին, որոնք անխտիր կամ համարյա անխտիր, հայերեն են կամ ունեն հայերեն բառակազմական ձևույթ՝ սկսած ընդհանուր երկրանունից ու երկրի մայրաքաղաքի անվանումից:

Սկսենք հենց երկրանունից: Աղվանք (Աղուանք), որի զուգահեռներն են հարևան Ուտիք—Արցախում՝ Գարդմանք, Պիանք, Պազկանք, Մուխանք, Հարճլանք, Մեծառանք և այլն: Բոլորն էլ կազմված տեղանուն կազմող անք ածանցով: Երկրի մայրաքաղաքը՝ Կապաղակ=Կապ+աղ+ակ՝ կազմված հայերեն բառաբաղադրիչներով, որի զուգահեռներից են՝ փակաղակ, կաչաղակ, մակաղել, սվաղել, նվաղել, կատաղել, հապաղել և այլն:

Եվ այսպես, գավառներ՝ Կամբեջան, Եղնի (Խենի), Գետառու, Խոխմազ (Խողմաղ, Հողմաղ Հողի), Շաքե, Ոստան ի մարզպան, Համբասի, Գեղավու, Հեջերի, Ջաղաղաշտ (Ջաղածոր): Բնակավայրեր՝ Գիշ, Շաքի, Կապաղակ, Քաղաքերդ: Գետեր՝ Աղուան, Գետառու, Գեղավու, Սերոջ, (Քալածոր): Այս անունները արտագրել ենք Երեմյանի կազմած քարտեզից: Ավելի խոսում են Կուրի ծախսափնյակը ներկայացնող այլ աղբյուրներից քաղված տեղանունները, որոնցից ներկայացնում ենք մի շարք՝ Դաշտակ, Հաբանդ, Գարդման, Կախավան, Կալ—տակ, Օրաբան, Մուխանց, Քանդակ, Ջարդունի, Բաղասական, Խաչմաս, Դուրկան, Արջկան, Շապորան, Շրուան, Խուրս—վեմ պարիսպ, Խարուան, Հերան, Բագավան, Ավշարան, Ալևան, Յոթնփորակյան բազին, Բագու, Մարդական և այլն:

Հայերենակազմ, հայերենաշունչ այս բառապաշարը պերճախոս վկայում է ինքն իր մասին: Դրանք ստեղծողները կարող էին լինել միայն հայերենախոս տարրեր, իսկ դրսեկներն այդ պատրաստի բառապաշարը պիտի հարմարեցնեին իրենց լեզվամտածողությանն ու լեզվի օրենքներին: Ասենք, Աղվանքը կարող էին դարձնել Ալբանիա, Կասպքը՝ Կասպիանե, ինչպես բոլոր տեղանուններն ու անձնանունները հարմարեցնում էին իրենց լեզուներին. Բակուրը դառնում էր Պակուրոս, Վաղարշակը՝ Վուրգես, Կապաղակը՝ Կաբալա, Գարդմանը՝ Գիրդիման և այլն:

Աղվանից աշխարհի ողջ տարածքով մեկ սփռված տեղանունները միաժամանակ վկայում են, որ ոչ միայն այդ երկրի բնակչության հիմնական ու գերակշիռ զանգվածը հայախոս, հայ է եղել, այլև այնտեղ մշակույթ կարող էին ստեղծել վաղուց ի վեր նստակեցության ընտելացած, կենսական բարիքներ ստեղծելու ունակ հայերը միայն և ոչ թե այնտեղ թափանցած քոչվոր ավարառուները: Պատահական չէ, որ ամեն կարգի որոնումների ժամանակ հայտնաբերվում է միայն հին հայկականը՝ Կուրից սկսած մինչև Դերբենդի պարիսպները:

Մի կրկին անգամ հիշենք, որ անտիկ աշխարհի պատմիչներն ու աշխարհագիրները, ինչպես նաև հայ հին հեղինակները Հայաստանի ու Աղվանքի ընդհանուր սահման ճանաչում են Կուր գետը: Պա երկու պետությունների, բայց ոչ երբեք երկու ժողովուրդների միջև հաստատված միջպետական սահմանն է: Երկու պետական կազմավորում, որոնց գահերին առաջին անգամ նստել են երկու հարազատ եղբայրներ՝ հետագան ժառանգելով իրենց հետնորդներին: Պարզ է, որ նրանց հարաբերությունների հիմքում տարածքային կամ էթնիկական խնդիրներ չկային: Ավելին՝ նույնիսկ իրար հետ թշնամանալու, մեկը մյուսի երկիրն ավերելու դեպքում անգամ արյան կանչը նրանց չէր լքում: Բնութագրական է Բուզանդի հաղորդած մի վկայություն: Մասքթաց Սանեսան թագավորի բազմացեղ զորքերը համարյա մի ամբողջ տարի «հայոց երկիրը ծածկեցին, քանդեցին, գերեցին, ամբողջովին ավերեցին»: Հայոց Խոսրով թագավորը, դիմադրություն կազմակերպելու փոխարեն, փախավ ու ապաստանեց Դարեոնք բերդում: Իսկ երբ հայ նախարարները ջարդեցին մասքթաց զորքերին, Սանեսանի զլուխն էլ տարան թագավորին, վերջինս «երբ տեսավ, սկսեց լալ ու ասաց. «Իմ եղբայրն էր, Արշակունի ցեղից»¹:

Հարաբերությունների նման դրվածքով, իշխող նման հոգեբանությանը պետք է բացատրել Աղվանքի հայության մասին վկայությունների սակավության ու անորոշության հանգամանքը հայ պատմագրության մեջ, մանավանդ որ, մարզպանական շրջանից սկսած, վերացավ այդ սահմանը և ձևավորվեցին այլ սահմաններ: Այնուամենայնիվ, անտիկ աղբյուրներում ինչ—որ չափով, ինչ—որ ձևով տարորոշվում է հայերի ներկայությունն ու առանձին էթնիկական սրավոր լինելու իրողությունն Աղվանքում: Մնում է պատենշ—սահմանն անցնել ու առանց նախազաշարումների քայլել Կուրի ծախսափնյակով:

¹ Փ. Բուզանդ, նշված աշխատությունը, էջ 76—77:

Խնդիր

Առաջին հեղինակը, որ տեղեկություններ է հաղորդում Աղվանքի, նրա սահմանների, էթնիկական կազմի մասին, I դարի հույն աշխարհագիր Ստրաբոնն է: Ահա թե ինչ է վկայում Կուրը երկու պետությունների սահման ճանաչող հեղինակը: «Հայաստանի ծայրագավառներից... Խորձենեն և Կամբեճանն ամենահյուսիսայիններն են և բոլորից շատ ծածկված ձյունով: Նրանք սահմանակից են Կովկասյան լեռներին, Իբերիային և Կովխիդային»: Այնուհետև՝ «Անցումը Իբերիայից Աղվանք ձգված է Կամբեջանի անջուր ու քարքարոտ գավառով, Ալազան գետի ափով»: Կամ «Հայաստանը մասամբ իրենից ներկայացնում է հարթավայր, մասամբ էլ լեռնային երկիր, ինչպիսին է Կամբեճանը, որտեղ հայերը սահմանակից են միաժամանակ իբերների ու աղվանների հետ»: Այսպիսով՝ Ստրաբոնը եռակի վկայությամբ հաստատում է, որ Կամբեճանը Հայաստանի գավառներից է, գտնվում է Կուրի ծախափնյակում, ձգվում է մինչև Կովկասյան լեռները, իր միջով բաց է թողնում Ալազան գետը: Կամբեճանի հայապատկանության ու հայկականության մասին վկայությունները հասնում են մինչև 11-րդ դարը, երբ այնտեղ ձևավորվել էր հայկական գավառական թագավորություն: Բայց թագավոր Իշխանակը իր վրացուհի մայր Դինարի ազդեցությամբ ընդունում է վրացադավանություն, որի հետևանքով հետագայում Վրաստանի հզորացմամբ ու ծավալմամբ և վրացական եկեղեցու ազդեցությամբ ժողովուրդը ձուլվում է վրացիներին: Այդ մասին ուղղակի և անուղղակի վկայություններ կան ժամանակին ստեղծված վավերագրերում՝ արժևորված գիտության կողմից:

Կամբեճանից արևելք, Կուրի ծախափնյակով տարածվում է հայկական մի երկրամաս ևս, որն աղբյուրներում հիշատակվում է Փոքր Հայք անունով: Այդ երկրամասն առաջին անգամ հիշատակվում է I դարի պատմիչ Հովսեփոս Փլավիոսը մ.թ.ա. I դարի կեսին հռոմեական զորավար Պոմպեոսի արշավանքների առիթով: Հայաստանում գործերն ավարտելուց հետո Պոմպեոսն անցնում է Ալբանիա-Աղվանք, «զորքը երեք մասի բաժանելով՝ ձմեռեց Անահտական երկրում և Կյուռնոս (Կուր) գետի մոտ... Այսուհանդերձ նա հանգստությամբ չձմեռեց: Քանզի Օրոյսեսը՝ Կյուռնոսից վերև բնակվող ալբանների թագավորը... արշավեց նրանց վրա Սատուռնալիա տոնի ժամանակ»¹: Կուրի ծախափնյակում գտնվող Փոքր Հայքի մասին հաջորդ հիշատակության հեղինակը II դարի պատմիչ Պլուտարքոսն է, որն արդեն երկրատարածքն անվանում է Փոքր

Հայք: Խոսելով հռոմեական զորավար Պոմպեոսի՝ Աղվանքում տարած հաղթանակի մասին՝ Պլուտարքոսը միաժամանակ ներկայացնում է նաև նրա ետդարձը: «Այդ ճակատամարտից հետո Պոմպեոսը պիտի շարժվեր դեպի Վրկանա կամ Կասպից ծովը, բայց թունավոր սողունների առատության հետևանքով հրաժարվեց այդ մտադրությունից և ծովից՝ երեք օրվա անցնելիք տարածությունից վերադարձավ Փոքր Հայք»:

Պլուտարքոսի այս տեղեկությունը հարստացնելով այլ աղբյուրների հաղորդումներով՝ վաստակաշատ պատմաբան Ասատուր Մնացականյանն ընդհանրացնում է. «Այդ առթիվ կարևոր վկայության ենք հանդիպում «Աշխարհացույցում», այն էլ նրա համեմատաբար ընդարձակ խմբագրության մեջ: Այստեղ Աղվանքի նկարագրության մասում կարդում ենք. «Ազբանիա... Աղուանք... Քավաղակ քաղաք Աղվանից՝ մերձ ի Կաւկաս, ընդ որոյ մէջ գետն Սէրոջ դէպ ի հարաւոյ ըստ Փոքր Հայոց»: Այս վկայության համաձայն՝ Կովկասյան լեռներից իջնող Սերոջ գետն անցնում է Կապաղակ քաղաքի մոտով կամ միջով և հոսում դեպի հարավ՝ «ըստ Փոքր Հայոց», այսինքն՝ Փոքր Հայքի միջով կամ սահմանով, և թափվում Կուր գետը: Կնշանակի՝ «Աշխարհացույցի» այս խմբագրության հեղինակի ունեցած տեղեկություններով Կուր գետից հյուսիս, Աղվանից աշխարհի սահմաններում, եղել է Փոքր Հայք կոչվող մի տարածություն, որի սահմաններից մեկը համընկել է Սերոջ գետի միջին և ստորին հոսանքին»¹:

Ավելացնենք միայն, որ հայությունը դարեր շարունակ գոյատևել է այնտեղ, վերջին դարերում դարձել պարսկական տիրակալների ստեղծած Շաքիի խանության էթնիկական հիմքը՝ իր համարյա միատարր հայ բնակչությամբ (88 %): Վերջին երեքհարյուրամյա անհավասար մաքառումների արդյունքում հայ ժողովուրդն այսօր գրկված է իր հայրենիքի այդ հատվածից ևս՝ հիմնովին հայաթափվելով 1988 թ.:

Կամբեճանից արևելք, Փոքր Հայքից հյուսիս, մինչև Կովկասյան լեռների ջրբաժանն ընկած տարածքը զբաղեցնում է բուն Աղվանքի կենտրոնական գավառը՝ Ոստան ի մարզպան, իր հայակազմ, հայախոս աշխարհագրական անուններով:

Ինչպես տեսանք, Սերոջ (Քալաձոր) գետով ճշգրտվում է Փոքր Հայքի զբաղեցրած մոտավոր տարածքը: Իսկ նրանից արևելք, ըստ «Աշխարհացույցի» հաղորդման, տեղադրվում է «Ղաշտ ի Բազկան (որ է Հեջերի)» գավառը: Այդ գավառի ու շրջակաների մասին պատկերացում ենք կազմում հետագա պատմական տեղաշարժերից:

¹ Օտար աղբյուրները Հայաստանի և հայերի մասին, հ. 9, 1976, 142 էջ:

¹ Ա. Մնացականյան, Աղվանից աշխարհի գրականության հարցի շուրջը, 1966, էջ 56:

Կաղանկատվացին իր «Պատմության» մեջ սպառնիչ բացատրություն է տալիս Աղվանից աշխարհի թափանցած Միհրանյան տոհմի, նրանց զբաղեցրած երկրամասի, Միհրանյանների կատարած դերի, տոհմի սպառնան ու հարակից այլ հարցերի մասին:

Հակառակ Կաղանկատվացու աներկբա հաղորդումների՝ հայագիտության մեջ միանգամայն սխալ աշխարհագրական տեղ է հատկացվել այդ տոհմին, տարել մտցրել են Ուտիքի Գարդման գավառ: Հետևենք պատմիչի ցուցումներին՝ որոշելու համար, թե որտեղ է եղել համանուն Գարդման գավառը: Պարսից խոսրով արքան վրեժխնդիր է լինում իր հորը սպանած քեռիներից՝ նրանց ցեղից սպանելով մոտ 60 մարդու: «Այդ պատճառով խոսրովի ազգական այն Միհրանը փախստական է դառնում, իր հետ միաբան դարձնում երկրի որոշ մասեր և, վերցնելով մոտ 30000 ընտանիք, անցնում է Աղվանքի կողմերը ու հասնում է Ուտիք գավառը՝ Պարտավ մեծ քաղաքի մոտ. նա կամենում էր այնտեղից էլ գնալ խազիրների մոտ և միանալ (խոսրովի) թշնամիներին»¹: Կոնկրետ դեպքում հետաքրքիր չէ՝ Միհրանը փախստական էր, թե՞ Աղվանքին տիրած պահելու համար նենգորեն ուղակված պարսկական ամառնորդ: «Նա կամենում էր գնալ խազիրների մոտ և միանալ (խոսրովի) թշնամիներին». Պարտավից դադստանաբնակ խազիրների մոտ գնալու ճանապարհին անցնում է Շիրվանով և ոչ թե Ուտիքի Գարդմանով: Միհրանից սպասվող թշնամանքը չեզոքացնելու համար խոսրովը պալատականների խորհրդով «հաշտության նամակ» է ուղարկում իր ազգական Միհրանին, ուր հայտնում է նաև, թե ցանկության դեպքում, նամակն ստացած տեղը Միհրանը կարող է իր համար բնակության վայր դարձնել «այնքան, որքան կարող են ընթանալ քո ոտքերը»: «Նամակը հասնելու ժամանակ նա գտնվելիս է լինում Գարդման լեռնոտ գավառում: Նամակը վերցնելով՝ կարդում է և լցվում ուրախությամբ: Եվ տեսնելով բարեխառն երկիրը՝ բնականաբար ցանկանում է այդտեղ մնալ: Իր անունով մի քաղաք է շինում՝ այն անվանելով Միհրավան»²: «Միհրավանը գտնվել է այժմյան Շամախուց արևմուտք 40 կմ հեռու, ներկայիս Ամիրվան գյուղի տեղում՝ երկրորդ Գարդման գավառում»³:

Այնուհետև պատմիչը տալիս է մեր խնդրի համար ամենակարևոր տեղեկությունը. «Իսկ երբ գարունը բացվեց, բարձրացավ Գարդման գավառի վերին կողմը, դավադրությամբ իր մոտ կանչեց տեղի գլխա-

վորներից 12 մարդ, սրահարեց և տիրեց երկրին»: «Սրահարեց և տիրեց երկրին»: Այսինքն՝ երկիրն ունեցել է բնիկ տերեր, այն էլ «հայկազյան նախնական ցեղի եռանշահիկներ», որոնց սրահարելով՝ ինքը դարձավ երկրի տեր: Հաջորդ նախադասությամբ պատմիչը հաղորդում է, որ Միհրանի ծոռ քաջ Վարդանը երեք տարում կառուցում է Գարդմանի բերդը, ապա լրացնում նախապապի կիսատ թողածը: Այս քաջ Վարդանը ևս «իր սրտում դավ է նյութում հայկազյան նախնական ցեղի եռանշահիկների դեմ, որոնց մասին վերևում հիշատակել ենք. որպես թե ի սեր բարեկամության ճաշի է հրավիրում և նրանց համար կորստյան հաց է պատրաստում, տալիս է ճաշի մեջ ուտելու իրենց արյան գնով: Վաթսուն մարդ է գլխատում, որոնցից միայն իր ցեղին փեսայացած Ջարմիր եռանշահիկին է թողնում կենդանի: Սրանք այսպես տիրեցին Աղվանքին. նաև իրենց հնազանդեցրեց Կովկասի վայրենի ցեղերին»⁴:

Որ քաջ Վարդանի կառուցած բերդը գտնվում է Կուրի ձախափնյակում, գետից բավականին վերև, հաստատվում է ոչ միայն նրանով, որ հասել է մեր օրերը Գիրդիման վերանվանումով, այլև Ջիվանշիրի անվան հետ կապված մի կողմնակի իրողությամբ: Քաջ Վարդանի ծոռ Ջիվանշիրը եկեղեցի է կառուցում Գարդմանա բերդում, որի բացման կապակցությամբ աստծուն հղած աղոթքում, ի թիվս այլ բաների, խնդրում է. «Սա դարձրու աղոթքների ու պաղատանքների տուն նրանց համար, որոնք արևելքում ծովեզրյա են»⁵:

Միանտություն կլինի կարծել, թե ծովեզրքին բնակվող հավատացյալները կցանկանային հարյուրավոր կիլոմետրեր անցնելով հասնել Ուտիքի Գարդման՝ աստծուն աղոթելու: Իսկ եթե այս ամենին ավելացնենք Աղվանից աշխարհի անխոնջ հետազոտող Մ. Բարխուդարյանի վկայությունն այն մասին, որ Շամախու մոտի Գարդման բերդից քիչ հեռու առկա է նաև Ջիվանշիրի անունը կրող մի բերդ, որը կիսավեր վիճակում հասել է մինչև 19-րդ դարի վերջը, ամեն ինչ կհստակվի, ամեն ինչ կընկնի իր տեղը:

«Ժբ բերդն Աղվանից կոչվում է այժմ Ջիվանշիրի դալա (բերդ), որ հիմնված է Գարդման բերդի արևմտյան հանդեպ, Գարդման գետակի աջ կողմում, Կովկաս սարից Շեյխ-Լալա թուրքաբնակ գյուղի վրա կախված մի լեռնաբազկի վրա»⁶:

¹ Մ. Կաղանկատվացի, Պատմություն Աղվանից աշխարհի, 1969, էջ 133:

² Նույն տեղը, էջ 113:

³ Նույն տեղը, էջ 283:

⁴ Մ. Կաղանկատվացի, նշված աշխատությունը, էջ 133, 134:

⁵ Նույն տեղը, էջ 146, 147:

⁶ Մակար եպ. Բարխուդարյանց, Աղվանից երկիր և դրացիք, էջ 111:

Վերոբերյալ վկայությունները ցույց են տալիս, որ Կուրի ծախսափն-
յակն զբաղեցնող մի պատկառելի երկրատարածք նա՝ Դաշտ ի Բագ-
կան-Բաղասական-Գարդման, հետագայի Շիրվանի հարավային մասը,
զբաղեցրած են եղել «հայկազյան նախնական ցեղի եռանշահիկների»
ներկայացուցիչները, որոնց հետնորդները տարբեր դարաշրջաններում
տարբեր կարողունակությամբ, քանակական տարբեր կազմերով հա-
րատնել են մինչև 1988 թ., մինչև գործաշուկյան վարչակարգի կազմա-
կերպած ցեղասպանությունը:

Պատմական Դաշտ ի Բագկան-Բաղասական-Գարդմանի և Աղվան-
քի արևելյան հարևանն արդեն Կասպ-Փայտակարանն է՝ իր Ալևան
Յոթնփորակյան Բագին, Բագավան գավառներով, որոնք, ինչպես նշվել
է սկզբում, դեռևս մ.թ.ա 8-րդ դարի վերջերին Արգիշտի երկրորդը միաց-
րել է Վանի Արարատյան թագավորությանը և հիմնարկել Մարդական ու
Բագու բնակավայրերը, ուր հազարամյակների ընթացքում հայ ժողո-
վուրդն անպակաս է եղել:

Այսպիսով՝ մենք գործ ունեցանք մի Աղվանից թագավորության հետ,
որի հարավային սահմանը եղել է Կուր գետը, իր կազմում ունեցել է
տարբեր լեզուներով խոսող ցեղեր, բայց գետի ամբողջ ծախսափնյակը,
որը նույնն է, թե երկրի ամբողջ հարավը, ծայրից ծայր զբաղեցրել է մի
Աղվանք, իր Ոստան ի մարգաթան, Կամբեճան, Փոքր Չայք, Դաշտ ի Բագ-
կան բաղադրիչներով, ուր անհիշելի ժամանակներից ապրում էին «հայ-
կազյան նախնական ցեղի» ներկայացուցիչները: Ահա թե ինչու Արշակ
Մեծը, Մասքուբների Արշակունյանց թագավորություն ստեղծելով, պե-
տությունն անվանակոչեց երկրատարածքի ամենածավալուն ու ամե-
նակայուն միավորի՝ Աղվանքի անունով, չնայած թագավորության մայ-
րաքաղաքը դարձրեց Մասքուբների երկրում գտնվող Չողը:

Մենք Աղվանից աշխարհի հյուսիսային մարզերին չենք անդրադառ-
նում՝ գտնելով, որ հայկական տարրը կարող էր այնտեղ թափանցել Աղ-
վանից թագավորություն ձևավորվելուց հետո միայն՝ հասնելով մինչև
Դերբենդ և ավելի հյուսիս:

Դիտարկենք միայն, որ թվական ունեցող հայերեն ամենահին ար-
ձանագրությունները վերաբերում են 6-րդ դարին: Ուշագրավ է, որ
հայտնաբերված չորս արձանագրությունների ցանկում 2-րդն ու 3-րդը
հայոց Աղվանքում են հայտնաբերվել: Ահա դրանք՝ Չառիճ՝ 568, Խաչ-
մաս՝ 573, Շամախու մոտ՝ 585, Սեբաստիա՝ 595:

Հայերի ներթափանցումն Աղվանից թագավորության հյուսիսային
կողմերն այնքան հիմնովին և ընդգրկուն է եղել, հայերի տեսակարար

կշիռն այքան բարձր, որ արաբական տիրակալության վերացումից հե-
տո այնտեղ նս ստեղծվել է հայոց գավառական թագավորություն և գո-
յատնել մինչև 13-րդ դարի սկիզբը: Ահա ինչ է գրում այդ մասին 12-րդ
դարի պատմիչ Մատթեոս Ուռհայեցին իր «Ժամանակագրության» մեջ:
«Կային և ուրիշ հայ թագավորներ՝ Դարբանդ գավառում, որ կոչվում էր
Կապան՝ օգերին և աղվաններին սահմանակից. նրանք ազնիվ և սրբակ-
րոն թագավորներ էին, և պատարագներում հիշվում են նրանց անուննե-
րը՝ աստվածասեր այլ սուրբ թագավորների շարքում. այն է՝ Վաչագանի,
Նրա որդու՝ Գոշատակի որդու՝ Փիլիպեի, Փիլիպեի որդու՝ Սևադայի,
Սևադայի որդու՝ Սենեքերիմի, Սենեքերիմի որդու՝ Գրիգորի, որը մեր այս
մատյանի գրության ժամանակ դեռ կենդանի էր»¹: Ուռհայեցու պատմու-
թյունը հասնում է մինչև 1136/1137 թթ.:

Ինչ մնում է Ստրաբոնի հիշատակած 26 տարալեզու ցեղերին, ապա
նրանք զբաղեցրել են նորաստեղծ պետության հյուսիսային տարածք-
ները և բնավ էլ չեն անհետացել. նրանց մեծ մասն այսօր էլ գոյատևում
է Դաղստանում:

428 թ. Պարսկաստանի արքայից արքա Վռան 5-րդը վերացնում է
Արշակունյաց թագավորությունը իրեն ենթակա Հայաստանում: Դա, լի-
նելով 387 թ. պարսկա-բյուզանդական դաշնագրի տրամաբանական
շարունակությունը, միաժամանակ չէր սահմանափակվում հայոց պե-
տականության վերացմամբ, այլ լուծում էր քաղաքական ավելի մեծ
ընդգրկումների հարցեր: Պարսկական արքունիքը իր տիրակալության
տակ գտնվող հյուսիսարևմտյան երկրներում վարչաքաղաքական և
տարածքային նոր վերածնունդներ է կատարում. Հայաստանի հետ միա-
ժամանակ մարզպանական են դառնում նաև Վրաց և Աղվանից թագա-
վորությունները: Քաղաքական վերածնունդները ուղեկցվում են Հայաս-
տանի հաշվին տարածքային վերածնունդներով. վրացական մարզպա-
նությանն է կցվում Գուգարաց աշխարհը, Ատրպատականին է կցվում
Փայտակարանը, իսկ Աղվանից մարզպանությանն են կցվում Արցախ և
Ուտիք մարզերը: Քաղաքական այդ ակտով ոչ միայն ջլատվում էր Հա-
յաստանի դիմադրողական կարողությունը պարսկական ագրեսիվ նկր-
տումների դեմ ծավալվելիք մաքառումներում, այլև էթնիկական հակա-
մարտությունների հող էր ստեղծվում Հայաստանի, Վրաստանի և Աղ-

¹ Ուռհայեցի, ժամանակագրություն, 1973, էջ 151-152:

վանքի միջև. մի քաղաքականություն, որ բոլոր տիրողները անշեղորեն կիրառել են հազարամյակներ շարունակ՝ մեր օրերում հանգեցնելով Հյուսիսային Իռլանդիայի և Կոստվոյի, Մերձդնեստրի և Աբխազիայի, Հարավային Օսեթիայի ու Արցախի և նման ու նման հիմնահարցերին:

Աղվանից մարզպանության ստեղծումով և Մեծ Հայքի Արցախ և Ուտիք աշխարհների՝ այդ մարզի կազմ մտցնելու իրողությամբ էլ պայմանավորվում է Արևելյան Անդրկովկասի պատմաքաղաքական հետազազարգացումների ընթացքը: Նախևառաջ հայաշխարհի բուն Աղվանքին՝ իր Ոստան ի Մարզպան, Կամբեճան, Փոքր Հայք, Դաշտ ի Բազկան (Հեջերի) բաղադրամասերով, միանում են Ուտիքն ու Արցախը՝ տերիտորիայով ու մարդկային թվակազմով բուն Աղվանքից գերակշիռ մի միավոր, որով նորաստեղծ մարզպանության մեջ հայերն իրենց կազմով ավելի քան կրկնապատկվում են, եթե ոչ եռապատկվում: Միաժամանակ նախկին երկու թագավորությունների՝ Հայաստանի և Աղվանից թագավորության միջև Կուր գետի դերը, որպես բաժանարար սահմանի, վերանում է և միևնույն ժողովրդի երկու հատվածները միանում են նաև վարչատերիտորիալ առումով, մարզի շրջանակներում դառնում մի միասնական ու պատկառելի ուժ: Դրան ուղեկցում է երեկվա Աղվանից թագավորության կազմի մեջ գտնվող այլ էթնիկական տարրերի տարանջատումը. մի գործընթաց, որ սկիզբ է առնում հենց մարզպանության ձևավորումից: Զարգացող իրադարձություններին ժամանակակից ու ականատես եղիչեի ժլատ ու թուցիկ տեղեկություններից պարզվում է, որ նորաստեղծ մարզպանության կազմի մեջ ընդգրկված առանձին էթնիկական միավորներ ստացել էին որոշակի տեղական ինքնավարություն, նույնիսկ հիշատակվում են թագավորություն, թագավոր տիրոջներով:

Անդրկովկասյան երեք երկրների նկատմամբ որդեգրած նոր քաղաքականությունը, որ դրսևորվում է կրոնափոխության պահանջով, Հազկերտը գործողության մեջ է դնում ամենից առաջ հարևան ու բախտակից այդ երեք երկրների զինական ուժերը չեզոքացնելու միջոցառումով: Նրա կարգադրությամբ Անդրկովկասյան երեք երկրների այրուձին տարվում է տերության արևելյան սահմանագլուխ՝ Ապար աշխարհը, Քուշանների երկրին տիրելու պատրվակով: Եղիչեն ներկայացնում է Հազկերտի հրովարտակը և ավելացնում. «Հրովարտակ հասավ Հայոց, Վրաց և Աղվանից և Լփնաց... աշխարհները և շատ ուրիշ հեռավոր տեղեր, որոնք առաջ պարտավոր չէին այն ճանապարհը գնալ»¹:

¹ Եղիչե, նշված աշխատությունը, էջ 24:

Ինչպես տեսնում ենք, Աղվանից աշխարհի կողքին Եղիչեն հիշատակում է նաև Լփնաց աշխարհը, որպես ինքնուրույն միավոր, չնայած այն մտնում է Աղվանից մարզպանության կազմի մեջ: Նույն իրողությանը Եղիչեն անդրադառնում է նաև կրոնափոխության համար արքունիքի կողմից մոգերին տրված հանձնարարականում: «Դեռ չէին հասել Հայոց մեծ աշխարհը,— նշում է Եղիչեն,— որ փայտի միջոցով վիճակ էին գցում, թե ո՞ր ժողովուրդը (մոգերի) որ դասին է բաժին ընկնելու աշակերտելու համար: Որովհետև առհասարակ իրաման էին առել արքունիքից մտնել ինչպես Հայոց, այնպես էլ Վրաց և Աղվանից և Լփնաց ... աշխարհները»²:

Երրորդ անգամ արդեն Եղիչեն խոսում է Լփնաց թագավորության գոյության մասին խաղիսաղի ճակատամարտի առիթով: Այդ ճակատամարտում Աղվանից մարզպան Սեբուխտի զլխավորած պարսկական զորքերի կողքին հայոց դեմ կռվում էին նաև Լփնաց թագավորի զորքերը և... «Արշավիր Արշարունին մոռցաք առյուծի պես և հարծակվեց վագրի նման, խփեց—սատկեցրեց Լփնաց թագավորի եղբայր քաջ Վուրկին և նրա բազմաթիվ համհարզներին էլ նրա հետ սպանեց»³:

Խաղիսաղի ճակատամարտի նկարագրության մեջ Եղիչեն հիշատակում է նաև Աղվանից մարզպանության կազմի մեջ գտնվող մի երկրորդ՝ Բաղասական թագավորություն: «Այստեղ (ճակատամարտի դաշտում) Բաղասական թագավորի թագավորազուններից ոմանք ետ դարձան Հայոց նախարարներից մեկին ծիուց վայր գցեցին»⁴:

Երկրորդ անգամ Բաղասական թագավորության գոյության մասին Եղիչեն հիշատակում է ապստամբությունից հետո Հազկերտի կազմակերպած դատի առիթով: Տիգրանի դատավարության ժամանակ Վասակ Սյունեցուն ներկայացված մեղադրանքներից մեկն էլ այն էր, «թե ինչպես նա բարեկամացել էր Հոն Հեռանի հետ՝ Բաղասական թագավորի հետ միաբանած...», այնպես որ թագավորն ինքն էլ հասկացավ այդ մտադրություններն ու սպանեց Բաղասական թագավորին»⁵:

Որ Աղվանից մարզպանության կազմի մեջ ընդգրկված որոշակի էթնիկական խմբերի տրվել է տեղական ինքնավարություն և այդ ինքնավարության տարբեր սուբյեկտներ տարբեր դիրքավորում ունեին պարսկական քաղաքականության նկատմամբ, ամբողջանում է Եղիչե-

¹ Նույն տեղը, էջ 57:

² Նույն տեղը, էջ 79:

³ Նույն տեղը, էջ 78:

⁴ Եղիչե, նշված աշխատությունը, էջ 125-26:

ի ներկայացրած իրադարձությունների ընդհանուր համակարգում: Խաղխաղում Վարդան Մամիկոնյանի գլխավորած զորքի դեմ ճակատ են կազմել մարզպան Սեբուխտի, Լփնաց և Բաղասական թագավորների զորքերը, բայց մեջտեղ չեն երևում մարզպանության ամենախոշոր ու հիմնական էթնիկական տարրի՝ Աղվանից աշխարհի դերակատարները: Պարզվում է, որ Հայաստանի հետ միաժամանակ Աղվանքում ևս իրականացնում էին կրոնափոխություն, և Սեբուխտ մարզպանը սկսել էր Աղվանից եկեղեցիների ավերումը: Իսկ Աղվանից նախարարներից ու շինականներից շատերը, չկարողանալով դիմադրություն ցուցաբերել, ստիպված քաշվել էին լեռները՝ կրոնափոխությունից խուսափելու համար: Երբ Հայաստանի ապստամբած նախարարների հանձնարարությամբ Վարդան Մամիկոնյանը դուրս է գալիս Սեբուխտի դեմ, ջարդում նրանց զորքերը և հաղթականորեն առաջ շարժվում, «Աղվանից նախարարներից ու բոլոր շինականներից շատերն էլ, որոնք աստծու անվան համար ցիրուցան էին եղել Կապկոհ (Կովկասյան) լեռների ամուր տեղերում, երբ տեսան այդ գործի հաջողությունը, որ աստված կատարում էր Հայոց գորագնդի միջոցով, նրանք նույնպես եկան—ծողովվեցին և խամովեցին հայոց զորքի հետ և նրանց հետ միաբան ու հավասար մասնակցեցին քաջության գործին: Այնուհետև գնացին—արշավեցին Հոնների պահակի վրա, որ բռնությամբ գրավել էին պարսիկները. առան, քանդեցին պահակը և կոտորեցին ներսում բնակված զորքը և Դուռը հանձնեցին Վահանին, որ Աղվանից թագավորների ցեղից էր... և տեղնուտեղը այն մարդուն, որին հանձնել էին Դուռը, հենց նրան էլ դեսպան ուղարկեցին հոների երկիրը և հոների երկրին գործակից ուրիշ շատ բարբարոս ազգերի մոտ՝ նրանց հետ բանակցելու և դաշն կնքելու»¹:

Ըստ լուծյան՝ Եղիշեն հայտնում է ավելին, քան գրել է իր ոսկեդեմիկ մատյանում: Այդ ճշմարտությանն ենք ակնատես լինում իրադարձությունների հետագա զարգացումներում: Եղիշեի հաղորդումներից պարզվում է, որ նորաստեղծ մարզպանության կազմում Լփնաց և Բաղասական թագավորների կողքին եղել է նաև մի երրորդը՝ Աղվանից թագավորությունը, որի Առանշահիկ թագավորական տան ներկայացուցիչները ազգակցական կապերով սերտորեն կապված են եղել պարսից արքայական տան հետ: Պարզվում է, որ հիշյալ ժամանակահատվածում Աղվանից թագավորը եղել է հենց Հագվերտի քրոջ որդին, իսկ կինն էլ

նույն ընտանիքից: Հագվերտը բռնությամբ դավանափոխել է Աղվանից թագավորին, նրա հետ նաև շատ նախարարների: Իսկ նախարարների մի մասն էլ կրոնափոխությունից խուսափել է՝ ապաստանելով Կապկոհ լեռների ամուր տեղերում և հարմար պահին իջել—միացել է Վարդան գորավորին՝ Աղվանից թագավորական տան անդամ Վահանի գլխավորությամբ:

Բռնությամբ կրոնափոխված Աղվանից թագավորը, սակայն, ազգային շահերին ու ավանդներին հավատարիմ, հայրենիքի ճակատագրով մտահոգ պետական գործիչ է եղել: Հարգվերտի մահից հետո Պարսկաստանում ստեղծված քաղաքական նոր իրականության ընձեռած հնարավորությունների օգտագործմամբ ամենից առաջ նա ձեռնարկում է իր թագավորության՝ Արցախով և Ուտիքով զորացված նոր Աղվանիքի ամրապնդման գործը: Նախկին Աղվանքի մայրաքաղաք Կապաղակն արդեն ծայրամաս էր, անապահով կովկասյան ցեղերի ներխուժումների առաջ: Պարսից տիրակալին սիրաշահելով՝ նրա անունով նոր մայրաքաղաք է ստեղծում իր Նոր Աղվանքի կենտրոնական մասում, Ուտիքի Ուտի Առանձակ գավառում հիմնարկում է Պերոգապատ—Պարտավը, որը միաժամանակ դառնում է ընդհանուր մարզպանական կենտրոն հեռավոր Չողի փոխարեն: Նոր Աղվանքի տիրակալը պահը հասունացած է համարում հաջորդ վճռական քայլը կատարելու համար: Նա թոթովում է բռնությամբ պարտադրված մոզական կրոնը, վերադառնում քրիստոնեական հավատին և ապստամբության դրոշ պարզում պարսկական տիրապետության դեմ: «Աղվանից թագավորը չէր ուզում նորից ծառայության տակ մտնել,— վկայում է Եղիշեն,— այլ նա քանդեց ճորա պահակը և Մասթուքների գորքն այս կողմն անցկացրեց, միաբանեց տասնեմեկ լեռնական թագավորներին և պատերազմով ընդդեմ կացավ Արյաց զորքին և մեծ վնաս պատճառեց արքունի զորքերին»¹:

Մի ամբողջ տարի պատերազմական գործություններ ծավալվեցին Աղվանից թագավորի դեմ, արքայից արքա Պերոզը կաշառելով պատերազմին մասնակից դարձրեց նաև Հոնների և Թավասպարների բազմաքանակ զորքերին, ավերեցին «աշխարհի մեծ կեսը», բայց թագավորին ճնկի բերել չկարողացան: Վերջապես Պերոզ արքան է նահանջողը: «Պարսից թագավորը դարձյալ մարդ ուղարկեց նրա մոտ՝ «իմ քրոջն, ասաց, և քեռորդուս ուղարկիր ինձ մոտ, որովհետև ի բնե մո-

¹ Նույն տեղը, էջ 79—80:

¹ Եղիշե, նշված աշխատությունը, էջ 179:

գական կրոնին հետևող էին, և դու քրիստոնյա դարձիր, իսկ աշխարհը թող քեզ մնա»¹:

Աղվանից թագավորը մորն ու կնոջը վերադարձնում է Պարսկաստան, հրաժարվում աշխարհիկ կյանքից և ավետարանը ձեռքին կյանքի մնացած մասն անցկացնում մենակյացների հետ: Աղվանից այդ թագավորը Կաղանկատվացու Պատմության մեջ օժտվում է անունով. նա Աղվանից թագավոր Վաչեն է, Պերոզապատա-Պարտավի հիմնադիրը:

Աղվանից Վաչե թագավորի այս բուռն ու դրամատիկ քաղաքականությունն իր պատմաքաղաքական նշանակությամբ համեմատելի է իր անմիջական հաջորդի՝ Վաչագան Բարեպաշտի կատարած դերի հետ: Վաչեն իր փոթորկալից կյանքով հաստատեց, որ անդառնալիորեն ստեղծվել է պատմական մի նոր իրականություն, պատմության թատերաբեմ է իջել մի նոր Աղվանից հայաշխարհ, որն իր լեզվով ու մշակույթով, իր հավատով ու քաղաքական դիրքորոշումներով միշտ մնալու է իր մայր հատվածի հետ ու կողքին, իր մայր հատվածից անբաժան, պատմական բոլոր փոթորիկներին դիմակայելու է միասին ու միատեղ, չնայած պատմական ճակատագիր էր դառնալու բաժան-բաժան արված հայաշխարհների հետագա միավորման, մի միասնական պետական կառույցի մեջ վերամեկտեղվելու անհնարինությունը:

Որ այդ նոր Աղվանքը հնայի հայրենիք էր, գիտեին նաև Անդրկովկասի պատմությանն անդրադարձած օտարագզի հեղինակներն անխտիր: Կբավարարվենք մի վկայությամբ միայն: «Ալբուլդան» հռչակավոր աշխատության հեղինակ Իբն ի Ֆակիհը, որ իր գիրքը գրել է Հիջրեթի երրորդ դարի վերջերին (900 թ.) Հայաստանի տարածքը բաժանել է չորս մասի և անվանել. Առաջին, Երկրորդ, Երրորդ և Չորրորդ Արմինիա»։ Նա Առանը (Աղվանքը) համարում է Առաջին Արմինիայի մասերից, իսկ Պարտավ, Բելուկան, Կապադակ, Շիրվան, Շաբրան, Շաքե, Շամբոր և Բալասաջանը համարում է Առանի քաղաքներից: Նա գրում է. «Առանը Արմինիայի առաջին հողային հատվածն է»²:

Այս նոր հայաշխարհն անցյալից իր հետ բերել էր մայր ժողովրդի հետ միասնական լեզուն, քրիստոնեական հավատն ու ազգային գիրը, որոնք դարերի հուլովությով իրենց հետագա հայաշունչ զարգացումը ստացան: Աղվանից աշխարհը դարձավ համահայկական հասարակական կյանքի անբաժան ուղեկիցն ու մասնակիցը, համազգային մշա-

կույթի անընդմեջ գործող օջախներից մեկը, իր պատկառելի ավանդը մուծեց ինչպես ազգային-ազատագրական շարժումների դարավոր սլաժանության մեջ, այնպես էլ համահայկական մշակույթի գանձարանը հարստացրեց ընդհուպ մինչև մեր օրերը: Ավելի քան 1500-ամյա քաղաքական վայրիվերումները, անընդմեջ իրար փոխարինած նվաճողների կատարած վարչատարածքային վերածնունդները, ժամանակին ստեղծված պատմական վավերագրերում հաճախակի հանդիպող հակասական վկայությունները խստագույն բարոյացրել են Արևելյան Անդրկովկասի, այդ թվում նաև Հայոց Աղվանից աշխարհի ճշմարիտ պատմության վերականգնման գործը: Մի կրկին անգամ ենք ընդգծում, որ դրությունն ավելի ծանրացավ, երբ անցյալ դարի 30-ական թվականներին Սուալինը հանձնարարեց ադրբեջանցի անվանակոչում ստացած ժողովրդի համար պատմություն ստեղծել, և պատմական ճշմարտության վերհանմանը փոխարինեցին նենգափոխումներն ու հորինումները: Լեճգափոխումների ալիքը հասցրեցին Ղարաբաղ, հեռուն գնացող քաղաքական նկատառումներով Արցախ-Ղարաբաղի հայությանը որակելիս բռնությամբ հայացված աղվաններ, ադրբեջանցի կոչվող ժողովրդի նախնիներ: Կենտրոնի կողմից խրախուսվող ու հովանավորվող այսպիսի զաղափարաքաղաքական մթնոլորտի պայմաններում հերոսության հումարժեք էր արդեն «սեփականաշնորհված» Աղվանից աշխարհի հասկացությունից գոնե Արցախ-Ղարաբաղի պատմության փրկությունը որստմազիտական կտրվածքով: Դրանով է պայմանավորված այն հանդամանքը, որ վերջին տասնամյակներին ներկայացվող աշխատություններում Աղվանից աշխարհի պատմությունը միակողմանիորեն հանգեցվի է Արցախ-Ղարաբաղի պատմության պատմական իրողությունների անտեսման, տարբեր դարերում կատարված փոփոխությունների ոչ ճիշտ սորժեքավորմամբ խաթարվել Աղվանից հայաշխարհի ամբողջական պատմությունը:

Ավելորդ համարելով գիտական շրջանառության մեջ գտնվող 1500-ամյա այդ պատմության վերակրկնությունը՝ կհետապնդենք մի համեմատ խնդիր. կփորձենք ժամանակի պատմական իրողություններով ու վկայություններով մատնացույց անել այդ պատմության հետևողական միակողմանիությունը, որի հետևանքով անտեսվել է Աղվանքի ծախսինյակը:

Նախ պետք է նորից կարդալ Խորենացուն՝ խուսափելու համար դուռնակի ու կամայական մեկնաբանություններից: Խորենացին հայտնում է, թե Վաղարշակը «հաստատում է արևելյան հյուսիսային կողմի

¹ Նույն տեղը, էջ 180:

² Էճանթուլլահ Ռեզա, Ազարբայջան և Առան, 1994, էջ 28:

մեծ-անվանի բազմաթուր կուսակալությունը, Կուր կոչված մեծ գետի ընթացքով, որ անցնում է մեծ դաշտով»։ Խորենացու այդ վկայությունը բնավ էլ չի ենթադրում, որ հիշատակվող Կուր մեծ գետը դառնում է ստեղծված կուսակալության հյուսիսային սահման, այլ մատնացույց է անում միայն Կուր գետի ընթացքով տարածված «մեծ դաշտը»։ Այնուհետև Խորենացին նշում է, որ Սիսակից սերված Առանի ցեղը «ժառանգեց Աղվանից դաշտը և այս դաշտի լեռնակողմը»¹։ Իսկ թե դա ինչ լեռնակողմ է, մենք արդեն գիտենք Եղիշեի պատմությունից։ «Աղվանից նախարարներից ու բոլոր շինականներից շատերն էլ, որոնք աստժո անվան համար ցիրուցան էին եղել Կապկոի լեռների (Կովկասյան լեռների) ամուր տեղերում»²։ Այսինքն՝ նախամարզպանական կամ բուն Աղվանքի հյուսիսի՝ Կովկասյան լեռների ամուր տեղերում։

Մի վերջին, ճշգրտող երանգ էլ ունի Խորենացու հաղորդումը։ «Ասում են, որ սրա (Առանի) գավակներից են սերվել Ուտեացիների ազգը և Գարդմանցիների, Ծավդեացիների, Գարգարացիների իշխանությունները»³։ Մի դեպքում Առանից է սերվել Ուտիացիների ազգը, մյուս դեպքերում սերվել են իշխանությունները։ Դա ևս ինչ-որ բան է ասում։

Աղվանից Վաչե թագավորի աշխարհաթող լինելուց հետո երկիրը 30 տարի մատնվում է անիշխանության, մինչև որ Վաչեի Զագկերտ եղբոր որդի Վաչագանին հաջողվում է վերականգնել երկրի պետականությունը և ծավալել մի այնպիսի բուռն աշխարհաշեն գործունեություն, որ ժամանակակիցների կողմից արժանանում է Բարեպաշտ պատվանունին։ Վաչագան Բարեպաշտը ևս բռնի կրոնափոխված իշխանագուններից է եղել, բայց օգտվելով Նվարսակի պայմանագրով պարսկական Վաղարշ արքայից ստացած հավատի ազատության իրավունքից, իր թագավորության մեջ վերականգնում է քրիստոնեական հավատը, ձեռնամուխ լինում Նոր Աղվանքի վերակերտման գործին։ Ամենից առաջ նա հետամուտ է լինում քրիստոնեական հավատի ամրապնդմանը, տարվա օրերի թվով եկեղեցիներ կառուցում երկրում, զարկ տալիս ուսման ու լուսավորության գործին։ «Զրաման է տալիս իր իշխանության ենթակա Արցախ անառիկ երկրին՝ թողնել և լքել դիցապաշտության օրենքները՝ աղտեղի աստվածների զոհամատույց պաշտամունքը։ ... Բազմաթիվ տեղերում նշանակում էր եպիսկոպոսներ, քահանա-

ներ, տեսուչներ։ Եվ Կամպեճում, Աղվանքում միևնույն իրամանն էր տալիս ու հաստատում»¹։

Ինչպես տեսնում ենք, Արցախ ամուր աշխարհի հետ մույն միջոցառումները գործարկվում են նաև ձախափնյա Կամբեճանում ու Աղվանքում։

Վաչագան Բարեպաշտի վերակառուցումների պսակը սահմանադրական միապետության իրավական համակարգի ստեղծումն էր, որով կանոնակարգվում են հասարակական բոլոր խավերի իրավունքներն ու պարտականությունները։ Այդ նպատակով նա ամառանոցային Աղվեն բնակավայրում գումարում է «մի բազմամարդ ժողով», որին մասնակցում էին երկրի բոլոր կողմերի հոգևոր և աշխարհիկ տերերը։ Ահա այդ ժողովին մասնակիցների կազմը.

«Ես Վաչագան՝ Աղվանից արքաս, Շուփիհաղիշոն՝ Պարտավի արքեպիսկոպոսը, Մանասեն՝ Կապաղակի եպիսկոպոսը, Զունանը՝ Զաշուի եպիսկոպոսը, Անանիան ու Սահակը, և Ուտիքի Փող եպիսկոպոսները, Զովսեփը՝ Կաղանկատուքի քահանան, Մատթեն՝ Պարտավի քահանան, Թոման՝ թագավորի պալատական քահանան, Պողոսը՝ Գայեգուճի քահանան, Շմավոնը՝ Տրիի քրեպիսկոպոսը, Մատթեն՝ Պարահոջի քահանան, Աբիկազը՝ Բեթի քահանան, Ուրբաթայրը՝ Մանուչեի քահանան, Զովել, Պարպ, Միգե, Զակոբ քահանաները, ազնվական մարդիկ և Արցախի նահապետները, Կաղանկատուքի Բակուր նահապետը և այլ բազմաթիվ մարդիկ»²։

Այս ցուցակում արձանագրված Կապաղակը, Զաշուն, Բեթը ու Տրին Անդրկուրյան գավառներն են, Պարտավը, Ուտիքը, Կաղանկատուքը, Պարահոջը ներկայացնում են Ուտիքը, Արցախի հոգևորականների փոխարեն հիշատակվում են նահապետները, մույնիսկ բացակայում է մի այնպիսի կրոնական կենտրոնի ներկայացուցիչ, ինչպիսին Ամարասի եպիսկոպոսությունն է։ Ինչ մնում է Աղվանքի որոշումները կնքող տասնհինգ նահապետներին, նրանք արձանագրված են սոսկ անունով, բացի մեկից՝ «Գարդմանա տեր քաջ Վարդանը», և հնարավոր չէ իմանալ, թե ինչ գավառներ են ներկայացնում նրանք։

Այսպիսով՝ Վաչագան Բարեպաշտը թագավորում էր մի Աղվանք հայաշխարհի, որի անժխտելի բաղադրամասեր էին նաև նախկին Աղվանքն իր Կամբեճան, Փոքր Զայք, Ոստան ի Սարգսյան, Դաշտ ի Բագ-

¹ Մ. Խորենացի, նշված աշխատությունը, էջ 137։

² Եղիշե, նշված աշխատությունը, էջ 79։

³ Մ. Խորենացի, նշված աշխատությունը, էջ 137։

¹ Մ. Կաղանկատուքի, նշված աշխատությունը, էջ 35-37։

² Մ. Կաղանկատուքի, նշված աշխատությունը, էջ 67։

կան—Յեջերի—Յաշու գավառներով: Նրա ենթակայության տակ էր նույնիսկ Տրին, ուր Վաչագանի կողմից կուսակալ էր նշանակված Եսվադենի ապօրինի որդին Խոճկորիկը:

Վաչագան Բարեպաշտի աշխարհաշեն գործունեությունից հետո լուծության վարագույր է իջնում Աղվանից աշխարհի վեցերորդ դարի քաղաքական կյանքի վրա: Յայտնի է միայն, որ Խոսրով Անուշիրվանն իր երկարատև թագավորության ընթացքում հիմնովին վերակառուցել է ճորա պարիսպը, հիմնադրել Շամախի և այլ քաղաքներ, ընդմիջումներով ծավալվել են պարսկա-բյուզանդական պատերազմներ մինչև 7-րդ դարի 3-րդ տասնամյակը (539-62, 571-91, 604-30): Բյուզանդիայի հրահրմամբ Խազարները դաժան ավերածությունների են ենթարկել Աղվանքը: 6-րդ դարը Աղվանքի համար վերջանում է նրանով, որ դարի վերջին խստագույնս պատժվում են պարսկական տիրապետության դեմ ապստամբած աղվանից իշխանները: Այդ մասին Աղվանից պատմիչը արձանագրում է. «Սրանք (իշխանները) ապստամբեցին պարսից թագավորի դեմ և նրանցից շատերը ոչնչացան՝ մի մասը սրով, մի մասը խեղանդամվելով, իսկ մյուս մասը հեռավոր երկրներ տարագրվելով»¹:

Դաժան վայրիվերումների ու ավերածությունների այս դարում Աղվանից աշխարհի ներքին տեղաշարժերի մասին պահպանվել է միայն հոգևոր կյանքին վերաբերող մի իրողություն: 551 թ. Աղվանքի հայրապետական աթոռը Չողից տեղափոխում են Պարտավ մայրաքաղաքը, և հայրապետ է նշանակվում Մեծիրանց գավառի եպիսկոպոս Աբասը: Այդ տարիներին բորբոքվել էին դավանաբանական վեճեր. նեստորականները փորձում էին իրենց գաղափարները տարածել Յայաստանում ու Աղվանքում: Այդ կապակցությամբ հայոց ընդհանրական կաթողիկոս Յովհաննեսը, հայաստանյան մի շարք եպիսկոպոսների հետ ահազանգող մամակ են հղում հայոց եկեղեցուն ենթակա Աղվանքի հոգևոր պետերին:

«Բարիներին, արդարամիտներին, աստվածասերներին, իմ սիրելի եղբորն ու աթոռակցին՝ Աղվանից կաթողիկոս տեր Աբասին, Բաղասատի եպիսկոպոս Մովսեսին, Կապաղակի եպիսկոպոս Գրիգորին, Ամարասի եպիսկոպոս Յոննիկին, Բաղասականի եպիսկոպոս Տիմոթեոսին, Շաքիի եպիսկոպոս Ամբակունին, Գարդմանա եպիսկոպոս Յովհաննիկին, Մեծկողմանց եպիսկոպոս Ղևոնդին»²:

Յասցետաեր յոթ եպիսկոպոսներից 4-ը Քուռի աջափնյակից են, երեքը՝ ձախափնյակից՝ Կապաղակից, Շաքիից ու Բաղասականից:

Աղվանից աշխարհի համար պակաս անմխթաբարական չսկսվեց նաև 7-րդ դարը: Շարունակվում էին պարսկա-բյուզանդական ավերիչ պատերազմները Աղվանքում, իրենց ավերածություններն ու գերեվարումներն էին կատարում իրար փոխարինող խազիրներն ու հոները, երկիրը մատնված էր կատարյալ անտերության: Այս պայմաններում քաղաքական ասպարեզ է իջնում Աղվանք թափանցած Սիիրանյան տոհմը:

Ներկայացնելով Ջիվանշիրի կառավարման տարիները՝ Աղվանից աշխարհի պատմության հեղինակը նշում է, որ Ջիվանշիրը «իր անձով ամբողջ Աղվանքն էր ներկայացնում»: Արդեն մայրամուտ ապրող Սասանյան տերությունից ապստամբած Ջիվանշիրը պարսկական զորքերին ջարդում է Կամբեճանում և Աղվանք թափանցած խազիրների զորքերին Աղվանքից քշում դեպի Չող: Վերջապես Ջիվանշիրի կառավարման ժամանակ է, որ Աղվանքի կաթողիկոս է ընտրվում Շաքիի եպիսկոպոս Եղիազարը (683-689):

Ամբողջ Անդրկովկասի հետ Աղվանից աշխարհը ևս դարի 40-ական թվականներից ենթակա է արաբական տիրակալությանը: Այժմ էլ բորբոքվում են արաբա-բյուզանդական հակամարտությունները: Պատմիչն ինչքան զովեստներ է շռայլում Աղվանից իշխան Ջիվանշիրի հասցեին, միաժամանակ նշում է, որ նա հարկատու է երեք տիրողների՝ արաբներին, հոներին ու բյուզանդացիներին: Իսկ նրան փոխարինած Վարագ-Տրդատին իր որդիների հետ տեսնում ենք բյուզանդական գերության, վերջինիս փոխարինած Շերո իշխանին էլ արաբական գերության մեջ: Քաղաքական մասն պայմաններում Աղվանքի ներքին կյանքի մասին տեղեկություն ենք իմանում դարձալ հոգևոր-եկեղեցական տեղաշարժերից:

Դարի վերջերին դարձյալ գլուխ է բարձրացնում դավանաբանական խառնակչությունը: Այս անգամ արդեն բյուզանդական գերության մեջ գտնվող Վարագ-Տրդատի կին Սպրամն է դառնում քաղկեդոնականություն բորբոքողը: Նրա աջակցությամբ քաղկեդոնիկ Ներսես Բակուրը դառնում է Աղվանից կաթողիկոս և հալածանք սկսում լուսավորչական հավատի հետևորդների դեմ: Աղվանից հոգևորականներն ու իշխանները ստիպված դիմում են հայոց կաթողիկոս Եղիայի օգնությանը: Վերջինս դիմում է Պարտավի արաբ ոստիկան Աբդյունիք Ամիրոմունիին, և պատժում են հերձվածողներին: Այդ ներազգային բուռն միջոցառմանը հավասարապես մասնակցում են Աղվանքի՝ Կուրով բաժանված եր-

¹ Նույն տեղը, էջ 115:

² Ս. Կաղանկատվացի, նշված աշխատությունը, էջ 92:

կու հատվածների հոգևորականներն ու իշխանները, և Կուրի ձախափնյակից հականե-հանվանե հիշատակվում են Կապադակի, Ղոզո, Աղածոբի հոգևոր պետերն ու Աղբերդի (նախկին Քաղաղաշտ, հետագա Արեշ-Աղղաշի), Կապադակի, Կամբեճամի իշխանները:

Միաժամանակ արաբ ոստիկանը կազմում է Աղվանքի իշխանների ցուցակը, և հերձվածողների դատաստանին հաջորդում է Աղվանից իշխանների քսորը Ասորիք: «Սրանից հետո Աղվանքի իշխան Շերոյին ազնվականների հետ միասին տարան Տարոն, իսկ այնտեղից էլ՝ Ասորիք: Այս ժամանակ հայոց հարյուր հիսուներեք (705) թիվն էր»¹:

Վրա հասած 8-րդ դարն ամբողջությամբ և 9-րդ դարի առաջին տասնամյակները բնութագրվում են մեկը մյուսին փոխարինող արաբ ոստիկանների կատարած ավար-ավերումներով ու գերեվարումներով ամբողջ Անդրկովկաս-Արմինիայով մեկ և արաբական տիրապետության դեմ ծավալված անընդմեջ ընդվզումներով: Այդ երկարատև վայրիվերումների ընթացքում արաբ տիրողները ստեղծել էին Դերբենդի, Շիրվանի ու Շաքիի վարչատարածքային միավորները, որոնք Արևելյան Անդրկովկասի հետագա դարերի պատմության ուղեկիցներն էին դառնալու ընդհուպ մինչև ռուսական տիրապետության տակ անցնելը: Իրենց տիրապետությունն ձմրապնդելու, նվաճված երկրների կողոպուտն ավելի արդյունավետ դարձնելու նպատակ հետապնդող այդ վայրիվերումների ընթացքում Աղվանից աշխարհին առնչվող մի վկայության ենք հանդիպում ժամանակի պատմիչ Ղևոնդի մոտ, որը վերաբերում է 760-ական թվականներին:

Արմինիայի ոստիկան Եգիտը, կամենալով ազատվել խազարների անվերջ ասպատակություններից, ամուսնանում է խազարաց խաջանի աղջկա հետ: Սակայն կարճ ժամանակ հետո խաթունը մահանում է, և խազարները, այդ համարելով դավի արդյունք, վերսկսում են իրենց ասպատակությունները: Պատմիչը նշում է. «Ասպատակ սփռելով Կուր կոչված հզոր գետի հյուսիսային կողմերում, առան բազում գավառներ՝ Չեջար, Քաղա, Ոստան-Մարգապան, Չաբանդ, Գեղավու, Շաքե, Բեխ, Խեյնի, Կամբեճան, Խողմազ: Այս գավառները Աղվանից աշխարհում են...-Չավաքելով գերիների բազմությունը և բազում ավար՝ դարձան իրենց բնակավայրերը»²:

8-րդ դարից մի վկայություն էլ հաղորդում է արաբ պատմիչ Բալածորին 748 թ. ապստամբության առիթով. «Շամախու շրջանում արաբների դեմ պայքարը զլխավորում էր հայազգի Սիքայելը»¹:

Բայց արաբական տիրակալները միաժամանակ անհրաժեշտության դեպքում օգտագործում էին այդ խազարներին Անդրկովկասն իրենց ենթակայության տակ ճզմված պահելու համար: 9-րդ դարի կեսերին, երբ անկասելի թափ էր ստացել ազատագրական պայքարը արաբական տիրապետության դեմ, խազարներին տեսնում ենք արաբ տիրողների աջակցողի դերում: Այդ առումով ուշագրավ է Կաղանկատվացու մի վկայությունը: «Եկավ խազր Փատգոսը, բայց նույն տարին մեռավ, իսկ նրա որդին եկավ ու գրավեց Աղվանքը սրով ու գերությամբ և բազմաթիվ ելեղեցիներ այրեց ու գնաց Բաղդադ: Ապա այնտեղից արքունի հրամանով վերադարձավ և փողով Արշակաշեն գավառում 295 (847) թվականին կառուցեց Գանձակ քաղաքը»²: Գանձակ քաղաքն էլ դառնում է արաբ ոստիկանի նոր նստավայր Պարտավի փոխարեն:

9-րդ դարի Արմինիա փոխարքայության պատմությունը բնութագրվում է ազգային-ազատագրական պայքարի բուռն վերելքով, և այդ պայքարում բնավ էլ երկրորդական չէր Աղվանից աշխարհի հայության դերը: Եիշտ է, նոսրացել էին Քուռ-Արաքսյան հարթավայրի հայ բնակչության շարքերը, արաբները հայ իշխաններից խլել էին Պարտավ մայրաքաղաքը, նախորդ դարերի պես այլևս չէին հիշատակվում արտաքին ներխուժումների ժամանակ դաշտավայրային բնակչության լեռնային շրջաններում ապաստանելու փաստեր, բայց լեռնային ամուր շրջաններում ապրում էր մի հոծ հայկական գանգված, որի հերոսական պայքարը արաբական նվաճողների դեմ, ի վերջո, պսակվելու էր հաղթանակով:

9-րդ դարի առաջին տասնամյակներից սկսած՝ Աղվանից աշխարհի Առանշահիկ իշխանական տները փայլում էլեբ են գրում հայոց ազատագրական պայքարի պատմության մեջ: Եթե Աղվանից իշխաններից եսայի Աբու Մուսեն հաղթական մարտեր էր մղում Բաբելի, ապա Բուղայի հրոսակների դեմ երկրի հարավային շրջաններում, զուգահեռաբար ավելի բախտորոշ իրադարձություններ էին ծավալվում հյուսիսային շրջաններում:

Դեռևս 8-րդ դարի սկզբներին արաբ ոստիկան Աբուլմելիք Ամիրոնուցիի պահանջած Աղվանից աշխարհի իշխանների ցուցակից երևում է, որ

¹ Ս. Կաղանկատվացի, նշված աշխատությունը, էջ 249:

² Ղևոնդ, Պատմություն, 1982, էջ 102:

¹ Ստ. Մելիք-Բախչյան, Չայաստանը 8-9-րդ դդ., Ե., 1986, էջ 311:

² Ս. Կաղանկատվացի, նշված աշխատությունը, էջ 259:

Առանշահիկ իշխանական տները դեռևս դրությամբ տերն են: Ահա այդ իշխաններից մեկը՝ «արքաների զարմից Պատրիկ Քորոյանը, որի տոհմը մինևույն Վաչագան արքայի հրամանով բնակվեց Աղբերո գավառում (հետագայի Արեշ-Աղղաշը), սրա նախնիները քաջ Վաչագանն ու Վաչեն էին»¹:

Իշխանական այդ տան շառավիղներից էր 9-րդ դարի ազատագրական պայքարի կազմակերպիչներից մեկը՝ Շաքիի տեր Սահլ Սմբատյանը: Այդ մենք իմանում ենք Թովմա Արծրունու Պատմությունից, ուր արաբ զորավար Բուղայի գերեվարած հայ իշխանների ցանկում հիշատակվում է նաև «Սմբատի որդի Սահղը՝ Շաքիի տերը, որ ձերբակալեց Բաբանին»²:

Կաղանկատվացի Սահլ Սմբատյան եռանշահիկ իշխանին առաջին անգամ հիշատակում է 822 թ. իրադարձությունների նկարագրության մեջ: «Իսկ երբ լրացավ հայոց 270 (822) թիվը, Պարտավից գաղտնի դուրս եկան արաբ ընտիր մարդիկ, ավարի ենթարկեցին Ամարաս գավառը, և մոտ հազար հոգի գերեվարելով, ամրացան Մեծիրանքի սահմանում մի տեղ, որ կոչվում է Շիկաքար: Այդ ժամանակ քաջ ու շքեղատեսք Սահղի Սմբատյան եռանշահիկ իշխանը և իր քաջագոր եղբայրներն իրենց զորքերով լուսադեմին վրա տվին... և ինչպես առյուծի ժանիքներից, գերիներին խլեցին»³:

Երկրորդ անգամ Սահլ Սմբատյանը 838 թվին ջարդում է Աղվանք ներխուժած արաբական 12 հազարանոց զորքը և «նույն տարին մինևույն իշխան Սահղի Սմբատյանը ձերբակալում է ապստամբ Բաբանին ... և հանձնում է Ամիրմոմնի ձեռքը: Իր վաստակների դիմաց արքունիքից մեծ վարձատրություն է ստանում, իրավունք է ստանում Հայաստանի, Վրաստանի ու Աղվանքի վրա՝ բոլորին տիրելու արքայական իշխանությամբ»⁴:

Ճիշտ է, 854 թ. Բուղան գերության քեց նաև Աղվանից իշխաններին, որոնց թվում և Սահլ Սմբատյանին ու նրա որդի և իշխանաց իշխան Հովհաննեսին, որն իշխում էր Մեծիրանքում, բայց դրանով արաբներին չհաջողվեց մարել ազատագրական պայքարը: Դարի վերջին քառորդում արդեն Սահլ Սմբատյանի թոռ Համամ-Գրիգորին հաջողվեց Բագրատունյանց թագավորությանը զուգահեռ վերականգնել Աղվանից թա-

գավորությունը: «Այս նույն ժամանակներում՝ 336 (887) թվականին հաջողվեց Աշոտ Բագրատունուն Հայաստանում բարձրացնել իր թագավորական գահը: ... Այս Բարեպաշտ Համամը, որ եղավ նաև Աղվանքի թագավոր, նույնպես Աղվանքի կործանված թագավորությունը վերականգնեց, ինչպես Աշոտ Բագրատունին նորոգեց հայոց թագավորությունը: Սրանք մինևույն ժամանակ կատարվեցին»⁵:

Համամ-Գրիգորի վերականգնած Աղվանից թագավորությունը 10-րդ դարի կեսերից արդեն վերածնվել էր մանր գավառական թագավորությունների: Աղվանից իշխանների մի ճյուղ թագավորություն էր ստեղծել Շաքի-Կամբեճան գավառներից, ուր թագավորում էին Ատրներսեհն ու նրա որդի Իշխանակը: Նման մի թագավորություն էլ ստեղծվել էր Փառխոս-Գարդմանում, ուր իշխել են Հովհաննես-Մեմեքերիմն ու Փիլիպեն: Այդ թագավորությունները ձեռքբերումներով գոյատևել են մինչև 11-րդ դարի 2-րդ կեսերը: 11-րդ դարի կեսերից Միջին Ասիայից ներխուժած սելջուկ-թուրքերը նվաճում են Պարսկաստանը, Անդրկովկասը և Բյուզանդական կայսրության արևելյան շրջանները: Արյան ու ավերումների մի ամբողջ հարյուրամյակ տևող այս տիրապետությանը 12-րդ դարի կեսերից հաջորդում է վրացա-հայկական դաշնակցությամբ ծավալված ազատագրական պայքարը, որի արդյունքում Ջաքարյան իշխանները սելջուկ տիրակալներից ազատագրում են հայոց նահանգները մինչև Սարանդ ու Թավրիզ, Կարին ու Խլաթ, Շաքի ու Շիրվան, Պարտավ ու Բայլական: Ուշագրավ է, որ Հաղարծնում թողած մի վիմական արձանագրության մեջ Ջաքարյան եղբայրներ Ջաքարեն ու Իվանեն ազատագրված այդ տարածքները համարում են իրենց նախնիներից հասած սեփական ժառանգություն, օտարներից ազատագրած սեփական հայրենիք: «Երբ աստծո նախախնամությունը հասավ արարածներին, և մեր նախնիների սեփական ժառանգությունը տվեց մեզ տիրելու, առաջ մեր ձեռքը տվեց անառիկ Անբերո դղյակը և թագավորանիստ քաղաքն Անին, և ապա Շաքին և Շիրվանը, և Պարտավը մինչև Բայլական, և այլ ուրիշները իրենց սահմաններով»⁶:

Հայրենական տարածքների այս հերթական ազատագրումին 13-րդ դարի 20-ական թվականներից հերթափոխի պես պետք է փոխարիներ Միջին Ասիայից ներթափանցած խորշակը մոնղոլ-թաթարների, Լենկթեմուրի, կարա-կոյունլուների, ակ-կոյունլուների տեսքով,

Այս գրքի համար 1-ին հրատարակումը:

¹ Կաղանկատվացի, նշված աշխատությունը, էջ 237:

² Թ. Արծրունի, Պատմություն Արծրունյաց տան, 1978, էջ 202-203:

³ Կաղանկատվացի, նշված աշխատությունը, էջ 255:

⁴ Նույն տեղը, էջ 259:

⁵ Կաղանկատվացի, նշված աշխատությունը, էջ 262:

⁶ Բ. Ուլուբայան, Խաչենի իշխանությունը 10-16-րդ դդ., 1975, էջ 132:

16—18—րդ դարերում ասպարեզը զիջելով պարսկա-թուրքական արյունոտ ու ավերիչ հակամարտություններին՝ ամեն նոր նվաճող կատարելով իրեն հարմար վարչատարածքային վերածնունդները՝

Իսկ թե հինգհարյուրամյա այդ վայրիվերումների, մեկը մյուսին փոխարինող վարչատարածքային վերածնունդները՝ արդյունքում երկրատարածքի էթնիկական կազմը ինչ փոփոխությունների է ենթարկվել, ընթերցողը կտեսնի հաջորդ էջերում: Քայց մինչ այդ մի վերջին դիտարկում ևս:

Աղվանից աշխարհի մասին առաջին հիշատակությունը վերաբերում է մ.թ.ա. VI դարին, Մեղական տիրապետության տապալման առնչությամբ: Այդ կապակցությամբ պատմահայր Խորենացին գրում է. «Եվ Յայոց թագավորը զորք է ժողովում Կապադովկիայի սահմաններից, Վրաց և Աղվանից ընտիրները՝ որքան և կային, և Մեծ ու Փոքր Յայքի բոլոր ընտիրները, և ամբողջ զորությամբ դիմում է Մեղացիների կողմերը»¹:

Յետագա դարերի վկայությունները հաստատում են մի իրողություն. Մեծ Յայքը մի յուրահատուկ կերպով եղել է Աղվանից աշխարհի անվտանգության երաշխավորն ու պաշտպանը: Այդ դերը նա կատարել է ոչ միայն իր անկախության ու հզորության դարերում, այլև ժամանակի աշխարհակալ տերությունների ազդեցության ոլորտում կամ ենթակայության տակ հայտնվելու ժամանակ: Յանրահայտ է, որ աշխարհակալ Յոռմն ու Սասանյան Պարսկաստանը վարձատրում էին հայոց զինական ուժերին Կովկասյան ամրությունները պաշտպանելու համար: Դարեր տևած այդ դերի շնորհիվ Աղվանից թագավորության հյուսիս-արևելյան մասում՝ Դերբենդի շրջականերում, հայերի տեսակարար կշիռը այնքան է մեծացել, որ այնտեղից դուրս է մղել Մաքսուբների ցեղը, իսկ արաբական լուծը թոթափելուց հետո էլ այնտեղ ստեղծել գավառական թագավորություն, այդ թագավորության վերացումից հետո զանգվածաբար գոյատևել ընդհուպ մինչև 1796 թվականը:

Միաժամանակ բուն Աղվանքը կամ, արժանահիշատակ պատմաբան Ասատուր Մնացականյանի բնորոշմամբ, Անդրկուրյան Յայքը իր էթնիկ հայկական միջավայրով դարեր շարունակ եղել է մի յուրահատուկ ապաստարան այն հայորդիների համար, որոնք Մեծ Յայքում կանգնել են անելանելի վիճակների առաջ: Նման դեպքերում նրանք փրկություն են գտել հարազատ ազգային մի միջավայրում, որը դուրս է Մեծ Յայքի վարչաքաղաքական իրավասության շրջանակներից: Ա. Մնացականյանը ժամանակի պատմական վավերագրերից իրար կողք է դրել նման մի

շարք դեպքեր՝ հաստատելով Անդրկուրյան Յայքի գոյության ու հարատևության իրողությունը: Ահա այդ վկայությունները, որոնք կարելի է լրացնել նման այլ վկայություններով ևս.

1. Երբ Մեծ Յայքում քրիստոնեությունը հռչակվեց պետական կրոն, և սելսեցին անխնա ավերել հեթանոսական տաճարները, հալածել նրանց սպասավորներին, վերջիններս, համառ դիմադրությունից հետո, ճարահատյալ հայացքներն ուղղեցին դեպի Կովկասի կողմերը՝ Աղվանից աշխարհ: Ահա ինչ է վկայում նրանց անունից այդ իրադարձությունները ներկայացնող Ագաթանգեղոսը. «Վայ մեզ: Որովհետև ամբողջ երկրից մեզ փախստական դարձրեց: Ուստի մենք գնում ենք Կովկաս լեռան բնակիչների մոտ, հյուսիսի կողմերը, գուցե այնտեղ հնարավոր լինի, որ կարողանանք ապրել»:

2. Յոթերորդ դարի պատմիչ Սեբեոսը վկայում է, որ երբ բյուզանդական կայսր Մորիկը Յայաստանը վերջնականապես ծնկի բերելու նպատակով հայոց զինվորական ուժերը տեղափոխում էր Դանուբի ափերը, որպեսզի կամ նրանք ոչնչանան պատերազմներում, կամ կայսրության թշնամիներին ոչնչացնեն, ընդդիմանալով կայսեր այդ հայակործան քաղաքականությանը՝ հայոց երկու զորավար՝ Առատ Խոռխոռունին և Սամվել Վահուտունին, իրենց զորագնդերով ապաստանում են Աղվանից աշխարհում:

3. Վրաց մատենագիր Արսեն Սափարացու վկայությամբ, 7—րդ դարի Յայոց իշխան Թեոդորոս Ռշտունին աղվեսադրոշմ է դնում մատենագիր Յովհան Մայրավանցեու ճակատին ու հալածում նրան՝ որպես աղանդավորի: Վերջինս փախչում է Կովկասի կողմերը, ապաստանում Կամբեճանի «Յայոց ծոր» կոչվող տեղում և աշակերտներ հավաքում իր շուրջը ոչ այնքան այդտեղ ապրողներից, որքան Մեծ Յայքի նահանգներից:

4. Աղվանից աշխարհի հայկական հարազատ միջավայր լինելու խոսույն վկայության ենք հանդիպում նաև 10—րդ դարի կաթողիկոս Յովհաննես Դասխանակերտցու պատմության մեջ: Խոսելով այն մասին, թե ինչպես, արաբական հալածանքներից փախուստ տալով, նա ապաստան է գտել Աղվանից աշխարհի իշխանների ու թագավորի մոտ, միաժամանակ արձանագրում է. «Ձի և նոքա ի ժողովրդեն մերմէ և խաշն արոտի մերոյ էին»: Այսինքն՝ նրանք էլ էին հայեր ու հայ լուսավորչական հավատի հետևորդներ¹:

¹ Մ. Խորենացի, նշված աշխատությունը, 1968, էջ 117:

¹ Ա. Մնացականյան, Աղվանից աշխարհի գրականության հարցերի շուրջը, 1966, էջ 52—63:

Իսկ երբ արաբական տիրապետության ժամանակներից սկսած Աղվանից աշխարհում հաճախակի ու նորանոր վերածնունդներ են կատարվում՝ վերջին դարերում վերածվելով մի շարք խանությունների, և միասնական Աղվանից աշխարհի հասկացությունը դուրս է գալիս շրջանառությունից, Անդրկուրյան Գայքը՝ Կուրի ծախսափնյակը, յուրահատուկ ապաստան է դառնում նաև Արցախ-Ղարաբաղի հայության համար: Գայտնի է, որ ավելի քան մի հարյուրամյակ՝ 1406-1510 թթ., Աղվանից կաթողիկոսական աթոռը Գանձասարից տեղափոխվել էր Շաքիի խանությունում գտնվող ճալեթ բնակավայրը, որովհետև Արցախում նրա գործունեությունն անհնար էր դարձել: Կամ Արցախ-Ղարաբաղին տիրացած Իբրահիմ խանի հալածանքներից խուսափող զանգվածները հիմնականում ապաստանեցին Անդրկուրյան Գայքի խանություններում, չնայած ամենուր մահմեդական տիրապետություն էր:

Բուն Աղվանքի՝ Անդրկուրյան Գայքի՝ հայի հայրենիք լինելու իրողությունը ժողովրդի գիտակցության մեջ հարատևել է նաև հետագա դարերում, հարատևել մինչև մեր օրերը, մասնավոր դարերի արյունոտ փորձություններին դիմագրաված և մինչև 1988 թ. այդ երկրատարածքում թվակազմով երկրորդը հանդիսացող հայկական զանգվածների մոտ: Ինչքան խոր ու ճշմարիտ է ներկայացնում պատմական ճշմարտության տրամաբանությունը Սուեզայիթ կառուցած հայ բանվորի միամիտ հարցադրումը՝ ի հակադարձում գորրաչոյվան հայակեր քաղաքականության, որ էթերից հնչեց սուեզայիթյան վայրագության օրերին. «Այս քաղաքը են են կառուցել, ո՞ւր գնամ իմ կառուցած քաղաքից»:

ԻՆՉՊԵՍ ԱՐԵՎԵԼՅԱՆ ԱՆԴՐԿՈՎԿԱՍԸ ԴԱՐՉՐԻՆ ԱԴՐԲԵՋԱՆ

Պարսկական տիրապետության հիմնադիր Կյուրոսի ժամանակներից սկսած՝ պարսկա-թուրանական մրցակցությունը 11-րդ դարի սկզբին վերջացավ Պարսկաստանի կատարյալ պարտությամբ և արևելյան խաչմարած ցեղերի առաջ բացեց Արևմուտքի ճանապարհը: Քոչվոր անասնապահ, ռազմունակ այդ ցեղերը, օվկիանոսային հզոր ալիքների պես իրար առաջ մղելով, նվաճեցին Ասիայի ողջ արևմուտքը, Զյուսիսային Աֆրիկան

և Եվրոպայի մեծ մասը: Եվ քանի որ Արևելյան Անդրկովկասը ժողովուրդների մեծ տեղաշարժի սահմանազուխներից մեկն էր, դիմադրողական կարողությամբ ամենից թույլը Պարսկաստանի ու Ռուսաստանի համեմատությամբ, այստեղ կատարված ավերումները շատ ավելի ծանր ու ճակատագրական էին: Դարեր տևած այդ վայրիվերումների հետևանքով Արևելյան Անդրկովկասի տափաստանային շրջանները վերածվեցին անմարդաբնակ անապատների, իսկ տեղաբնիկները, հարկադրաբար քաշվելով լեռնային շրջանները, ապահովեցին իրենց հարատևումը:

Լինելով քոչվոր անասնապահներ՝ դեպի Արևմուտք շարժվող յուրաքանչյուր նոր նվաճող երկրատարածքից դուրս էր մղում նախորդ նվաճողին և տեղն ինքը զբեղեցնում սեփական հուտերով: Ըստ էության, նվաճման և դուրս մղման այդ գործընթացն ավարտին հասավ Սեփյան Պարսկաստանի տիրապետության հաստատմամբ: Այդ է պատճառը, որ իրար հերթափոխած այդ նվաճող ցեղերը իրենց հետևից չթողեցին ո՛չ էթնիկական և ո՛չ էլ մշակութային նկատելի նստվածք:

Պարսկաստանի ու Թուրքիայի երկուհարյուրամյա հակամարտությունը Անդրկովկասին տիրելու համար, նրանց բորբոքած անընդմեջ պատերազմները ևս ավերածություններ գործելուց բացի ուրիշ փոփոխություններ չմտցրին երկրատարածքում, մասնավոր էթնիկական տեղաշարժերի իմաստով: Այնպես որ, մինչև Պետրոս Առաջինի Կասպիական արշավանքը թուրքախոս ցեղերը Արևելյան Անդրկովկասում անմշան և ոչ մշտակյաց տարրեր էին:

18-րդ դարի 20-ական թվականներին պարսկական տիրապետության դեմ բարձրացված հայ-վրացական ազգային-ազատագրական շարժումը և դրան շողկապված ռուսական հարավային ներթափանցումը հարկադրեց Պարսկաստանին՝ այդ տարածքների էթնիկական նվաճումը դարձնելու պետական քաղաքականության առաջնահերթ խնդիր: Առաջին օրինակը տվեց Նադիր շահը՝ երկրատարածք տեղափոխելով քոչվոր ցեղերի: Պարսկական իշխանությունները Պարսկաստանի խորքերից, Իրաքից և այլ տեղերից երկրատարածք տեղափոխեցին մի շարք թուրքալեզու քոչվոր ցեղերի, որպեսզի խափանեն հայ-վրացական ազատագրական շարժումները, միաժամանակ պատնեշ ստեղծեն ռուսական հարավային ներթափանցման առաջ: Այդ ցեղերի՝ Պարսկաստանից կատարվող ներհոսքը, ինչպես նաև նրանց նստակցության

անցնելն ավարտվեց միայն անցած դարի 50-ական թվականներին. ադրբեջանցիների վերջին ներհոսքը եղել է 1954 թ., երբ պարսկական կառավարությունը ճնշեց բուն Ադրբեջանում ծագած ապստամբությունը (տողերիս հեղինակի կույր աղիքը 1958 թ. վիրահատել է Թավրիզից ներգաղթած բժիշկ Ֆառուզը, որն արդեն ռուս կին ուներ): Իսկ 1959 թ. մարդահամարում դեռևս նշվում էր, թե Ադրբեջանի բնակչության որ մասն է նստակյաց, որը՝ քոչվոր:

Ինչքան էլ խոշտանգված ու ավերակված, այնուամենայնիվ, 18-րդ դարի առաջին կեսին Արևելյան Անդրկովկասը, փոքր քանակությամբ թուրքալեզու քոչվոր ցեղերի առկայությամբ, դեռևս մնում էր հայերի և մյուս տեղաբնիկ ժողովուրդների հայրենիք, որի բնակիչները ամրացած էին շատ թե քիչ ապահով լեռնային ու կիսալեռնային շրջաններում:

Իսկ ի՞նչ էր ներկայացնում այդ հայրենիքը հայկական էթնիկական տարրի առումով: Հարցի պատասխանը տալիս են ժամանակին ստեղծված պատմական վավերագրերը, որոնց հաղորդած տվյալների նկատմամբ կասկածներ չեն կարող, որովհետև այդ դարաշրջանում իրողությունները դեռևս կոչվում էին իրենց անուններով, մանավանդ որ այն ժամանակ նավթի հոտը դեռևս չէր գրգռում աշխարհն իրենց բուռը հավաքել ցանկացող հզոր երկրների ախորժակը, որպեսզի ամեն ինչ շուտան գլխիվայր:

Այդպիսի վավերագրերից առաջինը հայ ազգային-ազատագրական շարժման ռահվիրա Իսրայել Օրու 1699 թ. սեպտեմբերի 22-ի թվակիր գեկուցագիրն է Եվրոպայի տիրակալներին՝ նրանց օգնությամբ Արևելյան Հայաստանը պարսկական տիրապետությունից ազատագրելու ծրագրով: Այդ գեկուցագրից պարզ երևում է, թե աշխարհագրական ինչ տարածք էր ընկալվում որպես Հայաստան, և ինչ հարաբերակցության մեջ էին այդ տարածքի հայ և մահմեդական (ընդհանրապես մահմեդական և ոչ ադրբեջանական) էթնիկական միավորները: Այդ փաստաթղթում Օրին տեղեկացնում է, թե Կասպից ծովից «դուրս կգանք մի նավահանգիստ, ուր ամբողջ շրջանում չկան ո՛չ քաղաք և ո՛չ էլ գյուղեր: Այդ տեղը տասը մղոնով է հեռու Բաքվից, ուր կան երկու գեղեցիկ շատրվաններ... Այդտեղ է ահա Հայաստանի սահմանագույնը»¹: Այնուհետև առաջ անցնելով՝ շարունակում է. «Հարուստ և առևտրական քաղաք է Շամախին: ...Մենք այնտեղ ունենք յոթը հայ ծխական համայնքներ և քաղաքի բոլոր վաճառականները և առևտրականները հայ են: Հենց որ

նրանք տեսնեն ծածանելիս ձեր կայսրընտրիչ բարձրության դրոշակները... ամմիջապես դուրս կգան այդ քաղաքից տասը հազար հայ մարդիկ, ամենքն էլ հեծյալ, կազմ ու պատրաստ... Ահա առաջին մուտքը Հայաստան, որ սկսվում է Շամախուց: ... Պարսկաստանի թագավորությունը — դա Հայաստանի թագավորությունն է ներս մտնելիս»²:

Ուշագրավ է, որ պարսկական առաքելությունից վերադարձի ճանապարհին Օրին Ղուբայի խանության Նիզաբադի տարածքում երեք կամուրջ է կառուցել և վանքի հիմքեր դրել՝ առաջիկա ռուսական առաջխաղացման ժամանակ նրանց երթուղին դյուրացնելու հեռանկարով: Նիզաբադը փաստորեն Օրու ներկայացրած Հայաստանի հյուսիս-արևելյան ծայրակետն է: Այդտեղ նույն նպատակով վանք կառուցելու հարցը երկրորդ անգամ ցարին է ներկայացրել Օրու զինակից Աինաս վարդապետը 1714 թվականին²:

Այնուհետև Օրին ներկայացնում է Արևելյան Հայաստանի նահանգները մինչև երևան՝ յուրաքանչյուրի դիմաց նշելով, թե ինչքան զինվոր կարող է տրամադրել ազատագրական պայքարին: Ստացվում է 192 հազար մարդուց կազմված մի բանակ այն դեպքում, երբ նույն տարածքից պարսկական տիրողները կարող էին դուրս բերել ընդամենը 48 հազարանոց մահմեդական զորք: Վիճակագրական ուղղակի տվյալների բացակայության դեպքում թվերի այս հարաբերակցությունն է միակ չափանիշը դրանց կրող տարրերի թվաքանակը որոշելու համար, այսինքն՝ 192 և 48 հարաբերակցությամբ էին հայերն ու մահմեդականները (ժամանակի պարսկական պետական օրենքի համաձայն՝ պատերազմի դեպքում յուրաքանչյուր ծուխ պարտավոր էր տալ մեկ զինվոր):

ժամանակակից Ադրբեջանի տարածքի հաշվով՝ Շամախի քաղաքը, որ «մեծ է ինչպես Կյուլնը» (Քյուլնը), կարող է տալ տասը հազար զինվոր, չհաշված այն 60 հայկական գյուղերը, որ գտնվում էին Շամախու խանության մեջ: Շաքիի (Նուխու) խանությունը, որտեղ «շատ քիչ են թուրքերը», կարող է տալ «սկզբում տասը հազար զինվոր», Գանձակը՝ 15000, Քաշաթաղը (ժամանակակից Լաչին-Քարվաճառը)՝ 10000, Չագանը (ժամանակակից Ղազախ-Թովուզի շրջանները)՝ 5000, Վարանդան՝ 6000, Մեծ Ղափանը (ժամանակին այդպես էր կոչվում Ղարաբաղի հիմնական մասը)՝ 60000 զինվոր: Ընդամենը 116000 զինվոր այն դեպքում, երբ նույն տարածքի պարսկական խանություններից միայն Շա-

156000

¹ Նույն տեղը, 53 և հետագա:
² Աշոտ Հովհաննիսյան, Դրվագներ հայ ազատագրական մղոցի պատմության, հ. 2, 1959, էջ 613-614:

¹ Լեո, երկերի ժողովածու, հ. 3, 1973, 51:

մախու և Գանձակի խանություններն էին պարտավոր կառավարությանը գործ տրամադրելու, ըստ որում, Շամախին՝ 10000, իսկ Գանձակը՝ 5000 զինվոր: Ընդամենը 15000 զինվոր: Թվերի այս հարաբերակցությունը՝ 146 և 15, ցույց է տալիս, որ 18-րդ դարի սկզբին Արևելյան Անդրկովկասը ժամանակակից Ադրբեյջանի համապատասխան տարածքով, որն այն ժամանակ ընկալվում էր Հայաստանի մաս, ուներ բնակչության մի կազմ, որի 87%-ը հայեր էին, 13-ը՝ մահմեդականներ:

Որ Օրին չափազանցված թվեր չէր բերում հայերի թվաքանակի հարցում, երևում է հետագա բազմաթիվ վավերագրերից: Այսպես, Եսայի Հասան-Ջալալյան կաթողիկոսի 1722 թ. օգոստոսի 18-ի մի նամակից իմանում ենք, որ միայն ապստամբած Ղարաբաղն ուներ 40000-անոց զինված մարտիկներ և այդքան էլ ընդունակ էր զինելու, եթե Պետրոսի պարսկական արշավանքը իրականանա: Իսկ 1724 թ. Պետերբուրգ ուղարկված Ղարաբաղյան պատվիրակությունը ցարին տեղեկացնում էր, որ միայն Ղարաբաղն ունի 100000 ծովա ազգաբնակչություն²:

Եթե իր հաշվարկներում Օրին թույլ է տվել սխալ, ապա սխալվել է մահմեդականների հարցում: Ժամանակի պետական-պաշտոնական փաստաթղթի՝ «Թաղթիրաթ-ալ-մուլուքի» տվյալներով՝ 17-րդ դարի վերջում և 18-րդ դարի սկզբում Անդրկովկասի հայաբնակ գավառներ ունեցող տարածքը բաժանված էր երեք բեկլերբեկությունների, որոնք պատերազմի դեպքում պարտավոր էին տալ հետևյալ քանակով զինվորներ՝ Չուխուր-Սաղ (Երևան)՝ 4297, Ղարաբաղ՝ 6084, Շիրվան՝ 5856: Ստացվում է 15,227 զինվոր՝ Օրու հաշվարկով 48 հազարի փոխարեն³:

Օրու կազմած վիճակագրությամբ ահա այսպիսին էր իրերի դրությունը Պետրոս Առաջինի Կասպիական արշավանքից առաջ. ժամանակի ընթացումով Պարսկահայաստանում՝ Շամախուց մինչև Երևան 192000 պոտենցիալ հայ զինվոր, 48000 մահմեդական պոտենցիալ զորքի դիմաց, ժամանակակից Ադրբեյջանի համապատասխան տարածքի առումով՝ 146000 պոտենցիալ հայ զինվոր, 15000 պոտենցիալ մահմեդական զորքի դիմաց:

Պետրոս Առաջինի Կասպիական արշավանքը աղետալի հետևանքներ ունեցավ Անդրկովկասի և առանձնապես հայության համար: Թուրքիայի հետ պատերազմելուց խուսափելով՝ Պետրոսը պարսկական տիրապետությանը ենթակա Անդրկովկասը, բացի Կասպիականի իր նվա-

¹ Լեո, նշված աշխատությունը, էջ 131:

² Եսայի տեղը, էջ 162:

³ Հայ ժողովրդի պատմություն, հ. 4, 1972, էջ 253:

ճած ափերից, ճանաչեց թուրքական սեփականություն: Թուրքիան օկուպացրեց Անդրկովկասը: Առաջին հերթին շարքից դուրս եկավ Արևելյան Կրաստանը, որի Վախթանգ թագավորը դարձավ աստանդական՝ ի վերջո ապաստանելով Աստրախանում: Պարսկական տիրապետությունը թոթափած Ղարաբաղն ու Զանգեզուրը մնացին միայնակ թուրքական ագրեսիայի դիմաց:

Խնդիրը միայն ռազմական բախումներին կամ սովորական նվաճումներին չի վերաբերում: Հայերի ազատագրական պայքարն ու Ռուսաստանի հարավային ծավալումը ոտքի հանեցին մահմեդական աշխարհը, և սկիզբ դրվեց մինչ այդ անծանոթ մի քաղաքականության՝ հարցերի լուծում հայերին ֆիզիկապես ոչնչացնելու ճանապարհով: Իրար թշնամի, փոխադարձաբար իրար ոչնչացնող սյունի և շիա մահմեդականները՝ խմբավորված իրար թշնամի երկու հզոր պետությունների՝ Թուրքիայի և Պարսկաստանի մեջ, որ մինչ այդ իրարից խլում էին հայերին որպես իրենց կերակրող և երկիրը շենացնող աշխատավոր մի զանգվածի, հայերին ոչնչացնելով հարցը լուծելու գործում ընդհանուր համաձայնության եկան և այն դարձրին պետական քաղաքականություն:

Ահա մի քանի վկայություններ այդ ժամանակների վավերագրերից:

Արևելյան Անդրկովկաս ռուսների ներթափանցման առնչությամբ Երզրումի փաշան սպառնազիր է ուղարկում հայոց կաթողիկոսին. «Դու էլ շատ մեղավոր ես, որ միացել ես ռուսներին, որոնց օգնելու համար ոտքի ես կանգնեցրել քո հայերին: Ասում են, թե 60000 կատարելապես զինված հայերը քո խոսքով վեր են կացել: Դու էլ շատ նեղություն կքաշես, որովհետև ուզում ես ռուսներին ձեր այդ երկրով բերես մեր երկիրը»: Սա թուրքական կողմը: Իսկ Երևանի Մուհամմեդ-Ղուլի խանը՝ Կախենթի ուրացող Կոստանդին թագավորը, ձերբակալում է կաթողիկոսին նույն մեղադրանքով և շուտով ազատում՝ գրպանելով մեծագումար կաշառք¹:

Անդրկովկաս ներխուժած թուրքական զորքերի մի միավորում պարտություն է կրում Ղարաբաղում: Գերի ընկած թուրք փաշան խոստովանում է. «Մեր թագավորն հրաման է արարյալ, որ պիտի մեք այս երկրներին հայն և ղզլբաշն փուչացնենք, չուն որ ըռուս թագավորի զորքն ծովի այս կողմս են անցել, մեք նոցա վերա պիտի գնամք. հայն այս մեքս չպիտի և այլ երկրներս խարապ պիտի լինի, որ մեր ճանապարհին բացուի: Նաև ասաց փաշան, թե դուք չիք այս միջումս՝ մեք հիմա Ղարաբաղու և Պաքու վերա էինք գնացել, որ դատիմի մերն է»²:

¹ Լեո, նշված աշխատությունը, էջ 137, 211:

² Լեո, նշված աշխատությունը, էջ 166:

Ուղիղ երկու հարյուր տարի հետո՝ 1918 թ., թուրքական մի այլ զինվորական նույն Ղարաբաղում նույն խոսքերն էլ ասել Բաքվի կոմունայի դեմ արշավող թուրքական զորքերի մասին:

Անդրկովկասը նվաճած թուրքական զորքերն իրենց վասալ կովկասյան ժողովուրդների հետ մեկտեղ աղետալի ավերածության են ենթարկում Կովկասյան լեռների հարավային փեշերից մինչև Քուռ գետը: Դեպքերի ականատես Մարտիրոս վարդապետը այդ ամենի մասին գրում է Աստրախանում ապաստանած Վախթանգ թագավորին՝ նրա միջոցով ակնկալելով ռուսական օգնություն: «Առաջ Շամախին... չափմիշ արարին: ...Ղարասուփի գեղերանք թուրքացրին: Շաքուա երկրի գեղերանք ևս թուրքացրին: ...Միայն Մսկուրու երկիր էր մնացել, զնա ևս քանդեցին, ավերեցին... Այս տաճկաց ֆիքրը այլ իմն է... գրում են, թե միավորվեցեք, եկեք դուրս գողմից, մեք մեք գողմից, այս կեավուրներ վեր առնենք, փուչացնենք, տինը իսլամ դառնայ... Իւրյանք մեկն զմեկին ասում են, թէ այս գեղիս կեավուրներ փուչացնենք, որ սարը կեավուր (ռուսները Ա.Յ.) զալիս այս կեավուրներ կու քանդեն մեր երկիր և գեղերանք»¹:

Իսկ Պարսկաստանում իշխում էր այն մտայնությունը, թե «եթե չլինեին մեր մեջ հայերը, եթե ականատես չլինեին նրանք մեր գործողություններին ու չիմանային մեր լեզուն, մենք վաղուց ջարդած կլինեինք ռուսաց զորքերին»: Ահա թե ինչ է գրում Պետրոս դի Սարգիս Գիլանենցը պարսիկների տրամադրությունների մասին. «Ասում ան թե Յայքն թաման ջարդրեւ պիտի, որ էս երկիրն վարթարաֆ արարին. էսպես որ Ըռուստն բերին կոխեցին դզլբաշի երկիրն, Աղվանն տարան Ըսպահան»:

Եվ այսպես, 18-րդ դարի 20-ական թթ. սկիզբ է դրվում հայերի ցեղասպանությանը Արևելյան Անդրկովկասում, որը դանդաղ գործողությամբ շարունակվում է մինչև հիմա՝ հայության հայրենիքը հետևողականորեն դարձնելով «Ադրբեջան»:

Պատմական երկարատև այս ողբերգության մեջ մեղքի ու պատասխանատվության իր պատկառելի բաժինն ունի նաև ռուսական պետական քաղաքականությունը՝ սկսած Պետրոս Առաջինից մինչև Գորբաչով:

Տրամազծորեն այլ հարց է, որ հայ ժողովրդի օրհասական պահերին ռուսական դեմոկրատիայի լավագույն ներկայացուցիչները՝ սկսած դեկաբրիստներից մինչև Բոլշևուկ, մինչև մեր օրերի առաջավոր մտավորականները, միշտ էլ կանգնած են եղել մեր կողքին, միշտ էլ իրենց

արդար ծայրն են բարձրացրել մեր նկատմամբ կատարվող վայրագությունների դեմ: Այլ հարց է նաև հայերի ռուսական կողմնորոշումը, այդ կողմնորոշման պատմականորեն հաստատված անդառնալիությունը այն աստիճանի, որ դեռևս 19-րդ դարի 50-ական թվականներին Ստեփանոս Լազարյանը բանաձևեց, թե հայերը քաղաքականապես ռուս ժողովուրդ են: Այլ հարց է, որ ռուսական կայսրության մեջ հազիվ թե ճարվի մի այլ ժողովուրդ, որ հայերի չափ անձնվիրաբար մասնակցած լինի առաջավոր Ռուսաստանի համար մղվող պայքարին՝ համոզված, որ ինչքան առաջավոր, զարգացած ու դեմոկրատական լինի Ռուսաստանը, այնքան դրանից կշահի նաև հայ ժողովուրդը: Այսօր էլ հայ ժողովուրդը ստեղծված քաղաքական բարդ իրավիճակում կանգնած է նույն դիրքերում և Ռուսաստանից է սպասում իր ազատության ու անվտանգության երաշխիքը:

Մի կողմ դնենք այն իրողությունը, որ հայերի ռուսական կողմնորոշումը, հայ և ռուս քաղաքական ու զինական մերձակցությունը օբյեկտիվորեն հարվածի տակ էր դնում պարսկական ու թուրքական տիրապետություններին ենթակա հայությանը՝ որպես թշնամական մի տարր այդ պետությունների համար: Դրան գումարվում է նաև կայսերապետական Ռուսաստանի որդեգրած երկդիմի քաղաքականությունը:

Պետրոս Առաջինը ապստամբության մղեց հայերին ու վրացիներին, Անդրկովկասը սեփական մասնակցությամբ ազատագրելու խոստումով հասավ Դերբենդ ու վերադարձավ՝ դուռ բացելով թուրքական ագրեսիայի առաջ՝ իր ծանրագույն հետևանքներով: Պետրոսին զինակցելու հայ-վրացական միացյալ ուժերին զուգահեռ բուն Պարսկաստանից Սարգիս դը Գիլանենցը սեփական ծախսերով կազմակերպեց հայ երիտասարդների մի գորաջուկատ՝ «Յայկական էսկադրոնը», և միացավ ռուսական գործող բանակին: Արդյունքում Անդրկովկասը Ռուսաստանի կողմից ճանաչվեց թուրքական սեփականություն:

Ուղիղ 100 տարի ցարական արքունիքը բոլոր միջոցներով խրախուսում ու հուսադրում էր ազատագրական պայքարի դրոշ պարզած Ղարաբաղին, քաղաքական ազատության ու անկախության խոստումներով բարձրացնում նրա հերոսական տրամադրությունը: Բայց երբ 1804 թ. գրավեց Ղարաբաղը, «մոռացավ», որ դրանից վեց տարի առաջ ևս կայսերական հատուկ հրովարտակով մի վերջին անգամ Ղարաբաղը ճանաչել էր մելիքական սեփականություն, և այն հանձնեց մի եկվոր նվաճողի, որի դեմ ղարաբաղցի անընդմեջ պայքարել էր, ու այդ պահին էլ հայ մելիքական զորաջուկատները ռուսական զորքերի հետ կո-

¹ Նույն տեղը, էջ 214:

վում էին Ռուսաստանի շահերի համար: Իսկ ի՞նչ էր ստանում 100 տարի ռուսական շահերի համար արյուն թափած ղարաբաղցին: Պատասխանը տալիս է ոչ անհայտ Ցիցիանովը՝ Քյուրուքչայի դաշնագրի առիթով 1805 թ. մայիսի 14-ին Ալեքսանդր կայսեր գրած գեկուցագրում: «Այստեղ ես չեմ կարող... լռության տալ մի անցք, որ տեղի ունեցավ: ...Խանը... ուղարկեց ինձ հիշյալ Մելիք Ջումշուդի որդուն, 11 տարեկան և 13 տարեկան թոռանը, որոնք 10 տարի բաժանված էին նրանից: Նրանց ես... հանձնեցի հորը և տեսա, թե ինչպես նա չէր կարողանում շնորհակալության արտասուքից մի բառ անգամ արտասանել, ինչպես և... այս տեսարանի վկաներից ոչ ոք չկարողացավ պահել իր արտասուքները»¹:

Իրոք ողբերգական իրականություն: Կայսրության շահերի համար, կայսրության հրահրմամբ հարյուրամյա թափած արյան դիմաց երկու երեխայի ազատություն տասնամյա գերությունից, իսկ ազատության համար մարտնչող ժողովրդի վզին թուրք նվաճողի լուծ՝ իր բոլոր հետևանքներով:

Անդրկովկասը վերջնականորեն նվաճած Նիկոլայ Առաջինը Պարսկաստանից ներգաղթեցրած հայերին Պարտավից մինչև Երևան տեղավորելով՝ ընդունեց այդ տարածքների հայկականությունը: Սակայն այնպիսի վարչատարածքային բաժանումներ կատարեց Անդրկովկասում, որ, ըստ էության, Արևելյան Հայաստանը բաժանվեց մի քանի անհավասար մասերի, և պաշտոնապես ուրացվեց միասնական Արևելահայաստանի իրողությունը: Ավելին: Արևելյան Անդրկովկասում մահմեդական տարրը մեծացնելու և ուժեղացնելու նպատակով ցարիզմը ոչ միայն Պարսկաստան փախած մահմեդական զանգվածներին վերադարձրեց նախկին տեղերը, այլև ամեն կերպ սիրաշահում էր նրանց, պայմաններ ստեղծում նոր ներթափանցումների համար: Պրա վկայություններից մեկն էլ Նիկոլայ Առաջինի 1846 թ. դեկտեմբերի 6-ի հայտնի հրովարտակն է, որով երկրատարածք մտցնելով ճորտատիրության ռուսական համակարգը՝ հիմքում դնում էր նաև այսպիսի պահանջ. «Մեր այս հրովարտակով հողատերերի վրա տոհմականորեն հաստատված հողերն իրենց բոլոր պատկանելիքներով ու հողատեսքերով հողատիրոջ լիակատար սեփականությունն են կազմում: ...Նրանք այդ հողերը կարող են ժառանգություն տալ, նվիրել, վաճառել և այլ կերպ օտարել՝ պայմանով սակայն, որ այդ հիմքով կայք ձեռք բերող անձերը Անդրկովկասի մու-

սուլմանական բարձր դասին պատկանեն: ...Անդրկովկասի մուսուլմանական բարձր դասը՝ ապահովված ապրուստի միջոցներով... միշտ պատրաստ պիտի լինի մեր քաջարի ռազմիկների շարքերն անցնելու և նախանձախնդրությամբ ու եռանդագին կատարելու այդ դասի վրա դրվելիք պարտականությունները»²:

Ինչպես տեսնում ենք, երեք հզոր տերությունների հակադիր շահերի խաչաձևումը հիմք դարձավ պատմական իրադարձությունների հետագա զարգացման համար: Մեզ մնում է հետևել իրադարձությունների ընթացքին՝ տեսանելի դարձնելու հայկական մարզերի ադրբեջանականացման պատկերը Արևելյան Անդրկովկասում՝ ըստ ժամանակի վարչատարածքային բաժանումների:

1724 թ. թուրքական արշավանքից անենից շատ տուժեցին Նուխու (Շաքիի) խանությունն ու հարակից շրջանները: Թուրքերը Նուխու խանության և Ղարասովի շրջանի հայության հիմնական զանգվածներին բռնի մահմեդականացրին՝ հիմք դնելով էթնիկական հարաբերակցության հետագա փոփոխության: Իսկ նրանց կովկասյան վասալները ոչնչացրին Մսկուրի շրջանի 12 հայկական գյուղեր՝ բնակչության մնացորդներին ենթարկելով բռնագաղթի:

Եթե Իսրայել Օրու հաշվումով Նուխու խանությունը հայերի ազատագրական պայքարին կարող էր տալ 10000 զինվոր և ուներ շատ քիչ մահմեդական ազգաբնակչություն, ապա 1916 թ. ցարական վիճակագրական տվյալներով այն ներկայացնում էր հետևյալ պատկերը՝ բաժանված երկու վարչական միավորների՝ Նուխու և Արեշի գավառների: 1916 թ. այդ գավառներում կային 44921 հայեր, 27530 շիա մահմեդականներ և 188523 սյունի մահմեդականներ:

Մակար եպիսկոպոս Բարխուդարյանցի հաշվումներով 20-րդ դարի շենին բռնի մահմեդականացված հայերը կազմում էին 15480 ծուխ: Այս սյունի մահմեդականները բռնի թուրքացված հայերի հետնորդներն են, որոնք 19-րդ դ. կեսերին փորձեցին վերադառնալ իրենց ազգային ակունքներին, բայց արդեն ուշ էր: Եվ եթե փորձենք ճշտել Օրու ժամանակի հայերի ու մահմեդականների էթնիկական հարաբերակցությունը, պետք է վերցնենք հայերի ու սյունի մահմեդականների թվաքանակը և համեմատության մեջ դնենք շիաների հետ, այսինքն՝ 232, 444 և 27530 հարաբերակցություն՝ տեղափոխված 200 տարի հետ: Ստացվում է, որ 18-րդ դարի սկզբին Նուխու խանության բնակչության 88 %-ը հայեր

¹ Էնո, Երկնի ժողովածու, հ. 4, 1984, էջ 256:

² Խ. Ավդալբեգյան, Հողային հարցը Արևելյան Հայաստանում, Ե., 1959, էջ 66-67:

էին, 12%-ը՝ մահմեդականներ: Իսկ 200 տարի անց հայ-մահմեդական հարաբերակցությունը նույն տարածքում 79 և 21 % էր՝ հօգուտ մահմեդականության: Այսպիսով, Նուխու խանության մեջ հայերի ցեղասպանության առաջին ետապում հիմնովին փոխվեց էթնիկակրոնական հարաբերակցությունը, և հայերը դարձան ազգային փոքրամասնություն: Նույն տարածքում հայերի ցեղասպանության երկրորդ ետապն սկսվեց ցարիզմի հրահրած հայ-թուրքական ընդհարումներով (1905-1906 թթ.) և վերջապես խորհրդային կարգերի հաստատումով: Այդ ընդհարումների ժամանակ մեծապես տուժեց Արեշի գավառի հայությունը՝ ոչ միայն զրկվելով ունեցվածքից, այլև տալով բավականին մեծաքանակ զոհեր: Իսկ 1918 թ. դեպի Բաքու թուրքական արշավանքի ժամանակ տեղի ունեցավ հայերի երկրորդ մեծ աղետը: Թուրքերը ոչ միայն անխնայ ոչնչացնում էին հայերին, այլև խորհրդային կարգերի հաստատումից հետո էլ թուրքական յաթաղանից փախուստով փրկված հայերին արգելվեց վերադառնալ հայրենական օջախներ, և երկրատարածքում մնացին հայերի միայն այն բեկորները, որոնք պատսպարվել էին մոտակա անտառներում ու ձորերում: 1926 թ. մարդահամարով մի տասնամյակ առաջ եղած շուրջ 45000 հայերից արձանագրվում է միայն 4004 մարդ: Այդ վիճակը ևս չբավարարեց Ադրբեջանի բուլշևիկյան կառավարությանը: Եվ նա հիդրոկայանի կառուցման համար ընտրեց հատկապես Սինգեչաուրը, ջրամբարի տակ դրեց հեղափոխությունից առաջ Արեշի գավառի 18 հայկական գյուղերից կանգուն մնացած 5 գյուղերը, որոնք Ղարաբաղի հետ կազմում էին մի միասնական էթնիկական տարածք՝ վերջնականապես լուծելով նախկին Արեշի գավառի ադրբեջանականացման հարցը: Ադրբեջանի ինտերնացիոնալ-շովինիստական քաղաքականության պայմաններում գոյատևող հայության վերջին բեկորներն էլ նախկին Նուխու գավառում վերջնականապես հայրենագրվեցին գորբաչովյան վարչակարգի հրահրած հայ-ադրբեջանական հակամարտության հետևանքով:

Այսպիսով՝ հայոց երբեմնի Փոքր Հայք գավառը, պարսկական տիրապետության ժամանակներից Նուխու (Շաքիի) խանության վերածված, 18-րդ դարի սկզբին դեռևս 88 %-ով հայկական էր, որը շուրջ 300-ամյա անհավասար մաքառումների արյունոտ ճանապարհին 1988 թ. վերջնականապես հայազրկեցին՝ դարձնելու համար ադրբեջանական հայրենիք:

Շամախին, Քաշաթաղը, Ջազանը և Արևեյան Անդրկովկասի մյուս հայկական տարածքները ևս տարբեր ժամանակներում ու տարբեր

ծներով ենթարկվեցին նույն ճակատագրին: Բավական է նշել, որ թուրքական ավերածություններից ընդամենը 10 տարի հետո Նադիր շահն է ռազմակալում Անդրկովկասը, «խալաթ կործանում Շամախի քաղաքը և 700000 գերի տանում Պարսկաստան Աղվանից երկրի հայերից ու վրացիներից»¹:

Վերջապես հերթը հասնում է հեռավոր դարերի մշուշում իր պատմությունը թաղած Բաքվին, որը պարսկական տիրապետության տակ ընկնելով՝ վերածվել էր սահմանազլխային ամրոցի՝ հետագայում ռուսների ու հայերի տևական ջանքերով համաշխարհային հնչեղության քաղաք դառնալու համար: Հայտնի է, որ հզորացած Սեֆյան Պարսկաստանի կողմից նվաճվելու հետևանքով տեղի հայերի հիմնական զանգվածները ստիպված փրկություն են գտել Աստրախանում և այլ տեղեր: Այնուամենայնիվ, ռուսական ներթափանցումից առաջ Բաքվի ազգաբնակչության կեսը դեռևս հայերն էին: Միա թե ինչ է գրում թուրք պատմիչ Ջևդեթը՝ ներկայացնելով 17-րդ դարի վերջի վիճակը. «Սալյան և Բաքու քաղաքներում ապրում են 10 հազար տուն շիաներ և 10 հազար տուն հայեր»²: Երբ Տիցիանովը փորձեց նվաճել Բաքուն, իր գլուխը թողեց բերդի պարիսպների տակ: Եվ տեղի հայերն էին, որ նրա անարգված դիակը աղբամոցից հանեցին և պահեցին իրենց Աստվածածին եկեղեցում: Իսկ երբ 1807 թ. ռուսները վերագրավեցին Բաքուն, այնտեղ կար ընդամենը 500 ծուխ ազգաբնակչություն, որից 70-ը հայեր: Ինչ է վկայում մեկ տասնամյակի շրջանակներում մի քաղաքի էթնիկական կազմի այսքան կտրուկ փոփոխությունները: Բանն այն է, որ Ջուբովի արշավանքի օրերին Ռուսաստանի հայոց թեմի առաջնորդ Արղությանի եռանդուն ջանքերով հայերը դարձել էին պատերազմող կողմ, և Ջուբովի ետդարձի ժամանակ նրանք ևս անցել էին Ռուսաստան՝ պարսկական հաշվեհարդարից խուսափելու համար: Իսկ երբ ռուսները վերջնականապես գրավեցին Բաքուն, նույնը կրկնեցին նաև այդտեղ բերված թուրքական տարրերը՝ վերադառնալով իրենց նախկին բնակավայրերը: Բաքվում մնացին միայն տեղում մնացած 70 ծուխ հայերը և տեղաբնիկ մահմեդականները՝ 430 ծուխ թաթերը, որոնք փախչելու տեղ չունեին: Այնպես որ, անհիշելի ժամանակներից մինչև ռուսական տիրապետության հաստատումը Անդրկովկասում, Բաքուն հավասարապես եղել է հայ ազգաբ-

¹ Մակար եպս. Բարխուդարյան, նշված աշխատությունը, Ե., 1999, էջ 56, 87:

² Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, Կ. Ա, 1961, էջ 248:

նակչության հայրենիք, թեկուզ և եկվոր նվաճողները վերջին դարերում հայերին հասցրել էին ազգային փոքրամասնության վիճակին:

Ռուսական տիրապետության ընձեռած կյանքի և գույքի ապահովության բարենպաստ պայմանները, ինչպես նաև Բաքվի տնտեսական նշանակության աննախընթաց բարձրացումը հայերին նորից վերադարձնում են Բաքու, և ռուսների հետ միասին քաղաքը դարձնում են այն, ինչ այսօր կա:

Հայտնի է, որ ցարիզմը, և ոչ միայն ցարիզմը, մարդահամարների և այլ վիճակագրությունների ժամանակ առաջնորդվում էր ոչ թե ազգային, այլ կրոնադավանական ելակետով: Դա անհնար էր դարձնում շիա մեհմեդականների ընդհանրությունից առանձնացնել ազերբուրքերի իրական թվաքանակը: Բայց ահա 1891 թ. Թբիլիսիում հրատարակված «Բաքուն և իր արվարձանները» ռուսերեն զրբույկում բացվում են փակագծերը, և պարզվում է, որ 1889 թ. տվյալներով ազերբուրքերը Բաքվում չորրորդ տեղն են իրենց թվաքանակով: Ահա Բաքվի տեղական կազմը 1889 թ.¹ արտահայտված թվերով. թաթեր՝ 29,631, հայ լուսավորչականներ՝ 25,897, ռուսներ և աննշան քանակով վրացիներ՝ 22693, ազերբուրքեր (թաթարներ)՝ 9877, այլ ազգություններ՝ 5520, որի կազմում անհայտ քանակով կաթոլիկ ու բողոքական հայեր:

Թե ինչ դեր են խաղացել ադրբեջանցիները Բաքվի տնտեսական ու կուլտուրական զարգացման գործում, խոսելն անգամ ավելորդ է: Նրանք չեն կարող մատնացույց անել իրար վրա դրված երկու քար, կամ գոնե մի արհեստանոց, էլ չենք խոսում արդյունաբերական ձեռնարկումների մասին, որ իրենց ձեռքի գործը լինի: Նոր ու ժամանակակից Բաքուն հայերի և ռուսների քաղաքն է՝ ինչ-ինչ ուժերի ձեռքով մվիրված ադրբեջանցիներին:

Հայերի ցեղասպանության հետևանքով Բաքուն ադրբեջանականացավ երեք փուլով. 1905 թ. ցարիզմի հրահրած հայ-թուրքական ընդհարումով, 1918 թ. Բաքվի թուրքական օկուպացիայով, որի զոհը դարձավ 30000 հայ, 1988 թ. սկսված վերջնական հայաթափումով՝ բառիս բառարանային իմաստով մարդակերությամբ ուղեկցվող մեթոդներով ու գորբաչոյան վարչակարգի գործուն հրահրմամբ: Եվ եթե այսօր փոխադարձ զիջման հարց կա երկու ժողովուրդների միջև, այն պետք է սկսել Բաքվից և ոչ թե Արցախական աշխարհի բեկորներից:

Ինչ մնում է «Անդրկովկասի մուսուլմանական բարձր դասի» նկատմամբ ունեցած ցարական ակնկալությանը, ապա այդ դասը ամոթով չմնաց ոչ միայն ցարիզմի, այլև բոլշևիզմի առջև:

Հայերի հաշվին մահմեդականներին սիրաշահելու քաղաքականությունը ամեն անգամ պետական մակարդակով վերաճել է հայերի ցեղասպանության, երբ կայսրությունը կանգնել է համընդհանուր ճգնաժամի առաջ: Դրա հետևանքով իրենց բնակավայրերից դուրս են մղվել հայերը և այլազգիներ (ռուսներ, գերմանացիներ)՝ հող նախապատրաստելով ադրբեջանցիների միատարրության համար: Եվ քանի որ հայերի ցեղասպանության հերթական ալիքն սկիզբ առավ կայսրության առաջին համընդհանուր ճգնաժամի տարիներից՝ 1905–1906 թվականներից, և ոչնչացման մեթոդների մասնակի լրացումներով շարունակվում է մինչև այսօր, ընթերցողին ենք ներկայացնում այդ օրերի՝ պետականորեն հրահրված վայրագությունների ընդամենը երկու միջադեպ, որոնք պատասխան են տալիս այն հարցին, թե ինչպես Արցախի, Սյունիքի և Գարդմանքի որոշ տարածքներ հայաթափվեցին և այսօր կոչվում են Ադրբեջանի «անկապտելի մաս»:

Բերում ենք ժամանակի բազմաթույթ վավերագրերից միայն մեկը, որտեղ ներկայացված իրականությունը այնքան մեծ է մեր օրերին, որ մեկնաբանությունն ավելորդ է դառնում՝

«ԿՈՏՈՐԱՎՈՐ ՄԻՆԶԵՆԴՈՒՄ», 19–22 օգոստոսի, 1905 թ.: Մինքենդի հայերի դրությունը միանգամայն վտանգավոր դարձավ օգոստոսի սկզբներում, երբ Մուղանլու, խալան, Օվչառ կոչվող թարաքյամա քրդերը եկան, իրենց վրանները խփեցին Մինքենդի դաշտում... Օգոստոսի 19–ի երեկոյան գյուղի այն կողմում, ուր սովորաբար գիշերում էին հայերի ոչխարները, հրացաններ պայթեցին, և երեք սուրու ոչխար թուրքերը փախցրին: Հայերը դուրս եկան հավարի, բայց կարողացան ետ բերել միայն երկու սուրու... Օգոստոսի 20–ի երեկոյան գյուղը պաշարվեց թարաքյամաներով՝ հրացանների որոտների հետ միաժամանակ:

Առաջին անգամ գյուղը պաշտպանելու համար հայերի հետ միասին փողոց դուրս եկան թե՛ կոզակները և թե՛ ստրաժնիկները, բուլտը միասին 32 հոգի, սակայն այդ մի ստոր խաղ էր պրիստավի կողմից (Սադրգբեկ): Մի փոքր այս ու այն կողմը վազվզելով՝ ներս քաշվեցին թե՛ պրիստավը, թե՛ կոզակները և թե՛ ստրաժնիկները: Դավադրությունը կատարյալ էր: Թեև հայերը մի կարճ ժամանակ դիմադրեցին, բայց ապարդյուն: ...Օգոստոսի 21–ի առավոտյան Մինքենդի փողոցներում ընկած էին արդեն 22 դիակ:

Սակայն այդ րոպեին էլ հանգիստ չառավ ոճրագործ պրիստավը: Նա, պատճառ բռնելով խոզնավարում սկսված ընդհարումը, օֆիցերին

¹ Ա–ԴՕ, Հայ-թուրքական ընդհարումները 1905–1906 թթ., Ե., 1907, էջ 256:

կոզակների հետ միասին հաջորդ օրն ուղարկեց խոզնավար: Երբ հայերն այդ իմացան, մի մասը գյուղից փախան, իսկ մնացյալ մասը պատասխարվեց այսպես կոչված «Ջայեժմիյ» տանը: Ահա այդ տան վրա էլ հարծակվեց խուժանը... այս անգամ գրագիր Շամիրի առաջնորդությամբ:

«Ջայեժմիյ» տան բակում տեղի ունեցավ մի չտեսնված, չչսված բարբարոս գործողություն: ... Գազանացած խուժանը այդտեղ կատարեց այն բոլոր քստմնելի գործողությունները, որպիսին ընդունակ է երևան հանելու...

Այսպիսով՝ Մինքենդի 696 բնակիչներից 456-ը միայն կարողացան, որը վիրավոր և որն էլ սարսափից մաշված, կմախք դարձած ազատվել, մնացյալ 240-ը չկային:

Մինքենդի նյութական կորստին չափ չկար: Նրանք կորցրել էին ամենը, ամենը... բոլորը ձգեց մինքենդցին և գնաց՝ այլևս չվերադառնալու համար, այլևս չտեսնելու այն տեղը, որը եղել էր նրա հարազատների սպանդանոցը: Նա գնաց տնավեր, քաղցած, բազմաթիվ զոհերով և վշտաբեկ սրտով, բայց նրան տանջում էր ավելի շատ այն հանգամանքը, որ ոճրագործները չեն պատժվում, որ նրանք, ընդհակառակը, խրատուսանքներ էին գտնում պաշտոնյաների կողմից»:

«ԲԱՂԱՔԵՆԴ-ԳԵՏԱՔԵԿԻ ԿԱՍ ԲԱՐԲԱՐՈՍՈՒԹՅՈՒՆՆԵՐԻ ՇՐՋԱՆ», 19-25 նոյեմբերի, 1905 թ.: Գանձակի առաջին օրվա կոտորածի հետ միաժամանակ, այն է նոյեմբերի 18-ին, թուրքական մի խուժան հարծակվեց Չարդախլվի վրա՝ ավերելու և այդ խոչընդոտը մեջտեղից վերացնելու նպատակով: Վաղուցվա մտադրությունն այս անգամ էլ չիրագործվեց: Չարդախլուն դիմադրեց որպես վահան և մնաց կանգուն ու հպարտ: Հարծակունը կրկնվեց նաև 19-ին, բայց դարձյալ անհաջող, որից հետո խուժանը դարձավ դեպի Բաղաքենդ, պղնձահանքերը և Ղազախ (գյուղ Գետաբեկի մոտ - Ա. Յ.):

Նոյեմբերի 19-ին՝ առավոտյան ժամը 7-ին, թուրքերը եկան բռնեցին գյուղի (Բաղաքենդ) շրջակա բլուրները, իսկ գյուղից 5 վերստ հեռու գտնվող Ջառչի-բինան կողոպտեցին և եղած-չեղածը տարան: Նոյեմբերի 21-ին խուժանը նորից երևաց, բայց այս անգամ ավելի մեծ չափով... Ակսվեց անհավասար օրհասական կռիվ, որպիսին լինում է հուսահատական րոպեներին: Բաղայի փոքրաթիվ կռիվները, մինչև 22-ի երեկոյան քաջաբար դիմադրելով, դիրքերը ձեռքից թողին միայն հերոսաբար ընկնելուց հետո:

Սակայն Բաղայի ժողովուրդը հերոսության նոր ապացույցներ տվեց, թուրքերի ներխուժումից հետո մի համառ կռիվ էլ տեղի ունեցավ գյուղի փողոցներում՝ փայտերով, կացիններով և այլ գործիքներով, մինչև վերջին ճիգը, վերջին շունչը, ինչպես գոտեմարտը, որից հետո խուժանը կատարեց իրեն հատուկ բարբարոսությունը մեծի ու փոքրի, կանանց ու երեխաների նկատմամբ: Բաղայում ընկել էին մարդ, կին, երեխա՝ 118 հոգի...

Այն ժամանակ, երբ կատարվում էին Բաղաքենդի սարսափները, ավելի վատթարագույն սարսափներ տեղի ունեցան պղնձահանքերում, Ղազախում պրիստավի և շրջակա գյուղերի քյոխվաների մասնակցությամբ:

... Բաղայի, Գետաբեկի և Ղազախի հետ ամեն բան վերջացնելուց հետո թուրք խուժանը դարձավ դեպի Չարդախլու: Նոյեմբերի 25-ից սկսած մինչև 30-ը պարբերաբար ետ մղվելով և նորանոր քարմացված ուժերով նոր հարծակուններ գործելով՝ նա չհոգնեց: ... Նոյեմբերի 30-ին տեղի ունեցավ վճռական հարծակունը, և այս անգամ խուժանը հետ փախավ մեծ կորուստներով...»¹:

Եվ այսպես՝ թուրքական ցեղերի վայրենի բնագղները գրգռելով հայերի ունեցվածքին ու նրանց դարավոր հայրենիքին տեղ դառնալու հրապուրիչ հեռանկարով՝ ցարիզմը նոր հիմքերի վրա դրեց Արևելյան Անդրկովկասի թուրքացման գործընթացը, որը հետագայում որդեգրեցին բոլշևիկները: Որդեգրեցին ոչ միայն 11-րդ կարմիր բանակի հրամոթները գործի դնելով, այլև Նախիջևանը, Ղարաբաղը, Գանձակը Ադրբեջանին մվիրելուց հետո անգամ, 1928 թվին Նախիջևանի չափ մի տարածք ևս, սկսած Ջանգելանից մինչև Կարմիրի շրջան, խլեցին Հայաստանից ու տվեցին Ադրբեջանին՝ Հայաստանի ու Արցախի միջև ստեղծելով Լաչինի, Քյալբաջարի ու Գետաբեկի արհեստական միջանցքը: Չնայած ցարական-բոլշևիկյան այս քաղաքականությանը՝ հայկական պատկառելի գանգվածները Հյուսիսային Արցախում ու Գարդմանում կարողացան ամուր կառչած մնալ իրենց հայրենի հողին, դիմակայել Ադրբեջանի 70-ամյա անօրինակ գաղութային քաղաքականության ճնշումներին, մինչև որ գորբաչովյան վարչակարգը խորհրդային գործերով հիմնովին հայաթափեց այդ տարածքները՝ ներկայիս Շամխորի, Գետաբեկի, Ղաչքեսանի, Խանլարի, Շահունյանի շրջանները և Գանձակը:

Այսօր Ադրբեջանը աշխարհով մեկ աղմուկ է բարձրացրել՝ այդ տարածքները իր «սրբազան հայրենիք» ներկայացնելով, և ձգտում է Ջանգելուն էլ բռնազավթել...

¹ Ա-ԴՕ, հայ-թուրքական ընդհարումները 1905-1906 թթ., Ե., 1907 թ.:

Ինչպես ցույց է տալիս իրադարձությունների զարգացման շղթան, սա պատմությունն չէ սովորական իմաստով, այլ տևականորեն շարունակվող մի իրողություն, մի երկարատև պատմական ողբերգություն, որի վերջը դեռևս չի երևում:

Հանրահայտ է, որ շնորհիվ առաջին հերթին իրենց աշխարհագրական դիրքի, ընդհանուր վայրիվերումների մեջ իրենց դիմադրողականությամբ առանձնացան Ղարաբաղն ու Գանձակը՝ դառնալով Արևելյան Անդրկովկասի հայության միջնաբերդը: Ճիշտ է, այդ մարզերի տափաստանային շրջանները դարձան անմարդաբնակ անապատներ, որոնց վերաբնակեցումը դեռևս չի ավարտվել, բայց լեռնային շրջաններում էլ ձևավորվեց խտաբնակ մի զանգված, որն ընդհուպ մինչև 1988 թ. ամուր կանգնած էր հայրենի հողին: Բավական է նշել, որ հետպետրոսյան հարյուրամյակում Պարսկաստանի կողմից կիրառվող էթնիկական նվաճման քաղաքականությունը չկարողացավ այդ հարցը լուծել հոգուտ մահմեդականության: Նույնիսկ խանական կենտրոնում՝ Գանձակում, հասան միայն այն բանին, որ հավասարվեց հայերի ու մահմեդականների թիվը: Երբ 1804 թ. ռուսները նվաճեցին Գանձակը, այնտեղ կային 2232 հայ և 2350 մահմեդական՝ պարսիկներ, քրդեր, թուրքեր և այլն: Նույն պատկերն ենք տեսնում նաև Բաքվում, ուր 18-րդ դարի վերջերին հայերն ու մահմեդականները հավասարվել էին թվաքանակով՝ համաձայն թուրք պատմագիր Ջևդեթի վկայության:

Դրությունը խստագույնս ծանրացավ բուլշևիկների տիրապետության օրոք՝ Ադրբեջանի մարտնչող շովինիստական քաղաքականության հետևանքով: Լենին-Աթաբուրք գործարքով Ադրբեջանին նվիրված հայկական այս մարզերը դարձան տնտեսական, քաղաքական, բարոյահոգեբանական սանձարձակ հալածանքների թիրախ, որպեսզի հայությանը այստեղից ևս դուրս մղեն: Յոթանասունամյա անլուր հալածանքների շնորհիվ այդ մարզերի հայ բնակչության մի մեծ մասը հարկադրաբար ապաստան գտավ Միության այնպիսի տեղերում, ուր հնարավոր էր ունենալ կայուն աշխատանք և ապահով կյանք:

Պատկերացնելու համար, թե պատմության համար մի կարճ ժամանակահատվածում ինչ չափերի է հասել հայերի ցեղասպանությունը չդադարող հալածանքների պատճառով, հիշատակենք մի փաստ միայն: 1724 թ. Ղարաբաղը ուներ 100000 ծուխ հայ բնակչություն, իսկ 1926 թ. մարդահամարի ժամանակ նույն տարածքում մնացել էր ընդամենը 111000 հայ: Այսինքն՝ աճելու փոխարեն երկու հարյուր տարվա ընթացքում յուրաքանչյուր ծխից մնացել էր միայն մեկ մարդ, իսկ մյուս-

ներն իրենց բնական աճով հարկադրված են եղել ապաստան գտնել Ղարաբաղից դուրս: Այս դժբախտ անհրաժեշտության առաջին օրինակը տվեց Ղարաբաղի ազգային-ազատագրական պայքարի առաջնորդներից մեկը՝ Ավան Յուզբաշին՝ 1729 թ. անցնելով ռուսական տիրապետության սահմանները:

Հայտնի է նաև, որ մինչև 1988 թ. իրադարձությունները միայն Ղարաբաղն ուներ տարբեր ժամանակներ արտագաղթած և ռուսական կայսրության բոլոր հորիզոններում ապաստանած մեկուկես միլիոն հայեր: Դրան գումարվեց 1988 թվականով սկսված շուրջ մեկ միլիոնանոց հայերի բռնագաղթը Ադրբեջանից: (Խորհրդային բոլոր մարդահամարների ժամանակ Հայկական Հանրապետությունից դուրս ապրող հայերի թվաքանակը հետևողականորեն կեղծվել է քաղաքական նկատառումներով: 1916 թ. ցարական վիճակագրությամբ հետազայի «Ադրբեջան» տարածքում արձանագրված է 538,484 հայ, իսկ 1926 թ. խորհրդային մարդահամարով՝ 282,004: Ահա թե ինչու առնվազն կրկնակի պետք է հաշվել հայերի այն թվաքանակը, որ ցույց է տրվում Ադրբեջանում մարդահամարից մարդահամար: Է —

Գորբաչովյան վարչակարգի հրահրած հայ-ադրբեջանական հակամարտությունը եկավ հարցը վերջնականապես լուծելու: Այն սկսվեց ոչ թե Ղարաբաղյան շարժումով, Ադղանով կամ Սոււմգայիթով, այլ Չարդախլվով, մարզի սահմաններից դուրս թողնված այն հռչակավոր գյուղով, որը պատերազմի ժամանակ տվել էր երկու մարշալ և տասնյակից ավելի զեներալներ: 1987 թ. Չարդախլվին հարկադրեցին հարևան ադրբեջանական գյուղին զիջել 500 հեկտար հող: Մերժմանը հետևեց գյուղի դիմադրող կանանց ծեծը միլիցիայի ջոկատների կողմից՝ մի վերջին անգամ հաստատելով թուրքական սկզբունքը՝ հողը արյունով է նվաճվում:

Պատահական չէ, որ հայկական շրջանների հայաթափումն էլ սկսեցին մարզի կազմից դուրս թողնված հայկական շրջաններից, որոնց մեջ առաջիններից մեկն էր Չարդախլուն, լուծեցին պետական գործերի ակտիվ մասնակցությամբ՝ հարկ եղած դեպքում գործողության մեջ դնելով զենքի բոլոր տեսակները: Ղարաբաղին փրկեց գորբաչովյան վարչակարգի փլուզումը, որովհետև պետական գործերն ու ծանր տեխնիկան ռուսական զենքի պատմության մեջ անմախաղեպ քստմնելի մեթոդներով, ընդհուպ մինչև անմեղ քաղաքացիներին որսալով ու թուրքերին վաճառելով, սկսել էին նաև Ղարաբաղի հայաթափումը: Չգիտենք քանի դար պետք է անցնի, որ ռուսական զենքին Գորբաչովի ձեռքով քսված այդ անոթալի սև բիծը մոռացվի:

Այսքանից հետո միայն դարաբաղցին զենք բարձրացրեց՝ ապացուցելու, թե «այնտեղ է լոկ սխրանքն սկսվում, ուր վերջանում է ամեն մի հնար»։ Դարաբաղցին զենք բարձրացրեց իր գոյության իրավունքը հաստատելու համար և հերոսաբար հաստատեց այն ու հաստատում է։

1988 թ. սկսված հերթական ցեղասպանության հետևանքով հայոց հինգհազարամյա հայրենիք, այսօր Ադրբեջան կոչվող երկրատարածքը, բացառությամբ Ղարաբաղի մի հատվածի, վերջնականապես զրկվեց հայությունից, զրկվեց հայերի նկատմամբ ամենավայրենի, ամենաբարբարոսական մեթոդների գործադրմամբ։ Այսօր ո՛ւմ բաժին է դարձել հայոց, երեքհազարամյա Բաքուն, ո՛ւմ բաժին է դարձել հռչակավոր Շամախին՝ իր շրջակա 60 հայկական գյուղերով, Նուխին՝ իր ոչ վաղ անցյալի 88% հայ բնակչությամբ, Գանձակը՝ իր 75% հայ բնակչությամբ, Ջազամը՝ իր միատարր հայությամբ։ Եվ այս ամենը կատարվել է նախ՝ պարսկաթուրքական, ապա՝ ցարաբոլշևիկյան կայսերապետական քաղաքականության շնորհիվ, որոնք հետևողականորեն ադրբեջանականացրին Արևելյան Անդրկովկասը՝ հայերի ու վրացիների ազատագրական ձգտումները ճնշելու համար քոչվորական վայրենի ուժը ծառայեցնելով իրենց շահերին։

ԱԴՐԲԵՋԱՆԱԿԱՆ ԽԱՂԱՂ ՆՎԱՃՈՒՄՆԵՐԻ ՅԵՏՔԵՐՈՎ

1921 թ. Մոսկվայի, ապա Կարսի պայմանագրով գործարքի մեջ մտնելով Աթաթուրքի հետ՝ Լենինը ոչ միայն Կարսը զիջեց Թուրքիային, այլև Նախիջևանի երկրամասը «և այլ շրջաններ» հանձնեց նորաթուխ Ադրբեջանի Հանրապետությանը։ Այդ «և այլ շրջաններ» արտահայտությամբ նկատի էր առնվում Արևելյան Հայաստանի մի շարք շրջաններ, որոնցից փրկվեց միայն Ջանգեզուրը՝ շնորհիվ Նժդեհի հերոսական ջանքերի։ Փաստորեն ԽՍՀՄ կազմավորելուց առաջ Լենինը, հանձին Ադրբեջանի, ստեղծեց մի փոքր կայսրություն և ադրբեջանցիների տրամադրության տակ դրեց ոչ միայն տեղաբնիկ ժողովուրդների՝ հայերի, լեզգիների, թալիշների, թաթերի և այլ փոքրաքանակ ժողովուրդների հայրենիքները, այլև նրանց ստեղծած հազարամյակների մշակույթը, քաղաքակրթությունն ու պատմությունը։

Մեզ հետաքրքրող հայկական երկրամասերի նկատմամբ Ադրբեջանի կառավարության կիրառած զավթողական քաղաքականությունն է։

Կուրի աջափնյակը զբաղեցնող հայկական մարզերը, հիմնականում իր հայ բնակչությամբ, Լենինից նվեր ստանալու դիմաց ադրբեջանական ղեկավարությունը դիմեց քաղաքական զիջման՝ հանդուրժելով հայկական ինքնավար մարզի ստեղծումը, որը նրանց կողմից միշտ էլ դիտվել է որպես ժամանակավոր զիջում։

Որևէ մեկնաբանության տեղ չի թողնում Կավքյուրոյի հայտնի որոշման 2-րդ կետը, որով Ադրբեջանի կառավարությանն է թողնվում հայկական շրջաններից ինքնավար մարզի ստեղծումը և նրա սահմանների որոշումը։ Հայտնի առակի տրամաբանությամբ դա նշանակում էր ոչ-խարներին հանձնել զայլերի պահպանությանը։ Ստեղծվեց Լեռնային Ղարաբաղի Ինքնավար Մարզը, բայց ինչպե՞ս...

Նախ՝ մարզի կազմից դուրս մնացին չորս հայկական, ժամանակակից անվանումներով՝ Շահումյանի, Խանլարի, Դաշքեսանի ու Շամխորի շրջանները։ Այս՝ այդ շրջանների վարչատերիտորիալ սահմանները այնպես զծեցին, որ ավանդաբար իրենց պատկանող հողատարածքների մի պատկառելի մասը մնաց նրանց սահմաններից դուրս։ Այսպես, Գետաշենի և նրա շրջակա հայկական գյուղերի, ինչպես նաև Շահումյանի շրջանի վարելահողերը հասնում էին մինչև Գանձակի ու Պարտավի փեշերը՝ նախկին Գյուլխստանի մելիքության սահմաններով։ Սակայն նրանց վարչատարածքային սահմանները զծեցին գյուղամերձ տարածքներով, չնայած այդ սահմաններից դուրս գտնվող հողերը շարունակում էին մշակել հայերը։ Օրինակ, Պարտավի մոտ գտնվող Ղարբանդում էին գտնվում Կարաչինար գյուղի վարելահողերը, իսկ Գերանում Գետաշենինը։ Իրերի այս դրությունը պահպանվեց մինչև թուրքերի նստակեցության ու հողամշակման անցնելը, որպես ժամանակավոր ու հարկադրական իրողություն, որը հանգիստ չէր տալիս Ադրբեջանի կառավարությանը։ Պատերազմից հետո, գործարկելով վերին դարաբաղյան ջրանցքը, Ադրբեջանի կառավարությունը Պարտավի և Կուրի մերձակայքի հայապատկան վարելահողերը խլեց այդ շրջաններից և դարձրեց թուրքական սեփականություն։ Դա տեղի ունեցավ 1949 թվականին։ Եվ երբ հայկական Գերանը դարձրեցին թուրքական, սկսեցին տարփողել, թե դա հին թուրքական բնակավայր է եղել։ Իսկ երբ սկսվեց կոլտնտեսությունների ու շրջանների խոշորացումը, այդ միջոցառումը այնպես կազմակերպեցին, որ ստեղծվեց խառն էթնիկական միջավայր, ուր հայերին, տևականորեն ճնշելով, հարկադրում էին լքել պապենա-

կան օջախները, մինչև որ հարցը հիմնովին լուծեցին գործաչույան հրանոթների գործությամբ:

Վարչատարածքային սահմանազծման նույն սկզբունքով կազմավորվեց նաև Լեռնային Ղարաբաղի Ինքնավար Մարզը: Նրա սահմաններից դուրս թողեցին վարելահողերն ու անասունների ձմեռանոցները, որ ձգվում էին մինչև արաքսամերձ տափաստանները: Եվ որպեսզի հետագայում հեշտ լինի այդ տարածքները մարզից պոկելը, սկզբից նեթ դրանք հայտարարեցին պետական ֆոնդի հողեր՝ ժամանակավորապես տրամադրված մարզին (հետաքրքիր է, հսկայածավալ պետության ուրիշ ո՞ր մասում է պետական ֆոնդի հողերի հարց եղել):

20-ական թթ. Ադրբեջանի տնտեսական կյանքի զարգացման համար ամենապատրաստ միջավայրերից մեկը, Բաքվի և Գանձակի հետ միասին, Լեռնային Ղարաբաղն էր՝ ժամանակի պահանջները բավարարող իր կադրերով ու աշխատուժով, իր բնական ռեսուրսներով: Հավանաբար այդ հանգամանքի հաշվառումով կենտրոնական կառավարությունը 1925 թ. առաջադրեց Թարթառ գետի վրա հիդրոկայանի կառուցման հարցը, որի իրականացումը մի հարված կլիներ ադրբեջանական ազգային կլանողական քաղաքականությանը: Ադրբեջանի ղեկավարությունը դրա դեմ գործի դրեց նման դեպքերի համար իր փորձված գեներալ հարցի լուծման ձգձգումը: Նա կարողացավ մինչև 1931 թվականը համարյա ոչինչ չձեռնարկել, կենտրոնի ճնշմամբ 1931 թ. հարկադրված եղավ ձեռնարկել տեղանքի հետազոտության ու շինարարության նախագծման աշխատանքները, 1934 թ.՝ շինարարությունը: Մակայն 1941 թ. հաջողացրեց կանգնեցնել «Թարթառիէկի» շինարարությունը և աշխատուժն ու շինարարական սարքավորումները տեղափոխել Մինգեչաուր:

Իսկ թե ինչու Ադրբեջանի կառավարությունը հատկապես Մինգեչաուրը ընտրեց հիդրոկայանի վայր և ոչ մի ուրիշ տեղ, դարձյալ պայմանավորված էր նրա ազգային հեռահար քաղաքականությամբ: Բանն այն է, որ Քուռի ծախսափնյակը զբաղեցնող նախկին Արեշի գավառը դեռևս լրիվ ադրբեջանականացված չէր, իսկ նրա ու Հյուսիսային Արցախի հողատարածքները սահմանակից էին իրար և կազմում էին մի միասնական էթնիկական տարածք:

Հայտնի է, որ վերջին ծանրագույն հարվածը Նուխու և Արեշի հայու-

թյան գլխին իջնում է 1918–20 թվականներին, երբ թուրքական զորքերը նորից են անցնում այդ տարածքով: Երկրամասի հայության այն մասը, որ կարողանում է փրկվել թուրքական յաթաղանից, փրկվում է միայն փախուստի միջոցով: Իսկ երբ Ադրբեջանը դառնում է խորհրդային, փախստականների մեծ մասը, որ մինչ այդ չէր վերադարձել հայրենի օջախներ, այդպես էլ մնում է փախստական, որովհետև Ադրբեջանի բուշկիկյան կառավարությունը այստեղ նա, ինչպես նաև Նախիջևանում, արգելեց նրանց վերադարձը: Փախստականների մի մասը ապաստան է գտնում Հյուսիսային Կովկասում և Ռուսաստանում, մի մասն էլ երևանին կից հիմնում է Նոր Արեշ թաղամասը:

Չնայած այս ամենին՝ երկրամասը իսպառ չի դատարկվում հայերից: Բնակչության մի մասը հեռուն չէր փախել և թուրքական զորքերի ետ քաշվելուց հետո վերադարձել էր հայրենի բնակավայրերը: Վերադարձել էին նաև Քուռի ծախսափնյակը զբաղեցնող հայկական գյուղերի բնակիչները, գյուղեր, որոնք, ըստ էության, Հյուսիսային Արցախի հետ կազմում էին մի միասնական էթնիկական տարածք, որովհետև նրանց արանքում թուրքական բնակավայրեր չկային և այսօր էլ չկան:

Եվ այսպես, «Թարթառիէկի» շինարարությունը խափանելով և հատկապես Մինգեչաուրը հիդրոկայանի տեղ ընտրելով՝ Ադրբեջանի կառավարությունն առաջ էր տանում իր ազգային կլանողական քաղաքականությունը: «Թարթառիէկի» խափանումով Ադրբեջանը Լեռնային Ղարաբաղին զրկեց տնտեսական զարգացման հեռանկարից (հիշենք, որ փակեցին նաև Ստեփանակերտի գործող ջրակայանը): Հատկապես Մինգեչաուրը ընտրելով հիդրոկայանի վայր՝ ջրի տակ գցեցին Կուրի ծախսափնյա հայկական գյուղատնտեսական տարածքներով մեկընդմիջտ լուծելով Արեշի գավառի վերջնական ադրբեջանականացման հարցը: Իսկ այդ մարտնչուց հետո, ինչպես արդեն ասվել է, սեփականացրին նաև Կուրի ու Պարտավի մերձակայքում գտնվող Հյուսիսային Արցախի հողատարածքները՝ օղակը սեղմելով Արցախական աշխարհի միջնաբերդի՝ ԼՂԻՄ-ի վզին:

Արևելյան վայրենի ցեղերի հազարամյա ասպատակությունները Միջին Ասիայից մինչև արաբական թերակղզի, Եվրոպա և Հյուսիսային Աֆրիկա, որոնք հսկայական աշխարհատարածքներ կոտորածների ու ավերածությունների հովիտ դարձրին, այնպես էլ չկարողացան փոխել Արցախի էթնիկական կազմն ու տարածքային ամբողջականությունը:

ճիշտ է, նրանք հայաթափեցին Արցախի և Ուտիքի դաշտավայրային շրջանները, ոչնչացրին հազարամյակների ընթացքում ստեղծված բարձր քաղաքակրթությունը, բայց յուրացնել այդ տարածքները այդպես էլ չկարողացան ընդհուպ մինչև վերջին պատերազմը:

Առանձնապես անմարդաբնակ անապատի էր վերածվել Արաքսի ձախափնյա մասը, որտեղից մնացել են պատմական հուշի որոշ բեկորներ միայն: Այսպես՝ հայոց երբեմնի Բայլականից հուշի ձևով մնացել է միայն ավերակը՝ Օրան դալա (Քանդված բերդ) անվանումով, անհիշելի ժամանակներից Արաքսից հանված ոռոգման ջրանցքից մնացել է Գյավուր արիս (Անհավատի առու) անվանումը, ջրանցքի ձախափնյա անջրդի տարածքներից մեզ է հասել Հարամի (Արամի՞) տեղանունը և այլն:

Երեք աշխարհամասեր ունատակ տված թուրքալեզու վայրենի ցեղերի կատարած ավերածությունները մերձարաքսյան հարթավայրում կարող է համեմատվել միայն Ալեքսանդր Մակեդոնացու ժամանակներից հայտնի միջինասիական քաղաքակրթության ոչնչացման հետ: Եվ եթե Միջին Ասիան հետագայում կարողացան շատ թե քիչ յուրացնել և դարձնել հայրենիք, այստեղ նրանք այնպես հիմնովին էին ավերել, որ անգամ իրենց ոչխարների համար պիտանի չէին որպես արոտավայրեր: Նույնիսկ ցարիզը ի զորու չեղավ մարդաբնակ դարձնելու այդ տարածքները: Ցարիզը Արցախի նախալեռնային գոտին աղեղնաձև դարձրեց ռուսական գաղթօջախներ՝ Շամխորի կողմերից մինչև Կարյազինո-Ֆիզուլի, իսկ Արցախի մերձարաքսյան գոտին փոխանցեց բուլշիկներին՝ որպես անցյալի տխուր ժառանգություն:

Ալքի առաջ ունենալով այն հավանականությունը, որ արցախահայությունը օրերից մի օր կդնի մարզի շարունակությունը կազմող մերձարաքսյան անմարդաբնակ տարածքների յուրացման հարցը, մի գիշերվա մեջ բուլշիկ դարձած Ադրբեջանի մուսավաթական կառավարությունը 20-ական թվականներին ծրագրեց այդ տարածքների էթնիկական յուրացման խնդիրը: Եվ քանի որ նրանք չէին կարող ցեղակից քոչվորների միջոցով նման միջոցառում իրագործել, 1928 թ. պարտադրեցին մարզի ղեկավարությանը, որ Ղարաբաղի աշխատավորության ուժերով իրականացնեն այդ գործը: Մարզի բոլոր շրջաններից անհրաժեշտ քանակությամբ աշխատուժ տեղափոխեցին Արաքսի ափամերձ տարածքները, որոնք վերաբացեցին հազարամյակներ առաջ հայերի կողմից Արաքսից հանված, բայց ժամանակին արևելյան հորդանների ձեռքով հիմնովին ավերված ջրանցքը՝ Գյավուր արիսը, ստեղծեցին առաջին կոմունաները, որոնց հիմքի վրա էլ հիմնադրեցին 13 սովխոզ:

Տասը տարվա ընթացքում այդ սովխոզները տնտեսական այնպիսի վերելք ապրեցին բամբակագործության, հացահատիկային կուլտուրաների ու անասնապահության բնագավառներում, որ առաջացավ ինքնուրույն շրջան ստեղծելու հնարավորություն: 1938 թ. այդ սովխոզները հանեցին մարզի վարչատարածքային ենթակայությունից, դարձրին հանրապետական ենթակայության շրջան և այն կնքեցին ժղանովի անունով: Դրանով նրանք լուծեցին ռազմավարական կարևորության մի հարց, մարզը կտրեցին արտաքին աշխարհից, այն այլևս հարևան պետության հետ սահման չուներ: Եվ որպեսզի դա առավել հիմնովին լինի, ջրանցքից վերև գտնվող անջրդի տարածքներն էլ, որպես «չեզոք գոտի», հայտարարվեցին պետական ֆոնդի հողեր, որոնք ժամանակավորապես տրամադրվում են մարզին, և մարզի կուլտնտեսությունները իրավունք ունեին միայն այն օգտագործելու որպես ոչխարների ձմեռանոց: 60-ական թվականներին ծրագրվեց այդ տարածքները ևս ոռոգելի դարձնել Կուր գետից բերվելիք ջրանցքով՝ նոր ժղանովներ ստեղծելու հեռանկարով, սակայն Միության տնտեսական կյանքի շեշտակի անկումը հնարավորություն չտվեց հերթական հնգամյա պլան մտցված այդ ծրագիրն իրականացնել:

Քանի որ նորաստեղծ շրջանը հայկական էթնիկական կազմով էր, շրջանի ղեկավարությունն էլ հանձնեցին հայերին: Շրջանի կուլտրջկոմի առաջին երկու առաջին քարտուղարն էին հայեր Ջավադովը, ապա՝ Վանունցը: 40-ական թվականների վերջերից մեթոդիկ հետևողականությամբ շրջան են ներմուծում ադրբեջանական տարր՝ Մուղանի դաշտավայրում քոչվորական կենցաղով ապրող ազգակիցներին ընտելացնելով նստակեցության առավելություններին: Դրան ուղեկցում է շրջանի ղեկավարության էթնիկական պատկանելության փոփոխությունը: Երրորդ առաջին քարտուղարն արդեն թուրք Օրուջովն էր, երկրորդ քարտուղարը՝ հայ Հարությունովը, իսկ վերջերում հայերին բաժին էր մնացել շրջկոմի ընդամենը երկու երկրորդական իրահանգչի հաստիք: Ավելորդ է ասել, որ շրջանի աշխատանքների պատկառելի մասը, առանձնապես բերքահավաքը, կոռի ձևով դրված էր Ղարաբաղի աշխատավորության, ինչպես նաև ուսանողության ու աշակերտության ուսերին:

Ինչքան բազմամարդ էին դարձնում ադրբեջանական տարրը շրջանում, այնքան էլ ադրբեջանական իշխանություններն ուժեղացնում էին ճնշումները հայերի նկատմամբ: Արդյունքը... Դանդաղ, բայց աննահանջ հետևողականությամբ ադրբեջանցիները ներթափանցում են բոլոր տեղերը, դառնում դրության տերեր: Սովխոզներից մեկը՝ Նորագյու-

ղը, որի միջնակարգ դպրոցն ուներ 700 և ավելի հայ աշակերտներ, որը պատերազմի ժամանակ տվել էր 146 զոհ, 80—ական թվականների կեսերին դարձել էր խառը բնակավայր՝ թուրքերի մեծամասնությամբ: Նույն ճակատագիրն են բաժանել նաև մյուս սովխոզները:

Ինչպես ամենուր, այստեղ ևս թուրքական ներթափանցմանը հաջորդեց յուրացումն այն ամենի, ինչ ստեղծել էին ուրիշները: Բանը հասավ այնտեղ, որ պատերազմի զոհերի հիշատակին կանգնեցված հուշարձանի վրայից ջնջեցին հայերի ազգանունները՝ տեղը գրելով թուրքերի չեղյալ ազգանուններ:

Երբ զորքաչուկյան վարչակարգն իրականացրեց սուվալիթյան ոճրագործությունը, Սուվալիթի հայությանը դեռևս չբռնագաղթեցրած, աղբրեջանական իշխանությունները այդ ակտը իրականացրին ժղանովի շրջանում: Այն օրերի գործելակերպի ոճով թուրքական խառնամբուխը մտցրեցին բնակավայրերը՝ հայերին կոտորելու սպառնալիքով, իսկ իշխանության ներկայացուցիչները համոզեցեցին փրկարարի դերով և հարկադրեցին հայերին՝ գլուխներն ազատել ու փախչել սեփական բնակավայրերից: Վերջին ընտանիքը 90 տարեկան մի պառավ էր՝ իր երեք աղջիկներով, որոնցից երկուսը՝ հաշմանդամ և ի վիճակի չէին փախչելու: Թուրք խուժանը ծաղրածանակով նրանց «լցրեց» ինքնաթափ մեքենա, բերեց Հայաստանի սահմանագլխին «թափեց»:

Ահա այս ակտից է սկսվել Արցախական աշխարհի հայության վերջին բռնագաղթը, որը հետագայում տարածվեց Հարդախվից մինչև Գետաշեն, Բերդաձորից մինչև Հաղրուբի շրջան:

Ահա այսպես են 70 տարում քայլ առ քայլ ստեղծել Աղբրեջան՝ բռնագավթելով երկրամասի հինգ հիմնական ժողովուրդների հայրենիքը, նյութական և հոգևոր ժառանգությունը: Ժղանովի շրջանի պատմությունը ցուցադրում է երեկ թուրքմեն, թուրք, թաթար, նորից թուրք, այսօր ութ միլիոնանոց աղբրեջանցի կոչվող ժողովրդի «սրբազան հայրենիքի» ձևավորման մեխանիզմը:

Այնուամենայնիվ. ամենից հետևողական, դաժան ու տևական խտրականությունն ու հալածանքը մարզի բնակչությանը բաժին հասավ: Քանի դեռ գործում էր Անդրֆեդերացիան, մարզի տնտեսական ու հոգևոր զարգացման համար ինչ-ինչ հնարավորություններ էին ստեղծվում: Անդրֆեդերացիայի լուծարումից հետո (1936 թ.) աղբրեջանական մարտնչող շո-

վինիզմի, ազգային խտրականության, «հայ ժողովրդի քոջը» Աղբրեջանի ենթակայության տարածքներից կտրելու քաղաքականությունը հետևողականորեն ընդունեց այնպիսի սանձարձակ չափեր, որ գաղութատիրության 500—ամյա պատմության մեջ արձանագրեց աննախադեպ իրողություններ: Կրավարարվեց սակավաթիվ փաստերով միայն:

Ինչպես ասվեց, Անդրֆեդերացիայի հովանավորությամբ կառուցվող «Թարթառեկի» խափանմամբ կառուցվեց Մինգեչաուրը, ժղանովի շրջանը պոկվեց մարզի ենթակայությունից: Համաձայն 1939 թ. մարդահամարի՝ մարզն ուներ 125 հազար բնակիչ, որից 45 հազարը տարան պատերազմ՝ տնտեսությունը թողնելով ծերունիների, կանանց ու երեխաների հույսին: 10 տարեկանից բարձր ողջ բնակչությունն աշխատում էր հատուկ ռեժիմով: Այդ տարիներին սովորող աշակերտությունը չգիտեր՝ ինչ է ֆիզկուլտուրայի, երգի, գծագրության դաս, այդ ժամերի հաշվին էլ պետք է լիներ դաշտում՝ ուսուցչի գլխավորությամբ: Բերքը դաշտից էին հանձնում պետությանը, և հաց արտադրող դարաբաղցին տան ունեցած—չունեցածը, ընդհուպ մինչև տան ծածկի թիթեղը կիսաքոչվոր հարևանների հետ հացահատիկով փոխարինելու գնով փրկվեց մասսայական սովամահությունից, չնայած շատ—շատերը սովից մահացան:

Պատերազմը վերջացավ հաղթանակով. «Մեր սուրը փառքով դրեցինք պատյան»: Բայց բանաստեղծի բանածևած այդ փառքից բաժին չհասավ դարաբաղցուն: Դեռևս պատերազմի վերքերը չբուժած՝ 1949 թ. վերադասի մի կարգադրությամբ գյուղացիական Ղարաբաղի աշխատավորությունը զրկվեց չորքոտանի պահելու իրավունքից: Ամեն ինչ պետք է կենտրոնամար կոլտնտեսային ֆերմաներում, որպեսզի եկամուտն անմնացորդ հանձնվեր պետությանը: Մի տարի հետո բրդամթերման արտապլանային պարտավորությունը կատարելու նշանաբանով, միլիցիայի մասնակցությամբ, հատուկ հանձնաժողովներ կազմած քանդեցին ժողովրդի վերմակ—ներքնակները, տարան 200 տոննա բուրդ, որպեսզի... թափեն որպես անպետքություն: Ղարաբաղում մի բան էր թույլատրվում միայն՝ բարիքներ արտադրել՝ առանց դրանցից օգտվելու իրավունքի: Ահավասիկ: «Մարտակերտի խորհրդային տնտեսությունն ամեն տարի պետությանն էր հանձնում 20—25 հազար տոննա խաղող, 1200—1500 տ հացահատիկ, 1300 տ կաթ, 200—250 տ միս, 2000 տ բանջարեղեն, 20—25 տ բուրդ, 10 տ բոժոժ, 600 հազար ձու»¹: Սակայն տնտեսությունն իրավունք չունեց իր եկամուտներից հատկացում կատա-

¹ Ե. Մկրտչյան, Արցախյան գրառումներ, Երևան, 2001 էջ 104:

րել բնակավայրը ջրով ապահովելու համար: 1971 թ. Մարտակերտի շրջանը պետությանն է հանձնել 3000 տ միս, որից ընդամենը 6 տ է թույլատրվել վաճառել 46 հազար բնակիչ ունեցող շրջանում: Այսինքն՝ յուրաքանչյուր շնչին՝ 6,5 կգ միս այն դեպքում, երբ նույն տարին միութենական միջինը եղել է 38 կգ:

1949 թ. սկսեցին ջարդի տակ դնել նաև մարզի արդյունաբերությունը: «Փակեցին տեղական արդյունաբերության 18 արտելները (որտեղ աշխատում էր 1045 բանվոր), շինանյութերի 6 կոմբինատները (317 բանվոր), գյուղերում գործող 5 մետաքսակարժական ֆաբրիկաները (926 բանվոր), ... փակեցին պետական և կոլխոզային 6 էլեկտրակայանները, Ստեփանակերտի հայկական ուսուցչական ինստիտուտը, Հաղուրթի հայկական մանկավարժական տեխնիկումը: Ավերեցին Եվլայի-Ստեփանակերտ 116 կմ երկաթուղայնը երկաթուղին, կտրատեցին շուրջ 1200 հեկտարի չափ թեմու դարավոր այգիներ, լրիվ վերացման եզրին կանգնեցրեցին մեղվաբուծությունը, պտղատու այգեգործությունը: ... Իբրև «սոցիալիստական հզոր երկրին պատիվ չբերող ձեռնարկություններ», ավերեցին նույնիսկ կրի, կոմիսիոնի, փայտամշակման, ատաղձագործական, լուցկու, կտավատի յուղի արտադրության տեղամասերը»¹:

Այս բարբարոսական միջոցառումների հետևանքով 1949-1956 թթ. մարզից շուրջ 30 հազար հայ աշխատավորներ թողեցին տուն-տեղ ու դարձան պանդուխտ: Հետագայում այդ թիվը 75 հազարից անցավ: Բայց որ ամենից սանձարձակն է, Ադրբեջանի քարոզչական մեքենան Ղարաբաղի տնտեսական, առանձնապես արդյունաբերական զարգացման ցուցանիշները ներկայացնում էր աստղաբաշխական թվերով, հրապարակումից հրապարակում հասցնում մինչև 912 անգամ աճի, կեղծ ու պատիժ թվերով «ապացուցում», որ Ղարաբաղը միայն Ադրբեջանի հայրական հոգատարության շնորհիվ է «ծաղկել, ազգային արժանապատվություն ձեռք բերել, կենսամակարդակի ու հոգևոր կուլտուրայի չտեսնված բարձունքների հասել»²: Աշխարհով մեկ թմբկահարում են Ստեփանակերտում կառուցվելիք գործարանների մասին, բայց պարզվում է, որ մարզի կապիտալ ներդրումների հաշվին ու հայ շինարարների ձեռքով այդ գործարանները կառուցվում են մարզից դուրս՝ միկրոշարժիչները՝ Աղդամում ու Լենքորանում, ավտովերամորոզման գործարանը՝ Բաքվում, գյուղմեքենաշինականը՝ Գանձակում:

Տնտեսական, քաղաքական, մշակութային տեռորին ու ավերածություններին զուգահեռ, իշխանությունները գործողության մեջ էին պահում միանգամայն անմեղ մարդկանց թուրքամեթող ոչնչացնելու պրակտիկան՝ բնակչությանը սարսափի մեջ պահելու քաղաքական նկատառումով: Դարձյալ որոշ փաստեր: Գյուղացին գիշերավար է կատարում կոլտնտեսային դաշտում: Առավոտը հերթափոխը գնում է տեսնում սպանված: Երեք հայ շինարարներ հասնում են Իմիշլի շրջկենտրոն՝ վաստակի: Երեքին էլ կապում են երկաթյա մահճակալին, միացնում էլեկտրական հոսանքը, սպանում՝ գրպանելով նրանց վաստակը: Բանակից տուն վերադարձող երեք զինվոր հասնում են Եվլայի կայարան: Երկուսին սպանում են, մեկը հրաշքով փրկվում է փախուստով: 15 տարեկան աղջկան օրը ցերեկով փախցնում են Ստեփանակերտից, 6 հոգով հերթով բռնաբարում, թուրքավարի այլանդակում դիակը, բերում գցում պատերազմի զոհերի հուշարձանի տարածքը: Եվ խմբով կատարվող նման վայրենի բարբարոսությունների համար ոչ մի հետաքննություն, դատ ու դատաստան:

Վերջապես նման բարբարոսության մի դեպք իշխանությունները անհետևանք թողնել չեն կարողանում: Տոհմիկ բանդիտ, կուսանդամ և դպրոցի տնօրեն Արշաղը, որը տասնամյակներ շարունակ լրացնում էր բանդիտ հոր գործը, որի արյունարբու գործերը տասնյակներով են հաշվվում, բռնվում է հերթական ոճրագործության ժամանակ: Մարդկային դեմքից զուրկ այդ ճիվաղը 9 տարեկան երեխային ուղղակի հոշոտում է: Սպանելուց առաջ իր հանցակիցներով բռնաբարում են, դեռ կենդանի մեխ ու սեպ խրում ականջները, ձեռքերը թիակներից անջատում, աղիքները ցրիվ տալիս, առնանդամը կտրում, բերանը դնում: Մի խոսքով, կատարում են այն ամենը, ինչ որևէ զազան, թուրքից բացի, չի կարող անել:

Ադրբեջանական իշխանությունները դատը շրջկենտրոնից տեղափոխում են մարզկենտրոն, դատական պրոցեսը վարում այնպիսի գրգռիչ լիտիությամբ, որ «պատիվ» կարող է բերել միայն փողոցի խուժաններին: Եվ երբ դատավճռից հետո էլ գլխավոր ոճրագործի կինը հպարտորեն հայտարարում է՝ «Մի վախեցեք, ոսկու գործությամբ Ձեզ փրկել են գնդակահարությունից, նույն ոսկու գործությամբ ամիսներ հետո ազատ եք արձակվելու», ափերից դուրս եկած ժողովուրդը դիմում է ինքնադատաստանի: Արդյունքում մեկ տասնյակի չափ հայեր են սպանվում նախաքննության ժամանակ, 20-ից ավելի հայեր դատապարտվում են գնդակահարության կամ տարբեր ժանկետներով բանտարկու-

¹ Շ. Սկրտչյան, Արցախյան գրառումներ, Երևան, էջ 29, 102:

² Проблема мира и социализма, 1977, № 6, стр. 12:

թյան, և դարձյալ շարունակվում են անմեղ հայերի սպանությունները: Իսկ ճիվաղ հանցագործի թաղումը կատարում են հանրապետության վարչապետի ու հոգևոր պետի մասնակցությամբ, գերեզմանին արձան կանգնեցնում:

Միջնադարյան վանդալիզմը գերազանցող այս իրականության դեմ է 70 տարի պայքարել Ղարաբաղի ազգաբնակչությունը:

Անդրերկրկոմի 1921 թ. հունիսի 5-ի տխրահռչակ որոշումից հետո Ադրբեջանի կոմունիստ ղեկավարները փորձեցին գյուղացիական համագումարների տեսքով դեմոկրատականության շապիկ հագցնել այդ խաղաղ բռնազավթմանը: Նման մի համագումար տեղի ունեցավ Մարտունու շրջանի Ճարտար գյուղում, ոչ անհայտ կոմունիստներ Ասաղ Կարակի և Լևոն Միրզոյանի գլխավորությամբ: Դա այն Ասաղ Կարակն է, որը գաղտնի գրություններով հրահանգավորում էր իր ցեղակիցներին՝ միջոցների մեջ խտրություն չդնել հայերի «քոքը» կտրելու գործում: Համագումարը վճռականորեն դրսևորեց իր կամքը՝ «Ամեն մարդու համար հարազատ է իր տունը, իսկ մեր տունը Հայաստանն է» ձևակերպումով և մերժեց Ադրբեջանի կազմի մեջ մտնելու պահանջը: Հրապարակայնորեն անհաջողության մատնվելուց հետո հարկադրում են համագումարի քարտուղարներ Արամ Բաղդասարյանին (Սոս գյուղից) և Սամվել Գրիգորյանին (Գիշի գյուղից), որ գրեն տրամագծորեն հակառակ որոշում: Երբ վերջինները հրաժարվում են՝ պատճառաբանելով, որ ժողովրդի վստահությունը ոտնահարել չեն կարող, ձերբակալվում են, տարվում Շուշի, ապա՝ Բաքու: Սամվել Գրիգորյանը հաշվեհարդարից փրկվում է պատահաբար. խարկովի գյուղից ստիպուտաբար սովորելու տարիներից նախածանոթ չեկիստը ազատում է նրան՝ պատվիրելով մի տևական ժամանակ Ղարաբաղում չերևալ:

Ահա այս կետից սկսած՝ Ղարաբաղցին 70 տարի շարունակ չի հավակերպվել իր համար ստեղծված դժոխային պայմաններին, անընդհատ բողոքել է, պահանջել, ամեն 4-5 տարին մեկ իր լավագույն գավակներին զոհասեղան բարձրաճել՝ գործողության մեջ դնելով միայն մի զենք՝ Լենին-Ստալինի գրածները ազգային հարցի մասին՝ դիմացը լեռնացնելով ադրբեջանական մարտնչող շովինիզմի ու ռասայական խտրականության արդյունքները: Կրեմլի արխիվները պայթում են այդ կարգի բողոքագրերից:

Պարզ է, որ Ղարաբաղցին չէր կարող անտարբեր մնալ գորբաչովյան պերեստրոյկայի և գլխատնոստի նկատմամբ և միամիտ հավատով հրապարակ դուրս եկավ՝ «Լենին, պարտիա, Գորբաչով» կարգախոսը դրոշակ դարձրած, սովետական ողջ ժողովրդի հետ միասին չպատկերացնելով, թե այդ «պերեստրոյկան» դեպի ուր է տանում երկիրը:

Բայց այստեղ պետք է մի հարկադրական կանգառ կատարել, որովհետև Ղարաբաղյան հակամարտությունը, անկախ Ղարաբաղցիների և ընդհանրապես հայ ժողովրդի ցանկություններից, վաղուց արդեն պլանավորվել էր մեզ համար անմատչելի ուղորտներում: Ղարաբաղյան հակամարտության տասնվեցամյա հետազոծող ցույց է տալիս, որ եթե ողջ հայ ժողովուրդը նույնիսկ հավաքված լիներ մի բունկերում՝ աշխարհի իրադարձություններին չմասնակցելու վճռով, դարձյալ աշխարհը կլանել ձգտող հզոր ուժերը դուրս էին բերելու նրան, կանգնեցնելու շիկացած հակամարտությունների կենտրոնում: Մեզ այսօր մատչելի է այդ պլանի շորշոփները միայն, որը հայ ժողովրդի նկատմամբ հզոր տերությունների երեքհարյուրամյա քաղաքականության շարունակությունն է:

Դեռևս չկար Ղարաբաղյան որևէ շարժում, «ինտերնացիոնալ» Բաքվում անց է կացվում հայ գրականության ու մշակույթի «եղբայրական» տասնօրյակ: Եվ ահա կուսակցության բերան «Բակինսկի ռաբոչի» պաշտոնաթերթը երկու անգամ հրապարակում է Հայաստանի գերբը՝ Մասիսի նկարը գերբից հանած: Դրան հաջորդում է Ղարաբաղի հայ բնակչության որսորդական հրացանները հավաքելու հրահանգը: Մի քանի օր հետո երկու մարշալ, մեկ տասնյակից ավելի գեներալներ սված հայկական շարդախլու գյուղին հարկադրում են 500 հեկտար հողատարածք զիջել հարևան թուրքերին: Մերժվելուց հետո Շամխորի շրջկոմի քարտուղարը ռեգիմնի միլիցիայի ջոկատով մտնում է գյուղ: Արյունահեղությունից խուսափելու հույսով գյուղի կանայք են դուրս գալիս պատասխանելու և ընկնում վայրենի ջարդի տակ: Գորբաչովյան վարչակարգն իր հովանավորության տակ է վերցնում ջարդարարներին: Նույն օրերին Գորբաչովի օգնական Աղամբեկյանին հանձնարարվում է «Յունանիտե» թերթի միջոցով հայտարարել, թե վերակառուցումը լուծելու է նաև Ղարաբաղի ու Նախիջևանի հարցերը:

Վերակառուցման խաբկանքով մոլորված Ղարաբաղցին, արդարության վերականգնման ժամանակը եկած կարծելով, առաջին քայլերն է անում Կրեմլի տրամադրությունը շոշափելու ուղղությամբ: Մի ամսվա մեջ երեք պատվիրակություն է մեկնում Մոսկվա: Առաջինի կազմում էին տրակտորիստ, անասնապահ ու հողագործ, վերջինը «բարձր» մտավո-

րականությունն էր՝ ի դեմս «Ծիտիկ» երգող մանկագրի: Կրեմլի դռները, որ 70 տարի պարսպապատված էին հասարակ մահկանացուների առաջ, հանկարծ լայնորեն բացվեցին ղարաբաղյան պատվիրակների համար: Երկդիմի խոստումներով ու «կարմիր հույսերով» այնպես ոգևորեցին ժողովրդին, որ վերջինս դուրս եկավ հրապարակ:

Ղարաբաղյան շարժումն ու դրա արդյունքում մարզխորհրդի 1988 թ. փետրվարի 20-ի պատմական որոշումը երկնքից ընկած մանանայի դեր խաղաց Ադրբեջանի հայության դեմ վայրենի բռնությունների, լենկթեմուրյան ժամանակները վերադարձնող սանձարձակ ագրեսիա ծավալելու համար: Դեռևս մարզխորհրդի սեսիայի ամբիոնից Ադրբեջանի կուսկենտկոմի քարտուղարն սպառնաց ադրբեջանական հարյուրհազարանոց զաղտնի բանակով, որ մոխիր կդարձնի Ղարաբաղը (70 տարի հայերի դեմ գործել է այդ զաղտնի բանակը): Արդյունքի չհասնելով՝ նա իրեն նետեց Ադղան քաղաքը և կազմակերպեց աղղամցիների հայտնի արշավանքը Ղարաբաղի դեմ: Բայց քանի որ արշավողները իրենց դիմաց կանգնած ուժ տեսան, մեջտեղ հանեցին կնոջ լաջակը, և ընդհարում չեղավ: Չմայած դրան՝ Կատուսը հեռուստատեսությամբ հաղորդեց, թե ընդհարման ժամանակ երկու ադրբեջանցի է գոհվել:

Գորբաչովը էմիսարներ ուղարկեց Չայաստան ու Ադրբեջան: Չայաստանում Լուկինովը հանդիպեց Մասիսի շրջանի թուրքերի հոգևոր առաջնորդին և տվեց անհրաժեշտ հրահանգներ: Դեմիչևը, Ռազունովսկին, Կատուսը Ադրբեջանի ղեկավարության հետ ամեն ինչ նախապատրաստեցին, ընդհուպ մինչև Սումգայիթում հայ վարպետ բանվորների ձեռքով երկաթածողեր սրելը, և Գորբաչովի «անկանխատեսելի հետևանքներ» ազդարարող հրահանգով իրականացրին սումգայիթյան նախճիրը՝ Չայաստանից ու Ադրբեջանի զանազան շրջաններից, առանձնապես Ադղամից հավաքագրած ու հաշիշով հարբեցրած երիտասարդության ձեռքով: Չայը երկրում գործող օրենքների, սահմանադրությամբ տրված իրավունքների տրամաբանությամբ Ղարաբաղում արդարություն և իրավունք է պահանջում, 400 կմ հեռավորության վրա գտնվող Սումգայիթում արյունահեղություն են սարքում, որովհետև այնտեղ հայը գրկված է հավաքական ինքնապաշտպանության հնարավորությունից: Լկտի սուտ է Գորբաչովի հայտարարությունն այն մասին, թե իբր գորքերը ուշացել են 3 ժամով: Ձորքը կանգնած է եղել այնտեղ՝ պատրաստ անհրաժեշտության դեպքում միանալու ջարդարարներին, եթե հայերի կողմից դիմադրություն չլիներ: Գորբաչովն անսքող իր պաշտպանության տակ վերցրեց ջարդարարներին, դատական կոմեդի-

աներով նրանց դարձրեց ազգային հերոսներ՝ ադրբեջանական ժողովրդին տալով անպատժելիության երաշխիքներ: Բնութագրական է, որ Սումգայիթում թափված արյունը դեռ չչորացած՝ Մոսկվան 1988 թ. մայիսին Սումգայիթն ու Ադղամը հռչակեց որպես սոցիալիստական մրցության հաղթողներ երիտասարդության ինտերնացիոնալ դաստիարակության բնագավառում:

Իսկ սանձազերծված քարոզչական մեքենա՞ն, որը քաղաքական պոռնկության համաշխարհային պրակտիկայում արձանագրում է չգերազանցված ռեկորդներ: Սումգայիթի թուրքական բարաքների ցուցադրումով Մոսկվան արդարացրեց ոճրագործությունը: Լկտիությունը հասցրին այնտեղ, որ աշխարհով մեկ դատափետեցին Մելքունովներին այն բանի համար, որ հանդգնել էին դիմադրել սեփական բնակարանում իրենց կոտորող մարդակերներին:

Մարդկային երևակայությանն անզամ անհարիր ու քստմնելի ոճրագործության որևէ ձև եղե՞լ է, որ իշխողների լուռ թողստությամբ չիրականացնեին ազերթուրք ջարդարար ոհմակները. ծերանոցում ապաստանած խեղճերին բռնաբարել, երեխային էլեկտրասալիկի վրա վառել ծնողների աչքի առաջ, կենդանի մարդուն մաշկել, երիտասարդ հղի կանանց մերկացնել ու մտրակի հարվածների տակ պտտեցնել փողոցներով, ապա՝ զազանաբար սպանել, կանանց խմբովի բռնաբարելուց հետո կրակը նետել ու վառել, էլ որ մեկը թվես: Եվ այդ ամենը հակամարտությունը նախօրոք պլանավորած մարդակեր ուժերի հայացքի առաջ, հակամարտությունը հաղթական ավարտին հասցնելու վճռականությամբ: Այդպիսի վայրենի խրախճանքների ուղեկցությամբ հայաթափեցին Սումգայիթն ու Բաքուն, Մինգեչաուրն ու Գանձակը, Ղազախն ու Թովուզը, Շաքին ու Շամախին, նրանց շրջակայքի հայկական բնակավայրերը՝ երեկվա հայ հայրենիքի այդ բաղադրամասերը վերջնականապես դարձնելով թուրքական, դրանց վրա կրկին անզամ դաջելով Ադրբեջան կեղծանունը:

Երբ հերթը հասավ մարզի կազմից դուրս թողնված արցախյան շրջաններին, այստեղ արդեն առանց պետական զորքերի օգնության արդյունքի հասնել չէին կարող: Եվ Գորբաչովը պետական զորքերով ու «Կոլցո» օպերացիաներով թուրքերի համար բռնազավթեց այդ շրջանները նա: Ջուզահեռաբար գորբաչովյան վարչակարգը վերացրեց սովետական իշխանությունը մարզում, մտցրեց օկուպացիոն իշխանություն և պարետային ժամ՝ գործադրելով ընդհուպ մինչև մարդորսություն: Սաֆոնովյան բանդիտները որսում էին անմեղ հայերին ու վաճառում թուր-

քերին: Պարետային ժամը խախտելու մեղադրանքով պարետատուն էին քարշ տալիս տան բակը դուրս եկած քաղաքացուն, որպես օրինախախտ ի ցույց դնում ողջ երկրով մեկ, իսկ մի քանի կիլոմետր հեռվում, հզոր լուսարձակների տակ, գիշերներն անգամ շենքեր կառուցում, որպեսզի Միջին Ասիայից բռնագաղթեցված մեսխեթ թուրքերով շրջափակման օղակ ստեղծեն Ստեփանակերտ մարզկենտրոնի շուրջը: Արդեն պետական զորքերով հայաթափել էին նաև մարզի երկու տասնյակից ավել գյուղեր ևս, երբ վրա հասավ գորբաշուկյան վարչակարգի կրախը: Վերջին պահին անգամ պետական զորքերը գյուղական ներկայացումների մակարդակով «գինաթափվեցին» աղբբեջանական օճոնի կողմից: Սադիզմի ու վայրենի բռնկումների քառամյա այս ժամանակահատվածում Հայաստանում, թե Աղբբեջանում հայ ժողովրդի կողմից համարժեք գործողության որևէ փաստ չի արձանագրվել: Գիշտ է, Հայաստանի թուրքերին էլ տարան Աղբբեջան, բայց դա կշեռքի թաթերը հավասարակշռելու քաղաքական ակտ էր միայն: Մի կողմից գալիս էին ջարդված ու արյունվա, շատ դեպքերում միայն տնային հագուստներով՝ կորցրած տուն—տեղ, ունեցվածք, մյուս կողմից տանում էին շարժական ամբողջ ունեցվածքը՝ ընդհուպ մինչև հավերի ջրամանը՝ բարձած զինվորական մեքենաներին:

Եվ ո՞վ գարմանք, ո՞վ մարդիկ ու ժամանակներ, այդ ամենը «արդարության և իրավունքի պաշտպան» հզորները ընդունեցին և ընդունում են որպես բնական ու օրինաչափ երևույթ, որևէ մեկը դուրս չեկավ՝ ասելու, թե այդ ինչ եք անում: Հետաքրքիր է, ուրիշ էլ ինչպե՞ս է լինում ցեղասպանությունն ու բռնագավթումը: Թե՞ Բաքվից սպասվելիք նավթի հոսից մթագնվել էր աշխարհը կլանել ձգտող հզոր ուժերի միտքը:

Փոխարենն այդ ուժերը ինչպե՞ս էին քարեքար զցում մեզ, հետևողականորեն աղ լցնում մեր ազգային վերքերին, ինչպիսի՞ համաշխարհային աղմուկ էին սարքել Ղարաբաղյան շարժման պաշտպանությամբ, ինչպե՞ս էին Ղարաբաղյան շարժման ալիքին վերագրում Բեռլինի պատի փլուզումը, ինչպե՞ս էին իրենց երկրների պատվավոր քաղաքացիներ դարձնում շարժման մեջ ամուսն հանածներին (իրակա՞նում իրենց գործակալներին), ինչե՞ր էին խոստանում, ընդհուպ մինչև Եվրոպոլիս, այն էլ, ոչ ավել, ոչ պակաս, Նախիջևանի սահմանագլխին: Բայց ոչ մի խոսք Աղբբեջանի ողջ տարածքով մեկ սփռված Հայոց Գողգոթայի մասին, ոչ մի խոսք անշեղորեն իրականացվող ցեղասպանության դեմ:

Իսկ երբ մեզ համար նախասահմանված դերն արդեն կատարել էինք, երբ արդեն փաստ էր դարձել ԽՍՀՄ փլուզումը, երբ սեփական գոյության իրավունքը պաշտպանելու բոլոր քաղաքակիրթ միջոցներն սպառած դարաբաղցին իրեն պարտադրված պատերազմի ժամանակ ստիպված եղավ զենք վերցնել և ոչ միայն կարողացավ չվաստակած հաղթանակներով կլտիացած հակառակորդի հաղթարշավը կանգնեցնել, այլև որոշ փշրանքներ էլ ետ քերեց նախկինում իրենից բռնագավթվածներից, նույն այդ «իրավունքի, արդարության պաշտպան» արևմտյան «բարեկամները» պոչների վրա կանգնեցին, Ղարաբաղի ամեն մի հաջողություն որակեցին ագրեսիա և ՄԱԿ—ի Անվտանգության խորհրդի որոշումներով սպառնալիքներ տեղացին նրա գլխին: Արդեն 10 տարի է, որ պոչները չեն հանում Ղարաբաղի լեռների ճեղքերից, զենք են դարձրել Շուշին՝ անգիտանալով, որ հայերից էլ խլել են Բաքու և Շամախի, Շաքի ու Գանձակ, և այսօր էլ զինում են Աղբբեջանին՝ նոր պատերազմ սանձազերծելու հեռանկարով, որովհետև իբր թե «չեն կարողանում» հիմնահարցի «հարմար» լուծում գտնել:

Իրականում աշխարհը կլանել ձգտող հզոր ուժերը «տարածքային ամբողջականության և ինքնորոշման իրավունքի» գաղափարները շղթայել են իրար ու ձգձգում են՝ ճշտելու համար, թե յուրաքանչյուր կոնկրետ դեպքում որի նժարին կանգնելով ավելի մեծ օգուտ կստանան իրենք: Նրանց բնավ էլ չի հետաքրքրում հակամարտող կողմերի ճակատագիրը: Մենք չենք հավատում, թե այդ ուժերի դերակատարները չեն կարողանում գտնել իրար փոխադարձաբար ժխտող այդ սկզբունքների ջրբաժան կետը: Մինչդեռ տարածքային ամբողջականություն ասելով հասկացվում է, ասենք, Չեխիա՝ իր տարածքով և ոչ թե Չեխոսլովակիա՝ մահացնող շղթայով իրար միացրած երկու կամ ավելի ժողովուրդներ: Ղարաբաղյան հիմնահարցի լուծման նախօրինակը Չեխոսլովակիան է: Այդ ելակետից պետք է մոտենալ նաև Աբխազիային ու Հարավային Օսեթիային, իսկ Կոսովոյի ու Մերձդնեստրի հարցում հարգել տերիտորիալ ամբողջականությունը՝ այդտեղ ապրող ժողովուրդներին տալով լայն ինքնավարություն: Առաջին դեպքում սեփական հարեմիքում ինքնագուլիս ապրելու իրավունքն է լուծվում, երկրորդ դեպքում՝ հյուրընկալվու երկրում ինքնավար ապրելու իրավունքը:

ՀԱԿԱՍԱՐՏՈՒԹՅԱՆ ՓՈԽՁԻՋՈՒՄԱՅԻՆ ԼՈՒԾՄԱՆ ՏՐԱՄԱԲԱՆՈՒԹՅՈՒՆԸ

Ղարաբաղա-ադրբեջանական ներկա հակամարտության նախապատրաստողները և այն երկու ժողովուրդների համար արյունահեղ պատերազմի վերածողները այն գլխից Գորբաչովի բերանով բանաձևել են, թե հաղթողներ ու պարտվողներ չպետք է լինեն: Դա ինքնին ենթադրում է մի լուծում, որը բացառում է պատմության հազարամյակների փորձը, երբ հաղթող կողմը պարտադրում էր իր պայմանները, իսկ պարտվողը հարկադրաբար ընդունում էր այն: Բայց քանի որ առկա է հիմնահարցը և այն էլ՝ վերածված արյունահեղ պատերազմի, անխուսափելիորեն պետք է ունենա և իր լուծումը, ինչքան էլ այն հավասարապես չբավարարի հակամարտող կողմերից որևէ մեկին: Դա կարող է լինել և պետք է լինի մի լուծում, որը բխում է կոնֆլիկտի բուն էությունից, կոնֆլիկտ, որը բովանդակավորվել է շուրջ 300-ամյա մի ժամանակահատվածում և այսօր հասել իր գերլարված հանգուցալուծմանը: Դա կարող է և պետք է լինի մի լուծում, որը կիրառելի է միայն ղարաբաղյան հիմնահարցի համար, ինչքան էլ այդ հիմնահարցը նմանության եզրեր ունի աշխարհի այլ տարածքներում առկա նման հակամարտությունների հետ:

Այստեղ ամբողջ հասակով կանգնում է այն իրողությունը, որ պատմության մեջ չի եղել և հնարավոր էլ չէ, որ լինի որևէ գաղափար, կնճռոտ հարցերի լուծման որևէ դեղատոմս, որ կիրառելի լինի ամենուր: Ապացույցը կրոնական տարբեր ուսմունքներն ու միևնույն կրոնի շրջանակներում առկա և մեկը մյուսին ժխտող հոսանքներն են, սոցիալական բազմաթիվ ու բազմաբնույթ ուսմունքները, ապացույցը կրախի մատնված մարքսիզմ-լենինիզմն է, նրան փոխարինելու եկած «նոր աշխարհակարգ» կառուցելու մասին ամերիկյան ժամանակակից կարգախոսները, որոնք ամեն քայլափոխի հակասել ու հակասում են իրենք իրենց՝ պայմանավորված այն հանգամանքով, թե տվյալ գաղափարի կրող հզոր ժողովրդի ծավալապաշտական շահը տվյալ պահին ինչ է ուզում պարտադրել աշխարհին:

Գոր է՝ կարող է: Ահա միակ իրավունքը, որ ամեն անգամ ներկվում է մի որևէ նոր գույնով: Իրականում հրապարակ նետված «նոր աշխարհակարգի» մասին ամպագոռգոռ կարգախոսները աստառը շուտ տված լենինիզմն է, որը կոչված է քողարկելու համաշխարհային տիրապետու-

թյան ձգտող ամերիկյան նկրտումները: Վերջին հաշվով ո՞րն է բուլշևիզմի և ԱՄՆ-ի առաջ քաշած «նոր աշխարհակարգի» տարբերությունը: Բուլշևիկները սկիզբներով էին իրականացնում իրենց գաղափարները՝ լաթի կտորի վրա ժողովուրդներին դեմ անելով ապագա երջանկության խոստումներ, իսկ «նոր աշխարհակարգի» ասպետները ոչնչացնող զրահատեխնիկայի հետևից քարշ են տալիս սննդամթերքի ու դեղորայքի բեռներ՝ տեղնուտեղը թմբեցնելու համար դիմադրող ուժերին:

Կրախի մատնվեց մարքսիզմ-լենինիզմը, վաղը նույն ճակատագիրը սպասում է ԱՄՆ-ից «ճառագող արևին», որքան էլ ԱՄՆ-ն իր հզորությամբ միջազգային ժանդարմի դեր կատարի երկրագնդի ցանկացած անկյունում: Պատմության հազարամյակների փորձը ցույց է տվել, որ հնարավոր չէ աշխարհին հազցնել «մի համընդհանուր կախարդիչ հանդերձ»: Հետևապես այն մոտեցումները, որ այսօր կիրառելի են Ամերիկայի կամ Եվրոպայի համար, քննություն չեն բռնում Ասիայում կամ Աֆրիկայում: Եվ այն անտեսումն ու արհամարհանքը, որ այսօր ցուցաբերում են պատմության նկատմամբ, փոխարենը բացարձակացնում առկա պետական սահմանների անձեռնմխելիությունը, որ, կիրառելի լինելով Արևմտյան Եվրոպայի և Ամերիկայի համար, չպետք է տարածվեն բոլոր այն ժողովուրդների վրա, որոնք թոթափում են գաղութատիրության լուծը՝ ստեղծելով կամ վերականգնելով իրենց հայրենիք-պետությունը: Այս դեպքում պետք է հաշվի առնել ամեն ինչ՝ և՛ պատմությունը, և՛ ժամանակակից ռեալ իրավիճակը, և՛ հարևան ու հակամարտող կողմերի փոխադարձ հարաբերությունների ու միմյանց նկատմամբ մշակված վարվելակերպի դարավոր նստվածքները: Պետք է հաշվի առնել ճնշված ու գաղութացված ժողովուրդների ազգային-ազատագրական պայքարի մասին ստեղծված միջազգային իրավական նորմերը, որոնք շատ ավելի առաջնային են, քան «բաժանիր, որ տիրես» կայսերապետական ելակետով կամայականորեն գծված ինչ-որ սահմաններ:

Երբ այս ելակետից մոտենում ենք «Ադրբեջանի Հանրապետությանը», տեսնում ենք, որ գործ ունենք անուսից սկսած կեղծ, հակապատմական ու հակաօրինական մի պետական կառուցվածքի հետ, ուր իսպառ անտեսվել է ու ոտնահարվել մի շարք ժողովուրդների ազգային շահեր, ժողովուրդներ, որոնք իրենց հազարամյակների հայրենիքում դարձել են ոչ վաղ անցյալում երկրատարածք թափանցած և դեռևս քոչվորական կյանքը չմոռացած եկվորների ազդեցիվ քաղաքականության զոհեր:

Ստալինի հանձնարարությամբ և իրեաների ձեռքով այդ եկամուտ ժողովրդի համար թխվեց հազարամյակների խորքը թափանցող մի

պատմություն, որում ամեն ինչ կա, բացի այդ ժողովրդի պատմությունից: Իրականում աղբբեջանցի կոչվող ժողովրդի պատմությունը Արևելյան Անդրկովկասում սկսվում է Նադիր Շահի օրերից: Բոլոր վերագրումներն այդ թիված պատմության մեջ հօսք են ցնդում, երբ մոտենում ենք պատմական իրողություններին, երբ առնչվում ենք սկզբնաղբբյուրներին:

Նորաթուխ Աղբբեջանի շովինիստական կառավարությունը անարգել իրենցը հռչակեց մահմեդական այն ամբողջ քաղաքակրթությունը, որ այդ տարածքում ստեղծել էին պարսիկներն ու տեղաբնիկ ժողովուրդները, այդ ժողովուրդներին կրոնական հիմքի վրա արդեն ձուլված էին համարում և հետևողականորեն, մարդահամարից մարդահամար, քայլ առ քայլ փոքրացնում էին նրանց թվաքանակը՝ ընդհուպ մինչև ուրանալով որոշ ժողովուրդների գոյության փաստն անգամ: Նրանց կոկորդում մնացած ոսկորը հայերն էին, որոնց հարցը ևս պետք է լուծեին և «լուծում» էին՝ փորձելով սեփականել անգամ հայոց խաչքարերը: Չնայած այդ համառ ու հետևողական ջանքերին՝ այսօր Աղբբեջանի Յանրապետություն կոչվածը դեռևս մնում է մի երկրատարածք, որը դարերի հոլովությով ձևավորվել է որպես ընդհանուր տուն ինչպես տեղաբնիկ, այնպես էլ եկվոր ժողովուրդների համար: Եվ այնտեղ ծագող ազգային-ազատագրական շարժումներին ինչ-որ լուծում տալու համար պետք է ելակետ ունենալ ընդհանուր տան գաղափարը, որը հավասարապես պատկանում է տան բոլոր անդամներին, և այդ ընդհանուր տնից իրենց անկողոպտելի բաժինն ունեն ինչպես աղբբեջանցիները, այնպես էլ լեզգիներն ու թալիշները, թաթերն ու հայերը, մյուսները: Ահա թե ինչու դարաբաղյան արյունոտ կնճիռը պետք է լուծվի ընդհանուր տան բաժանման հիմքի վրա՝ անպայմանորեն հաշվի առնելով նաև այն հանգամանքը, որ 300 տարի դանդաղ գործողությամբ ցեղասպանություն է կիրառվել հայերի նկատմամբ և դրա համար, միջազգային առկա օրենքների համաձայն, հայերը պետք է հատուցում ստանան՝ սկսած Բաքվի նավթի իրենց մասնաբաժնից:

Արդեն տասնամյա իրողություն է, որ Ղարաբաղը հիմնովին լուծել է իր հիմնահարցը՝ անհավասար ու անձնագոհ պայքարում նվաճելով իր ազատությունն ու անկախությունը և վերակերտում է սեփական անկախ պետականությունը: Անկախ Ղարաբաղի պետականությունն արդեն հասել է ինքնահաստատման այնպիսի հանգրվանի, որ այլևս չի կարելի նրա գլխին սարքել Բեռլինի վեհաժողով, Սևր ու Լոզան, Բրեստ ու Ղարս...

Բայց քանի որ այդ ամենն իրականացել է պատերազմի արդյունքում, իսկ բոլոր պատերազմները վերջանում են հաշտությամբ,

հետևապես հաշտությունն էլ պետք է ձեռք բերվի փոխզիջումների ճանապարհով: Փոխզիջումների հարցում պետք է ելակետ ունենալ երկու անշրջանցելի իրողություն:

1. Աղբբեջան կեղծամուծով Արևելյան Անդրկովկասի համապատասխան տարածքները հայ ժողովրդի բնական հայրենիքն է նախապատմական ժամանակներից: Չազարամյակներ շարունակ ինչպիսի բռնազավթումների էլ ենթարկվել է այն, սկսած Ալեքսանդր Մակեդոնացուց, մինչև 18-րդ դարի սկիզբը, էթնիկապես մնացել է հայ ժողովրդի հայրենիք՝ պահպանելով 87 % հայ ազգաբնակչություն:

2. 18-րդ դարի 20-ական թվականներից ծավալված հայերի ազգային-ազատագրական պայքարը պատճառ է դարձել հայերի 300-ամյա շարունակվող ցեղասպանության: Երկրատարածքով շահագրգիռ հզոր պետությունները, իրենց քաղաքական շահախնդրություններից ելնելով, տևական հետևողականությամբ երկրատարածք են բերել թուրքախոս քոչվորական ցեղեր՝ նրանց վայրենի ուժը գործադրելու հայերի ազատագրական ձգտումները ճզմված պահելու համար:

Չնայած այդ հետևողական, հայերի համար ողբերգական քաղաքականությանը՝ Արևելյան Անդրկովկասը մինչև 1988 թ. հայրենիք էր մնացել նաև հայերի համար՝ սկսած Կովկասյան լեռների փեշերից մինչև Արաքս, Բաքվից մինչև Ղազախ, այս դեպքում արդեն որպես ընդհանուր հայրենիք՝ թուրքական տարրի թվական գերակշռությամբ: Միայն գործաչովյան վարչակարգի իրահրած հակամարտության արդյունքում էր, որ նույն գործաչովյան գորբերի ակտիվ դերակատարմամբ ու «Կուլցո» օպերացիաներով հայ ժողովուրդը զրկվեց հազարամյակների իր հայրենական տարածքներից՝ կարողանալով փրկել միայն մի փոքրիկ բեկոր: Ի դեպ, Պարսկաստանը Ռուսաստանին է հանձնել 14 հազար քառակուսի կմ տարածք ունեցող մի Ղարաբաղ, որը բուլշևիկները դարձրին 4,4 հազար:

Յետևապես, փոխադարձ զիջումների սեղանին հարցը պետք է դնել հետևյալ ձևով.

Անդրկովկասով շահագրգիռ տերությունների երեքհարյուրամյա հակամարտության արդյունքում հայ հայրենիքի հաշվին աղբբեջանցիների համար նոր հայրենիք է ստեղծվել: Երբ ազերթուրքերը դեռևս ոչխար էին արածեցնում, հայերը իրենց երեքհազարամյա հնությունից վերածնված Բաքուն հարյուրերեսնամյա մի ժամանակահատվածում դարձրին համաշխարհային հնչեղության քաղաք, որը մնում է նրանց: Դրան հակակշիռ, կշեռքի մյուս նժարին է դրվում Լեռնային Ղարաբաղի Յանրապետությունը իր ներկա դրությամբ, և Բաքուն ճանաչում է նրա անկախությունը:

երկրամասի մյուս տարածքներից ԼՂՀ-ի նժարին են դրվում այն շրջանները միայն, որոնք վերջին երեքհարյուրամյակում թուրքերը զենքով նվաճել չեն կարողացել, և բռնագավթվել են միայն գորբաչոյյան գործերի դեռակատարմամբ: Խոսքը օսմանյան թուրքերին է վերաբերում, որոնք և՛ 1724, և՛ 1918 թթ. չկարողացան նվաճել այդ շրջանները:

Ղարաբաղն անկախ Ադրբեջանի մաս չի կազմել ո՛չ 1918-20 թթ. և ո՛չ էլ 1991 թ. հետո: Այն բուլշևիկյան ռազմակալմամբ է միայն բռնակցվել Ադրբեջանին: Ադրբեջանը հրաժարվել է խորհրդային կարգերի իրավահաջորդը լինելուց և Ղարաբաղի հետ միաժամանակ, իրար զուգահեռ հռչակել են իրենց անկախությունը:

Պատմաքաղաքական 300-ամյա վայրիվերումների տրամաբանությունը թելադրում է փոխգիջման հետևյալ տարբերակը.

Գորբաչոյյան վարչակարգի կազմակերպած ցեղասպանությունը վերջնականապես լուծել է հայության հայրենիքի նախկին 4 մարզերի՝ Բաքվի, Շամախու, Շաքիի ու Գանձակի հարցը հոգուտ ազերթուրքերի:

Դիմակայելով ազրեսիային, չհաշտվելով ոչնչացման մտքի հետ՝ Ղարաբաղը ոչ միայն հաստատեց իր գոյության իրավունքը, այլև իրենից բռնագավթվածներից որոշ մաս էլ ետ վերցրեց՝ չնայած նրա հիմնավուրց մայրաքաղաք Պարտավը մնաց գերության մեջ:

Հաշվի առնելով այն հանգամանքը, որ թուրք-բուլշևիկյան կամայականությամբ է երկատվել միասնական Լեռնային Ղարաբաղը, որ 1988-1991 թթ. հակամարտության ժամանակ մի շարք շրջաններ բռնագավթվեցին խորհրդային պետական զորքերի «Կոլցո» օպերացիայով՝ իրականացնելով կրկնաշերտ ազրեսիա՝ ցեղասպանություն և ուրիշի տարածքը մի ուրիշին նվիրելու գործողություն, ԼՂՀ-ին են վերադարձվում նրա օրգանական մաս կազմող Շամխորի, Դաշքեսանի, Գետաշենի, Շահումյանի, ինչպես նաև նախկին ԼՂԻՄ-ի տարածքում հայերի հիմնած, բայց կամայականորեն մարզից պոկված ժղանովի շրջանները:

Որպես ՓՈՒՆԶԻՋՈՒՄ, Ղարաբաղը չի դառնում ո՛չ Ադրբեջանի, ո՛չ էլ Հայաստանի մաս: Ղարաբաղը հաստատել է ինքնուրույն պետություն լինելու իրավունքը, պատմության մեջ երբևէ անգամ վերականգնել կորցրած պետականությունը և այդ կարգավիճակով մտնում է անկախ պետությունների ընտանիքը:

Այդ են պահանջում արդարությունն ու իրավունքը:

Ո՞ՒՐ ԵՆՔ ԳՆՈՒՄ ԱՅՍ ԸՆԹԱՑՔՈՎ, ՊԱՐՈՆՆԵՐ

I

Ոչ լրիվ մի հարյուրամյակի ընթացքում մեր ժողովուրդն իր մեջ ուժ գտավ կատարելու երկու ամենախաղեպ ու մեծագույն սխրագործություն: Առաջինը հազարամյա կորստից հետո ազգային պետականության վերականգնումն էր: Թող որ երբեմնի ծովից ծով հայրենիքի մի գավառի կեսի տարածքով միայն, բայց պատմական մի այնպիսի ճակատագրական պահի, երբ միջազգային գիշատիչ ուժերը հայ ժողովրդի հարցն արդեն լուծված էին համարում՝ նրան վերջնականապես հայրենագրկելու ճանապարհով: Մի կողմ թողնելով անվերադարձ պատմություն դարձած, բայց նրանից դասեր քաղելու առումով կենսական այն հարցերը, թե ինչ ճակատագիր ունեցավ մեր ժողովրդի առաջին ամենախաղեպ սխրանքը, թե ինչ ծանրածանր կորուստներ ու անուրանալի նվաճումներ ունեցանք, արձանագրենք միայն, որ Ղարաբաղյան շարժման սկզբում ունեինք մի Հայաստան, որը արդյունաբերական զարգացման մակարդակով եվրոպական պետությունների ցանկում զբաղեցնում էր 8-րդ տեղը, 132 երկրի մատակարարում իր թողարկած արտադրանքը: Այդպիսի Հայաստան ժառանգեցինք փլուզվող ԽՍՀՄ-ից:

Երկրորդ մեծ սխրանքը Ղարաբաղյան շարժումն էր, որի ելման կետում հայ ժողովուրդը համազգային ընդգրկումով ապրեց իր աստեղային ժամը: Ոչ մի դարաշրջանում հայ ժողովուրդը չի ապրել համազգային միասնության ու միակամության այն գերագույն զգացումը, որ սկսվեց 1988 թ. փետրվարյան դեպքերով, մինչև այն պահը, երբ ձերբակալման ծխածածկույթով քողարկված, իրականում արտաքին ուժերի գործակալությունների հատուկ կենտրոնում վերապատրաստման դասընթացներ անցած, որպես քաղաքականապես հալածվածների այլ պետությունների պատվավոր քաղաքացիներ հռչակված ՀՀԸ-ական հանցախուժներ միամիտ ժողովրդի ուսերի վրայով բարձրացավ իշխանության գլուխ, և առաջին քայլն այն եղավ, որ սպանել տվեցին երկու պատգամավորի, որպեսզի հանցագործությունը շարդեն ՀԱԲ-ի գլխին՝ հիմք դնելով պետական տեռորի ու մարդասպանության քաղաքականությանը:

Համազգային այդ վերելքի, միակամության ու վճռականության շնորհիվ ու ինքնուրույն կերպով, որ ոչ միայն կարողացանք դիմագրավել գործաշուկայան հայակեր քաղաքականությանը, ոչ միայն կարողացանք դաս տալ չվաստակած հաղթանակներով կտիացած ազերթուրքական ազդեցություններին, այլև հաղթեցինք նաև իշխանությամբ օժտված ԶԴԸ-ական հանցախմբին, որը պատերազմի ողջ ընթացքում կանգնած է եղել պայքարի ազերթուրքական դիրքերում:

Բայց, դժբախտաբար, մենք հաղթեցինք միայն պատերազմի դաշտում: Մեզ պարտադրված պատերազմից, նույնչափ պարտադրված զինադադարից հետո ազգովի անգոր գտնվեցինք երկրի սոցիալ-տնտեսական, բարոյա-հոգեբանական փլուզման դեմն առնել: Այո, ազգովի անգոր գտնվեցինք աշխարհը կլանել ձգտող հզոր տերությունների քաղաքական խարդավանքների հանդիման և երեխայական միամտությամբ հանդուրժեցինք, որ դրածո ղեկավարները կործանեն մեր հզոր տնտեսությունը, երկիրը կանգնեցնեն անդունդի եզրին, հարյուրհազարավոր զանգվածների դարձնեն անհայրենիք թափառականներ:

Դժբախտաբար, պետական մտածողության հազարամյա կորուստը, պարտադրված 70-ամյա պատմաքաղաքական անգրագիտացումը (գումարած մեր ստրկամտության հասնող օտարամոլությունը) արտաքին ուժերի հետևողական, նպատակամղված դերակատարմամբ երկրում ստեղծեց քաղաքական մի վիճակ, որը հայրենիքի հետագա գոյատևման առումով շատ ավելի վտանգավոր է, քան մեզ պարտադրված պատերազմի օրերին արտաքին վտանգն էր: Քաղաքական կուսակցությունների պիտակով հանդես եկող 100-ից ավելի խմբավորումները, իշխանավոր, թե ընդդիմադիր, երկրի թալանով ուռճացած՝ տասնամյա հակազգային, հակաժողովրդական քաղաքականությամբ ու զգվտոցներով երկիրը կանգնեցրել են անդունդի եզրին, ստեղծել մի վիճակ, որ ժողովուրդը, հող հայրենին թողած, ստիպված ազատ ու անկախ հայրենիքից փախչում է՝ օտար ափերում իր գոյությունը քարշ տալու համար: Քաղաքական կոչվող այդ ուժերը բոլոր առումներով երկիրը դուրս են բերել վաճառքի:

Քաղաքակրթության ողջ պատմության ընթացքում ԻՐԱՎՈՒՆԵԹԸ միշտ էլ պայմանավորված է եղել ՍԵՓԱԿԱՆՍԻՐՈՒԹՅԱՄԲ: Իշխանության հասնելով՝ ԶԴԸ-ական ոճրագործները երբեմնի հզոր տնտեսությունը թալանեցին, արտասահմանյան բանկերում միլիարդներ պահեստավորեցին, կործանեցին տնտեսական կյանքը՝ թողնելով միայն առևտրով զբաղվելու ճեղքը: Ձուգահեռաբար սկիզբ դրեցին երկրի

ռազմավարական նշանակության տնտեսական օբյեկտների վաճառքին, որն անկասելի թափով առաջ է գնում: Որևէ մեկնաբանության տեղ է մնում, երբ բաշխիչ ցանցերի վաճառքն արդարացնելու համար նույն համակարգի նախարարը հայտարարում է, թե վաճառում են, որովհետև տարեկան 50 մլն դոլարի էներգիա է գողացվում: Կարծես գողն իրենք չեն, այլ մենք, կամ ազգովի այնքան ենք անճարացել, որ ուրիշը պետք է գա ու մեր գողի ձեռքը բռնի:

Ամենրեւի սխալ կլիմի նման մեկնաբանությունը բացատրել իշխանության հասածների մտքի տափակությամբ: Դա միջազգային հզոր կառույցների պլանավորած քաղաքականության դրսևորումն է: Այդ կառույցներն արդեն հասցրել են ամեն ինչ վերցնել իրենց ձեռքը, մեզ «լուսավորում» են, «քաղաքակրթում», օգնության դրոշով պարտքեր դիզում վզներիս, պայմանով, սակայն, որ երկրի ողջ ունեցվածքը հանձնենք իրենց ողորմածությանը, որպեսզի մեր կենսասպահովման համար պայմաններ «ստեղծեն»: Նման ընթացքով՝ երկրի ունեցվածքի վաճառքը շարունակելու պարագայում, եթե նույնիսկ վաղը Հայաստան անունը մնա մեր հայրենիքի այս փոքրիկ հատվածի վրա, դա լինելու է մի Հայաստան, ուր հայը շատ ավելի իրավագուրկ ու ստրկական վիճակում է հայտնվելու, քան այսօր մեր ազգի ճնշող մեծամասնության վիճակն է աշխարհի բոլոր հորիզոնականներում: Էլ ի՞նչ հայրենիքի մասին կարող է խոսք լինել, եթե նրա իրական սեփականատերն օտարն է լինելու:

Ոչ պակաս տագնապալի է վիճակը հայրենիքի տարածքների հարցում:

Ոչ ոք չի կարող մոռանալ, թե վերակառուցման խաբկանքով հրապարակ դուրս եկած մեր ժողովրդին ինչպես էին քարեքար օգում աշխարհը կլանել ձգտող հզոր տերությունները: Մի կողմից աղ էին լցնում մեր չսպիացող ազգային վերքերին, բոլոր մակարդակներով ազդարարում դարաբաղյան պահանջատիրության արդարացիությունը, Դարաբաղյան շարժման բարձրացրած ալիքին վերագրում Բեռլինյան պատի փլուզումը, մեզ համար Եվրոպոլիս «կառուցում», այն էլ՝ ոչ ավել, ոչ պակաս, Նախիջևանի սահմանագլխին, իսկ մյուս կողմից՝ ոչ միայն չնկատելուն էին տալիս հայերի զանգվածային ցեղասպանությունը Ադրբեջանի ողջ տարածքով մեկ, ոչ միայն իրենց «չեզոքությամբ» ավելի էին բորբոքում մեր հակառակորդի վայրենի կրքերը, այլև որոշակի հետևողականությամբ խաղարկում էին, այսպես կոչված, Գորլի ծրագիրը: Իսկ դա ոչ այլ ինչ էր, եթե ոչ Թուրքիայի պանթուրանական ծրագրի ամերիկանացված տարբերակ:

Դեռևս 1918 թ. Բաթումի բանակցությունների օրերին թուրքական գորահրամանատար Վեհիբ փաշան է մանրել այդ քաղաքականության էությունը: Դիմելով խատիսյանին՝ նա ասել է. «Դուք տեսնում եք, որ ճակատագիրը Թուրքիային արևմուտքից քշում է արևելք: Մենք պետք է ծավալվենք դեպի արևելք: Այնտեղ է մեր արյունը, մեր կրոնը և մեր լեզուն: Եվ դա տարերային ձգողություն է: Մենք պետք է ճամփա ունենանք դեպի այնտեղ: Եվ դուք՝ հայերդ, կանգնած եք մեր այդ ճանապարհի վրա: Դուք պետք է մի կողմ քաշվեք և մեզ ճանապարհ տաք: Ահա թե որտեղ է մեր հիմնական վեճը»:

Պանթուրանական այս ծրագիրը 99 տոկոսով իրականացավ Լեւոնին-Աթաթուրք գործարքով, որի հետնանքով նախկին Ռուսահայաստանը բաժան-բաժան արվեց Թուրքիայի, Ադրբեջանի, Վրաստանի միջև՝ հանդուրժելով մի բզկետված ու անկլավային Հայաստանի գոյություն, այն էլ ոչ անհայտ բուլշևիկ Ռադեկի ձևակերպմամբ՝ ժամանակավոր գոյություն: «Ռադեկն ասում է, որ մինչև անգլիացիների ոտնձգություններից ազատվելն անհրաժեշտ է ժամանակավորապես պահել Հայաստանը: ... Սանավանդ որ նույն Ռադեկն ասում է. «Եթե դուք ցանկություն ունեք լուծել այդ Հայկական հարցը, մենք նույնպես կօժանդակենք ձեզ այդ խնդրում», - վկայում է Ջեմալ փաշան:

Լեւոնին-Աթաթուրք գործարքը 1 տոկոսով ձախողվեց շնորհիվ Ջանգեզուրի գյուղացիության հերոսական սխրանքի: Ջանգեզուրի համարյա անգնե գյուղացիությունը, փառապանծ Նժդեհի գլխավորությամբ, պարտիզանական հնարամտությամբ կարմիր գորագնդերից զենք բռնագրավելով ու նրանց դեմ գործադրելով, կարողացավ թուրք-բուլշևիկյան զավթիչներից փրկել հայրենիքի մի փոքրիկ բեկոր՝ 42 կմ երկարություն ունեցող մի հատված, որով և խափանվեց Հայաստանը լիակատար անկլավ դարձնելու թուրք-բուլշևիկյան ծրագիրը:

Ահա այդ մեկ տոկոսի հարցը ևս լուծելուն է ուղղված Գորլի ծրագիրը, որով այս անգամ արդեն ԱՄՆ-ն է փորձում սիրաշահել իր ռազմավարական դաշնակից Թուրքիային:

Իսկ ինչո՞վ են զբաղված մեր պետական այրերը և ոչ պակաս հավակնոտ կուսակցություն կոչվածները: Հավատարիմ իր զավթողական քաղաքականությանը՝ Թուրքիան ռազմական բազա է կառուցում Սահախլում: Կարծես քիչ է մի քանի հարյուր կմ սահմանը Հայաստանի հարավ-արևմուտքից թուրքական վաղվա ագրեսիայի համար, հյուսիսային սահմանն էլ են հենակետ դարձնում: Իսկ մերոնք, իշխանավոր թե ընդդիմադիր, համերաշխ հարազատությամբ չնկատելու են տալիս այդ,

փոխանակ համաշխարհային աղմուկ բարձրացնելու այդ սպառնալիքի դեմ, սկզբունքորեն պատասխան պահանջելու, թե ում դեմ է կառուցվում Սահախլվի ռազմական բազան: Փոխանակ դրա մերձավոր հայաթափվող շրջաններում տնտեսական միջոցառումներով մարդկային զանգված ապահովելու, որպեսզի վաղվա ագրեսիայի դեպքում հայրենիքը պաշտպանող ունենանք, սփյուռքի մեր հայրենակիցների բազմաբնույթ օգնությունը 14 տարի է իրենց դանայան կարասների կեր են դարձնում կամ եկեղեցաշինության հիվանդություն բուժում:

Լրատվության մատչելի բոլոր միջոցները ծանրաբեռնված են միայն մի գերխնդրով, հայրենիքի այս կամ այն հատվածը օտարին տալու—չտալու ձևերն ու չափերը ճշտելով, բայց ոչ պաշտպանությամբ: Ձբաղված են միայն ժողովրդին թևաթափ անող պարտվորական տրամադրությունների սփռմամբ: Վերջին բացահայտումները շատ բան են ասում իրենց մասին: Նրանց համար չկա և չի էլ լինելու երեքհազարամյա հայոց Բաքվի կորստի ցավը, նրանք չգիտեն և չեն էլ ուզում իմանալ, որ շահագրգիռ տերությունների իրահրած երեքհարյուրամյա շարունակվող ցեղասպանության ճանապարհով Արևելյան Հայաստանից վերակերտեցին Ադրբեջան, որ չնայած այդ ողբերգական իրողությանը, մինչև 1988 թ. ազերթուրքերին հավասար հայի հայրենիք է եղել նաև Շաքին ու Շամախին, Սումգայիթն ու Մինգեչաուրը, Բաքուն ու Գանձակը: Նրանք չեն ուզում տեսնել, որ Արցախի ուղիղ կեսը դեռևս բռնազավթված է ազերթուրքերի համար, որ Շամխորի ու Քարհատի, Գետաշենի ու Շահումյանի շրջանները հայակեր Գորբաչովի վերջին նվերն էին ազերթուրքերին՝ «Կոլցո» օպերացիաներով իրականացված: Նույնիսկ ազատագրված տարածքները նրանց աչքին օկուպացված տարածքներ են երևում՝ ենթակա վերադարձման:

Փոխանակ քանակցային գործընթացներում մեր բաժին Բաքվի ու Շամախու, Շաքիի ու Մինգեչաուրի, Գանձակի ու Սումգայիթի դիմաց փոխհատուցում պահանջելու (իսկ դա Արցախի բռնազավթված շրջանների վերադարձման պահանջն է), ազգի «փրկիչները» 10 տարի շահարկում են այսպես կոչված Լաչինի միջանցքի ու Մեղրու տարածքի փոխանակման հարցը, զբաղվում փուլային ու փաթեթային լարախաղացությամբ: Զգիտե՞նք՝ այդ ո՞վ պետք է հանդգնի Մեղրու վրա դրած մեղեկյան տաբուն ոտնատակ տալ, կենդանի օրգանիզմի մի մասը փոխանակել մյուսով՝ Հայաստանն արտաքին աշխարհի հետ կապող այդ վերջին ու միակ հատվածն էլ տալով թուրքերին:

Չհաշվելով անգամ քաղաքական-պետական, դիվանագիտական

աշխարհի մարդկանց՝ ո՛ւն հայտնի չէ, թե ինչ գործարքի զոհ է հայոց Նախիջևանը, ողբերգական ճակատագրի տեր այն երկրամասը, որտեղից հայ ժողովուրդը հազարամյակներ շարունակ իր հոգու ջերմությունն ու լույսն է տվել աշխարհին: Իսկ այսօր այն ոչ միայն ազերթուրքական են դարձրել, այլև նոր հնարներով ու ձևերով շարունակում են մեզ պարտադրել. «Մի կողմ քաշվեցեք մեր ճանապարհից, Նախիջևանն ուղիղ գծով պետք է կապվի Բաքվի հետ»:

Նախ՝ Նախիջևանը կապ ունի Բաքվի հետ Ջուլֆա դարձրած հայոց Ջուղայի կամրջով ու Արաքսի աջափնյակով: Այդ կապը մոտեցնելու համար Ղարաբաղի հայության կառուցած և մեր զավակների արյան գնով երկու անգամ ազատագրված Հորադիզի կամուրջն ու ճանապարհը ՀՀԾ-ական հայրենադավները երկու անգամ էլ հանձնեցին ազերթուրքերին՝ ապացուցելով հարազատությունը նրանց հետ: Դժբախտաբար դեռևս չի ստեղծվել հայոց Նյուրնբերգը, որ այդ գործարքի գլխավոր դերակատարները պատասխան տան իրենց արածի համար:

Ապա՝ անհրաժեշտ է ըստ ամենայնի գործող, տնտեսական լուրջ գործառնություններ ապահովող կապ: Նման կապ կարող է դառնալ Նախիջևան-Երևան-Ղազախ երկաթգիծը, պայմանով, սակայն, որ Հայաստանի համար էլ բացվում է Ղազախ-Բաքու-Ղաղստան գիծը: Երկու կողմերի համար հավասար երկարություն ունեցող ճանապարհ՝ երկու կողմերի անվտանգության ապահովման հավասար պատասխանատվությամբ:

Հայրենիքի տնտեսության ու տարածքային վաճառքով ինչի՞ կարող ենք հասնել: Ո՞ւր ենք քշում այս ընթացքով: «Ձարթե՛ք, վե՛ր ելե՛ք, կենդանի՛ ուժեր...»

II

ԼՂՀ արտաքին գործերի նախարարության «Բանբերի» 2001 թ. հունվար-հունիս ամիսների համարից մի հերթական անգամ տեղեկանում ենք, որ Ադրբեջանի քարոզչական մեքենան շարունակում է իր հաղթարշավը՝ հայերիս Անդրկովկաս մտցնելով 19-րդ դարի սկզբից, որով և սկիզբ է դրվում խեղճ ու կրակ ազերթուրքերի բռնագաղթին ու ցեղասպանությանը: «Ադրբեջանցիների գենոցիդը իրագործվում է 19-րդ դարի սկզբից, այն ժամանակվանից, երբ Ռուսաստանի ու Իրանի միջև կնքվեց Գյուլիստանի և Թուրքմենչայի պայմանագրերը, երբ հայե-

րին Իրանից ու Մերձավոր Արևելքի տարբեր երկրներից վերաբնակեցրին Ադրբեջանում, մասնավորապես Ղարաբաղում, Իրևանում և Նախիջևանում», - ազդարարում է Ադրբեջանի Միլլի մեջլիսի նախագահ Ալեսկերովը 2001 թ. ապրիլի մեկին:

Շատ էլ լավ է անում Ալեսկերովը, հանում էլ է մեր բոլորիս աչքերը՝ վերից վար, քանի որ արժանապատվությունից ցածր ենք համարում մեզ «մանրուքներով» զբաղվելը: Մինչդեռ չենք ցանկանում հաշվի առնել, որ հանձինս ազերթուրքերի՝ գործ ունենք մի ժողովրդի հետ, որի առաջին քոչը Արաքսով անց է կացրել Նադիր Շահը 18-րդ դ. առաջին կեսին, իսկ վերջին քոչը Արաքսն անցել է 1954 թ., որ այդ ժողովրդի մասին 1959 թ. մարդահամարում դեռևս հստակ նշվել է, թե որ տոկոսն է արդեն անցել նստակեցության, որը մնացել քոչվոր: Դժբախտաբար, չնկատելու ենք տալիս այն իրողությունը, որ այդ ժողովրդի քաղաքական ղեկավարները մի հարյուրամյակում չորս անգամ «դիվանագիտորեն» փոխել են սեփական ժողովրդի անավնունը՝ կովկասյան թաթարներ, թուրքեր, ազերիներ, նորից՝ թուրքեր, չնայած այդ ժողովուրդը ինքն իրեն անվանում է մուսուլման: Մի հարյուրամյակում չորս անգամ «դիվանագիտորեն» փոխել են իրենց այբուբենը՝ արաբական, լատինական, ռուսական, նորից՝ լատինական: Խրախուսված Ստալինի հովանավորությամբ՝ թուրքամեթոդ ճկունությամբ՝ նրանք որդեգրեցին մի զաղափարախոսություն, որը նախադեպը չունեի քաղաքակրթության պատմության մեջ: Նրանք ոչ միայն հետևողականորեն իրենցը հռչակեցին մահմեդական այն ամբողջ քաղաքակրթությունը, որ գոյություն ունի Անդրկովկասում, այլև յամպոլսկիների, բուլնյաթովների և նմանների ծեռքով անարգել «դարձան» գոյություն չունեցած արվան, ինչպես նաև երեք հազար տարի առաջ պատմությունից դուրս մնացած իրանական մաննի ցեղի ժառանգորդներ: Հիմա էլ աչքները չռած սպասում են, թե հնագիտությունն ուրիշ ի՞նչ հայտնություն կանի, որ տեր կանգնեն՝ գերազանցելու համար նույնիսկ շումերներին՝ Նոյ նահապետին իրենցը հռչակելու անհեթեթությունից հետո: Եվ քանի որ հանուն Բաքվի նավթի աշխարհը կլանել ձգտող հզոր ուժերին չի վնասում ազերթուրքերի պատմաքաղաքական այդ լարախաղացությունը, նրանք հանդուրժում են այն, փոխանակ լռեցնելու, ազերթուրքերն էլ կարծում են, թե իրենք այնքան են առաջադիմել, որ կարող են մարդկությանը խաղացնել իրենց մատների վրա: Ոգևորված այդ ամենով՝ Ալիևը «ճանապարհ է բացում» իրենց ապագա սերունդների համար՝ իրականության նենգափոխումներն ու սուտը դարձնելով պետական քաղաքականություն: «Եվ

հետագայում պետք է ստեղծել այնպիսի աշխատություններ, որոնք մշտապես, հերթական ձևով ապացուցեն, որ այն հողերը, որտեղ հիմա գտնվում է Հայաստանը, պատկանում են Ադրբեջանին: Մենք պիտի դա անենք: Մենք պիտի ճանապարհ բացենք մեր հետագա սերունդների համար»¹:

Մեր քաղաքական մտքի «կորիֆեյների» մտքով անցնում է, որ ալիխյան ինքնավստահությունը սնունդ է առնում Բեռլինի վեհաժողովով բացված հայկական ողբերգությունից, որի շարունակման համար պայքարում է նա՝ շահարկելով Բաքվի նավթը:

Ազերբայժանի պսակագրածելու միակ շահագրգիռ կողմը մենք ենք, որ պարտավոր ենք իրեն իրենց անունով կոչելու, վերականգնելու պատմական ճշմարտությունները, մանավանդ որ հարկադրում են այդ անելու: Բայց բավական էր, որ մի շահագրգիռ օտար պաշտոնյա հայտարարեր, թե պատմությունը հաշվի չենք առնում, որպեսզի բոլորս մի կողմ կանգնենք՝ ճանապարհ բացելով պատմության ազերբայժան կողոպուտի առաջ: Կարծես թե ԼՂՀ արտգործնախարարությունը, թեկուզ բավական ուշացումով, փորձում է դրությունը շտկել մի «Հուշագրով»: Բայց ինչպե՞ս: Փոխանակ հարգարժան նախարարի «Ուղեծր» եզրափակվեն մեր ճշմարտությանը պատշաճող մի արժանապատիվ պարբերությամբ հակառակիդին իր տեղը ցույց տալով՝ ուղեծրին կցել են մի անգրագետ ու ստորաքարշ «Հուշագիր»:

Մի՞թե այդպիսի հուշագիրն է արժանի մեր ժողովրդի վերջին հերոսական մեծագործությունը, աննախադեպ այն փայլատակունը, որ զարմացրեց աշխարհին: Մեզ չի մտահոգում այն հանգամանքը, թե հասցեատերերը ինչպես ընդունեցին այդ «Հուշագիրը», մանավանդ որ այդ հասցեատերերը մեզնից տասնապատիկ լավ գիտեն, թե ինչն ինչոց է, և ընդամենը ներողամիտ քննադատով պետք է թերթին այն: Ցավալի՜ն այն է, որ նման տեղեկատվությամբ ոտնահարվում է բուն ճշմարտությունը, ազատագրվածը «դառնում» է օկուպացված՝ թևաթափ անելով կրակի դեմ մաքառող հանրությանը: Անդրադառնալով այդ հուշագրում տեղ գտած պատմական իրականության աղավաղումներին՝ գտնում ենք, որ պետք է հայ հանրությանը հասցնել իրական, պատմական ճշմարտությունը մեր հազարամյա մաքառումների մասին: Այն ոգորումների, որի արդյունքում բազում ծանրածանր կորուստների գնով հասել ենք այս հանգրվանին և մասնակից ենք լինելու դարերի երթին: Անդրադառնա-

լով այդ աղաղակող անգիտությանը՝ մեր նպատակն է երկրի միակ քաղաքական ուժի՝ հայրենի հող ու քարի համար կռիվ տվող լայն զանգվածների պատմական հիշողությունն ամրապնդել նրա անցած ճանապարհի անհամեմատելի հերոսականությամբ:

«Անտիկ հեղինակների՝ Հերոդոտի (V դար, մ.թ.ա.), Ստրաբոնի (I դար, մ.թ.ա.) և ուրիշների վկայությամբ Հայաստանի հյուսիսարևելյան սահմանը եղել է Կուր գետը», – այսպես են բացվում «Հուշագրի» առաջին խումբ «փաստերի» փաստարկումները: Բարեբախտաբար այստեղ ինքնապաշտպանության համար օգնության է կանչվում նաև բազմիցս չարչրկված Ստրաբոնը, այլապես Կուրի մասին տեղեկություն չունեցող, Աքեմենյան պետության 18–րդ սատրապությունում հայերի գոյությունը չիմացող Հերոդոտի երեսից կարող էինք խեղդվել Կուր գետում: Հերոդոտը ոչ միայն գաղափար չունեի Կուր գետի մասին, այլև Արաքս գետն էլ տեղադրում էր Միջին Ասիայի արևելյան սահմաններում, որտեղից սկիզբ է առնում նաև հնդկական Գանգես գետը: «Արաքս գետը բխում է մատիենների երկրից, որտեղից և Գյունդես գետը»¹: Հազարամյակների պատմության համար միակ ու եզակի սկզբնաղբյուր ունենալով ազերբայժանական ակադեմիկոսների հակապատմությունը՝ «Հուշագրի» հեղինակները որտեղի՞ց իմանան, որ Ստրաբոնից հազարավոր տարիներ առաջ հայ ժողովուրդն իր բնական հայրենիքում, իր Արատտա պետականությամբ, հանդես էր գալիս որպես շումերների ակադիան, որ նրանից դարեր հետո Հայասան ճակատ էր տալիս խեթական պետության հետ, որ երեք հազար տարի առաջ Վանի Արարատյան թագավորության տիրակալները, մի միասնական պետության մեջ համախմբելով հայկական ցեղերին, երկրի արևելյան սահմանը դարձրին Կասպից ծովը:

Ի՞նչ է կորցրել հայ ժողովուրդը Կուրի՝ այդ անանցանելի Չինական պարսպի ձախ ափին: Ի՞նչ անենք, որ պատմագիտության մեջ շահարկվող բուն Աղվանքի՝ ազերբայժանի այդ «հինավուրց հայրենիքի» հնագույն տեղանուններն ու աշխարհագրական անունները հայերեն են՝ կազմված հայոց լեզվի բառակազմական օրենքներով՝ սկսած նրանց հնագույն մայրաքաղաք Կապադակից: Թերևս հանդգնություն չհամարվի, եթե հիշենք որոշ անուններ: Կապ+աղ+ակ – զուգահեռը՝ փակ+աղ+ակ, մակաղել, հապաղել, նվաղել, սվաղել և այլն: Կախավան, Արջկան, Դուրկան, Մովկան, Ոստան, Քաղաբերդ, Քաղաղաշտ, Քաղաձոր, Մուխանց, Քանդակ, Դաշտակ, Գետառու, Կամբեճան, Բա-

¹ «Բակինսկի ռաբոչնյ», 11 փետրվարի, 1999 թ.:

¹ Հերոդոտ, Ե., 1986, էջ 83:

դասական, Վատնյան, Չաբանդ, Գարդման, Բագավան, Բագինք, Բագու, Գիշ և այլն:

Է՛, այս ամենն ի՞նչ կապ ունի հայ ժողովրդի ու նրա պատմության հետ: Չէ՞ որ Ստրաբոնից առաջ Աստված նույնիսկ Ադամին չէր ստեղծել, էլ ո՛ւր մնաց հայերին: Եվ ահա Ստրաբոնի ձեռքով Կուրը պատմե՜ք դարձնելուց հետո մի ահագին ոստյունով հայտնվում ենք Պետրոս Աեծի արխիվներում՝ անգիտամալով, որ Ստրաբոնից հարյուրամյակներ անց, Չայոց միասնական պետականության վերացումից հետո, Չայոց Արևելից կողմանց հայերը մի քանի անգամ վերականգնել են իրենց կորցրած պետականությունը ոչ միայն Արցախում, այլև այսպես կոչված բուն Աղվանքում, որ այդ պետականության ինչ-ինչ հատկանիշներ, մեկիքական ինքնավարության տեսքով, հարատևել են մինչև 19-րդ դար, մինչև որ ցարիզը վերացրեց այն: Բայց քանի որ պատմության իրենց վարժապետները՝ ազերթուրք ակադեմիկոսները, այնպես են լղոզել պատմությունը, որ իրական պատմության հետք անգամ չի մնացել, մեր «քաղաքագետ» հեղինակները որտեղի՞ց իմանային, որ V դարի վերջերից ունեին Վաչագան Բարեպաշտի սահմանադրական միապետությունը, որ արաբական լուծը թոթափելուց հետո Չամամ Արևելցին Բագրատունիներին զուգահեռ վերականգնեց Չայոց Արևելից կողմանց պետականությունը, որին հաջորդեցին Փառխոսի, Կամբեջանի ու Դերբենտի գավառական թագավորությունները:

Պատմական իրականությանն անտեղյակ լինելու հետևանք է նաև ժամանակակից ազերթուրքերին Արևելյան Անդրկովկաս մտցնելը 11-րդ դարից:

«Իսկ թուրքական ցեղերը, որոնց մեջ է մտնում ժամանակակից ադրբեջանական էթնոսը, սկսել են մուտք գործել Անդրկովկաս մեր էրայի 11-13-րդ դարերում», - շրխկացնում են մեր ամենիմաց քաղաքագետները՝ հրապարակում ցցելով «Ադրբեջանի պատմության» ակադեմիական հրատարակությունը: Գոնե այստեղ հասկանային այդ հրատարակության ուղղվածությունը, թերևս կողմնակիորեն, միջնորդավորված ձևով մոտենային պատմական ճշմարտությանը: Չամրահայտ է, որ միանգամայն այլ էր ազերթուրք պատմաբաններին տրված քաղաքական հանձնարարականը 30-50-ական թթ.: Նրանք պետք է ապացուցեին, որ ոչ մի առնչություն չունեն թուրքերի ու թուրքականության հետ: Դրա համար էլ հետևողականորեն «ապացուցել» են, որ դարեր շարունակ եղել են սելջուկ թուրքերի ու մոնղոլների, կարա- ու աղգոյունլուների զոհերը, որ Արևելքից եկած այդ բարբարոս ցեղերը դարեր շարունակ ճգնել,

պատուհասել են իրենց՝ մաննի-աղվանների ժառանգորդ ադրբեջանցիներին, դարավոր տիրապետության արդյունքում պարտադրել անգամ, որ մոռանան իրենց երբեմնի ճոխ լեզուն ու դառնան թուրքախոս: Գոնե թերթեին 7-8-րդ դասարանցիների համար նրանց մոզոմած «Ադրբեջանի պատմություն» դասագիրքը: Ի՞նչ իմանային խեղճերը, որ 40 տարի հետո ստիպված պետք է լինեն հերքելու այդ ամենը՝ քաղաքական հակադիր հանձնարարություն կատարելու առաջադրանքով:

Եիշտ է, 11-րդ դարից սկսած Անդրկովկաս են թափանցել թուրքալեզու բազմաթիվ ցեղեր, բայց բոլորն էլ եղել են քոչվոր անասնապահներ: Չերթական նվաճող ցեղը դուրս է քշել նախորդին՝ իր ոչխարների համար ապահովելով արոտավայրեր: Արոտավայրեր ձեռք բերելու թելադրանքով նրանք միմյանց նկատմամբ ավելի թշնամական ու անզիջում են եղել, քան տեղաբնակ նստակյաց ժողովուրդների նկատմամբ, որոնց հաճախ հովանավորում էին որպես իրենց կերակրողի: Ահա թե ինչու այդ ցեղերն իրենց հետևից չեն թողել էթնիկական կամ մշակութային որևէ հետք, նստվածք: Ցույց տվեք ժամանակակից Ադրբեջան կոչվող տարածքում սելջուկներից կամ մոնղոլներից, կարա- կամ աղգոյունլուներից մնացած որևէ տեղանուն, մշակույթի որևէ հետք, էթնիկական որևէ հատված: Չեք գտնի:

Ազերիները ոչ թե եկել, այլ ներմուծվել են Արևելյան Անդրկովկաս՝ պայմանավորված քաղաքական հանգամանքներով: Ռուսաստանի հարավային ծավալումը ոտքի հանեց մահմեդական աշխարհը: Դրա դեմ պատնե՜ք ստեղծելու միջոց թուրքիան համարեց տեղաբնիկ քրիստոնեական զանգվածի ոչնչացումն ու կովկասյան հավատակից ցեղերի համախմբումը Ռուսաստանի դեմ, որն անշեղորեն շարունակվում է մինչև այսօր: 1724 թ. ռազմակալելով Անդրկովկասը՝ թուրքիան կամ մասսայաբար ոչնչացնում էր հայերին ռուսական կողմնորոշման պատճառով, կամ բռնի մահմեդականացնում էր նրանց՝ իր համար հեճարան ստեղծելու նպատակով: Իրանը որդեգրեց ավելի հեռահար քաղաքականություն: 1734 թ. թուրքերին քշելով Անդրկովկասից՝ Նադիր Շահը մի կողմից օգտագործեց Դարաբադի ու Չանգեզուրի գինական ուժերը թուրքերի դեմ, մյուս կողմից՝ Կուրի ծախափնյակից, Թբիլիսիից մինչև Կասպից ծով, 700 հազար քրիստոնյաների գերեվարեց Իրանի խորքերը՝ այդ տարածքները մահմեդականացնելու հեռանկարով: Շամախի քաղաքն այնպես ավերեց, որ այնտեղ այլևս բնակվող չլինի: Իսկ այդ քաղաքում միայն հայերը 100 հազարի էին հասնում: Միաժամանակ Իրանի խորքերից ու Իրաքից տեղափոխեցին ժամա-

նակակից ազերիների նախկին ցեղերի՝ քոչվորական վայրենի ուժը Ռուսաստանի առաջխաղացման դեմ օգտագործելու նպատակով: Հետագայում այդ նույն քաղաքականությունը որդեգրեց ցարիզմը, այս դեպքում արդեն այդ ուժը հայերի ազատագրական նկրտումների դեմ օգտագործելու հեռանկարով:

Հանրահայտ է, որ մինչև Անդրկովկասի միացումը Ռուսաստանին, հայ ազատագրական մտքի նշանակետը եղել է Ռուսաստանի օգնությամբ ու հովանավորությամբ կորցրած պետականության վերականգնման խնդիրը: Ցարիզմն իր կիսախոստումներով հայերիս պատրանքները վառ էր պահում՝ այն հասցնելով մինչև Ներսես Աշտարակեցի: Բայց ցարիզմը երբեք էլ չէր մտածում գրավյալ երկրներում նոր պետություններ վերականգնելու մասին: Նրան հարկավոր էր հպատակների գորշ մասսա՝ բացառելով ամեն մի ազգային գործոն: Երբ 1804 թ. ռուսական զորքը հասավ Գանձակ, Կուր-Արաքսի միջագետք բերված քոչվորները մի մարդու պես փախան Իրան: Ցարական կարգադրությամբ գեներալ Մադաթովը նրանց հետևից հասավ Մակու և հանդգնելով վերադարձրեց: Ավելին: 100 տարի իրենց ազատագրման, որ նույնն է, թե ռուսական շահերի համար պայքարած հայ մելիքները զանազան պատրվակներով աքսորվեցին Սիբիր, իսկ Ղարաբաղը ճանաչվեց երեկվա նվաճողի սեփականություն՝ հայերի բաժին թողնելով 10 և 13 տարեկան երկու երեխայի ազատումը տասնամյա գերությունից: Պատահական է, որ ազերթուրքերի հիմնական ներհուսքը երկրատարածք տեղի ունեցավ 19-րդ դարի վերջին, երբ հայ ժողովուրդը դուրս էր եկել հերթական ազատագրական պայքարի, թեկուզ դեռ բարձրացնում էր Արևմտահայաստանի ազատագրման հարցը:

Անդրկովկասի հարյուրամյա տիրակալության ժամանակաշրջանում ցարիզմի քաղաքականության հիմնական առանցքը եղել է հայերին ճգնված պահելու խնդիրը՝ սկսած Ներսես Աշտարակեցուն դիվանագիտորեն աքսորելուց մինչև 1912 թ. աղմկալից դատավարությունը դաշնակցության դեմ: Եվ օգտագործվել են պետական մեխանիզմի բոլոր միջոցներն անխտիր:

Հանրահայտ բանաստեղծ Ռաֆայել Պատկանյանը հրաժարվեց իր ազգանվանը «ով» ավելացնելուց: Երրորդ բաժանմունքը անմիջապես, նրա բանաստեղծական մի արտահայտությունը շահարկելով, մոզոնեց «Մանուկ Հայաստան» գաղտնի կազմակերպության գոյություն, որն իբր թե ձգտում է Հայաստանը անջատել Ռուսաստանից: Ցարական կառավարությունը մասնագետներ է գործուղել Ալժիր, որ հետազոտեն, պար-

զեն, թե ինչպես է Ֆրանսիան արգելակում տեղական ժողովուրդների մտավոր-կուլտուրական զարգացումը, որ նույնը կիրառեն մեր նկատմամբ: Բայց քանի որ դիմադրության հանդիպեցին, հաջորդեց հայոց դպրոցների փակումը:

Դրան հակակշիռ, ցարիզմը ամեն կերպ խրախուսում, պայմաններ էր ստեղծում, որ ազերիները մասսայաբար ներթափանցեն Անդրկովկաս: Հիշենք միայն 1846 թ. ցարական հրովարտակը, որով Արևելյան Անդրկովկասում կավածքի տեր կարող է դառնալ միայն մուսուլմանական բարձր դասը, որի դիմաց «միշտ պատրաստ պիտի լինեն մեր քաջարի ռազմիկների շարքերն անցնելու և նախանձախնդրությամբ ու եռանդագին կատարելու այդ դասի վրա դրվելիք պարտականությունները»¹: Հանրահայտ է, որ այդ դասը «նախանձախնդրությամբ ու եռանդագին» իր պարտականությունները կատարեց 1905-1906 թթ.:

Քաղաքական այս «մանրուքներից» անցում կատարելով Յուդենիչի հայտնի հեռագրին՝ հիշենք, որ գեներալը պահանջում էր ցարից հայ գաղթականներին տանել Ռուսաստանի խորքերը, որպեսզի Ալաշկերտի հովիտը դառնա կազակական երկրամաս: Դրանից մի քայլ է մնում միայն՝ անցնելու համար Լենին-Աթաթուրք հայակեր քաղաքականությանը: Բայց քանի որ անտեղյակությունը, պատմական իրականության աղաղակող լղոզումը ավելի խայտառակ դրսևորում է ստացել «Հուշագրի» երկրորդ պատասխանում, այն կներկայացնենք առանձին:

III

Ղարաբաղա-ադրբեջանական հակամարտությունը հայ-թուրքական հակամարտության մի օղակն է միայն պանթուրքիզմի քաղաքական նկրտումներով: Նրա էությունը անհասկանալի կմնա, եթե այն առանձնացնենք ընդհանուր շրջայից, դիտարկենք մեկուսի: Ներկա հակամարտությունն ուղղակի շարունակությունն է դարասկզբի Հայոց ցեղասպանության, որը «մեծ եղբոր» գլխավորությամբ իրականացրել են օրերի ու ամիսների հաջորդականությամբ: Տարբերությունն այն է միայն, որ այժմ սկսել են Արևելքից, իսկ Արևմուտքը սպասում է հարմար պահի: Բայց ազերթուրքերը ամեն ինչ ներկայացնում են գլխիվայր՝ չղավաճանելով իրենց էությանը: Քանի որ ազերթուրքերի ամենածանր մե-

¹ Տե՛ս Խ. Ավդալբեգյան, նշված աշխատությունը, Ե., 1959, էջ 66-67:

ղաղրանքը երկրորդ «վերսիան» է, նրա պատասխանը՝ ամենաողորմելիին, ստիպված դիմում ենք տարրական ճշմարտությունների՝ սահմանափակվելով մի աղբյուրով միայն, որ գոնե այդ չափով իրազեկվի հանրությունը: Եվ քանի որ բարեխղճությունը պահանջում է արժանին մատուցել սկզբնաղբյուրի հեղինակին, ավելացնում ենք ենթավերնագիր՝

ՄԻ ՔԱՆԻ ՔԱՂՎԱԾԲ ԴՐ. ՄԻՄՈՆՅԱՆԻ ԳՐԵՒՑ

19-րդ դարի 60-ական թվականներին ճնշված ժողովուրդների ազգային-ազատագրական պայքարի և եվրոպական միջամտության հետևանքով փլուզում ապրող թուրքական կայսրությունը փրկելու համար ձևավորվեցին մի շարք ուսմունքներ՝ օսմանիզմ, պանիսլամիզմ, թուրքիզմ, պանթուրքիզմ: Մեկը մյուսից ռեակցիոն, ծայրահեղ նացիոնալիստական ու ռասիստական այդ ուսմունքների մեջ վերջնական հաղթանակը վերապահված էր պանթուրքիզմին, որը տեսական հիմնավորում ստացավ թուրքալեզու մտավորականության ինտերնացիոնալ ջանքերի շնորհիվ: Դարասկզբին արդեն պանթուրքիզմի գաղափարական առաջնորդները Կազանից, Ղրիմից, Բաքվից և այլ տեղերից անցել էին Ստամբուլ, կարճ ժամանակաընթացքում դարձել թուրքիայի քաղաքական կյանքի աչքի ընկնող դեմքեր: Պանթուրքիստները առաջ էին քաշում թուրքալեզու ժողովուրդների ու ցեղերի միավորումը մի միասնական պետության մեջ, ծրագրում թուրքալեզու «ավագ եղբոր»՝ փոքրասիական թուրքերի գլխավորությամբ:

«Առավել ծայրահեղ պանթուրանականները առաջ էին քաշում առավելագույն ծրագիր, այն է՝ ստեղծել Մեծ Թուրան, որի սահմանները պետք է տարածվեին ճապոնական ջրերից մինչև Սկանդինավյան լեռները, բենեային օվկիանոսից մինչև Տիբեթի բարձրավանդակը: ... Ծայրահեղ հիվանդ երևակայության տեր պանթուրքականների համար Մեծ Թուրանը Մարոկկոյից ձգվում է մինչև Կորեա: «Մերն է այն երկիրն ընդարձակ, որ երեք աշխարհներ է ընդգրկում,— գրում է թուրք ազգային բանաստեղծ Մեհմեդ Էմինը: Ավելին, նրանցից ոմանք արյունակից ժողովուրդներ համարեցին բուլղարներին, հնագույն ֆինն-ուգրերին, հատկապես ֆիններին, էստոնացիներին, հունգարներին և այլն: «Չկա ավելի դժվար գործ, քան որոշել աներևակայելի չափերով ընդարձակ ու հպարտ թուրքական աշխարհի իսկական սահմանները»,— գրում է բաքվեցի Ահմեդ Աղանը:

Պանթուրքականների մյուս, այսպես կոչված, իրատես մասը քննադատաբար էր մոտենում ծայրահեղ թուրանականների պահանջներին, աշխատում էր ներկայանալ գիտականության թիկնոցով: Իրատես պանթուրքականները հանդես էին գալիս «Փոքր կամ Նոր Թուրան» ստեղծելու պահանջով՝ «մեծահոգաբար» թուրանյան կամ ուրալ-ալթայան «մեծ» ընտանիքը սահմանափակելով զուտ թուրքալեզու ժողովուրդներով բնակեցված տարածքներով:

«Փոքր Թուրանի» սահմանները «իրատես» պանթուրանականները տարածում են Կ. Պոլսից մինչև Բայկալ լիճ և Մոնղոլիայից մինչև Կազան: Այս սահմանների մեջ նրանք ներառում էին Բալկանները, Փոքր Ասիան, Ղրիմը, Կովկասը, Աստրախանը, Սիբիրը, Միջին Ասիան, Կասպիականի բոլոր եզերքները, Յուսիսային և Հարավային Ադրբեջանները»¹:

Այս ծայրահեղ ծրագիրն իրականացնելու համար պանթուրքիստները բոլոր թուրքալեզու ժողովուրդներին «սրբազան պատերազմի» էին նախապատրաստում Ռուսաստանի դեմ: Բայց քանի որ դրան հասնելու ճանապարհին առաջին խոչընդոտը Թուրքիայի ու «ցեղակից եղբայրների» արանքում կանգնած հայ ժողովուրդն էր, ամենայն բժախնդրությամբ մշակեցին ու իրականացրեցին հայ ժողովրդի ցեղասպանության ծրագիր:

Դեռևս 1877-78 թթ. ռուս-թուրքական պատերազմից հետո թուրք քաղաքական գործիչ Քյամիլ փաշան էր ձևակերպել հայերի բնաջնջման ծրագիրը. «Եթե եվրոպիոն մեջ մեր ծոցը օժ սնուցինք, պետք չէ, որ նույն հիմարությունն ընենք մեր ասիական Տաճկաստանի մեջ. խելջությունը ջնջել, վերացնելն է այն ամեն տարրերը, որ օր մը կրնան մեզ նույն վտանգը ծնանել և օտարին ձեռնմխության առիթ ու գործիք լինել: Հիմա, այսօր, գոնե Անկլիո շահերն կպահանջին, որ Փոքր Ասիո (մենք և Անկլիան Հայաստան բառը ոչ միայն չենք ճանաչեր, այլև այդ անունը հնչող կզակները պետք է ջախջախենք), մեր ունեցած երկրները ազատ մնան օտարի միջամտութենեն, միջամտութեան ամեն առիթներեն, ուստի այդ սուրբ նպատակի համար պետք է և պետական իրավունքը կպահանջե որնիցե կասկածելի տարր անհետ ընենք, որպեսզի ապագան ապահովենք: Ուրեմն այդ հայ ազգը վերացնելու, անհետ ընելու ենք: Եվ այդ ի գլուխ հանելու համար բան չի պակասիր մեզ, ամեն գործիք պատրաստում ենք, քուրդ, չերքեզ, կուսակալ, դատավոր, հարկահան,

¹ Գր. Միմոնյան, Թուրք ազգային թուրժուազիայի գաղափարաբանությունը և քաղաքականությունը, Ե., 1986, էջ 248-250:

ուստիկան, վերջապես ամեն ինչ. կրոնական պատերազմ մը կիրաւարակենք և դյուրին պատերազմ այնպիսի ազգի մը դեմ, որ ո՛չ զենք ունի, ո՛չ զիվորություն և ո՛չ պաշտպան: Երբ ընդհակառակը, մենք զենք էլ ունինք, զինվորություն էլ, աշխարհիս ամենամեծ տերությանց մեկը և ամենեն հարուստը մեզ զինակից է և մեր Ասիական աշխարհին երաշխավոր: Եվ եթե այդ հայ ազգը բնաջինջ լինի և քրիստոնյա եվրոպան կրոնակից մը փնտրե և չգտնի տաճկական Ասիո մեջ, կթողու զմեզ հանգիստ»: Զարգացնելով իր միտքը՝ նա ասում է՝ որպէսզի Գայաստանից չստեղծեն երկրորդ Բուլղարիա, «մենք պետք է մեր հողի երեսից ջնջենք հայոց ազգը»:

Պանթուրքականները հայերի բնաջնջման հարցը ավելի մեծ պլանով էին ներկայացնում՝ ընդգրկելով նաև Ռուսաստանի կազմի մեջ մտնող Գայաստանը: 1906 թ. նոյեմբերի 23-ին Բեհանգըրին Շաքիրը Կովկասի պանթուրքիստ պարագլուխներին գրած նամակ-հանձնարարականում շեշտում է, որ «մեր թշնամին հանդիսացող և ձեզ ռուսների լծից ազատելու դեմ ամենամեծ արգելքներից մեկը հայերն են: Մշակեցեք մի կանոնավոր ծրագիր՝ նրանց ջնջելու համար»¹:

Իսկ 1910 թ. կայացած իթիհադ կառավարող կուսակցության հերթական համագումարից սկսած պանթուրքիզմը բարձրացավ պետական քաղաքականության մակարդակի, որի առաջին խնդիրը հայկական հարցի լուծումն էր: Ահա ինչպես էր հարցը դնում կուսակցության լիդերներից մեկը՝ բժ. Նազըմը: «Գավատում են, որ բոլորդ համաձայն կլինեք, եթե հայտարարեն, որ այդ քաղաքական ծրագրի (թուրքական կայսրության ստեղծման) իրականացման նախապայմանը հայկական հարցի արմատական լուծումն է... Մի պահ երևակայեցեք արևելյան նահանգների վրա մի հայ պետության կազմությունը: Նման պետությունը թուրանական ծրագրի տապալանարարը կլինի: Ոչ միայն պարտավոր պիտի լինենք ամբողջապես հրաժարվել թուրք ցեղի միացման ծրագրից, այլև պատրաստ լինենք սեղմվելու Անատոլիայի մեջ միայն, Կոնիայի, Մախկին սելջուկյան սուլթանների նեղ հողամասերի վրա: Այն ժամանակ դա կնշանակի մահացում: ... Մնում է միակ ու մի վերջին կարելիություն... պետք է բնաջինջ անել հայերին մեր կայսրության մեջ... Կամ կհամաձայնենք հայերի ամբողջական ու արմատական բնաջնջման ծրագրին ապահովելով մեր ներկան ու ապագան, պատրաստելով մեր զարգացման ու զորացման ուղին, և կամ, մերժելով այս ծրագիրը, կշարունա-

կենք մնալ արդի կացության մեջ, մեր ուղի տակի հողը փորելով մեր երկրի մեջ իսկ, բռնելով քայքայման ու անհետացման ճամփան: Ուրիշ ելք գոյություն չունի մեզ համար: ... Այդ ամենից հետո՝ ամենամեծ խոչընդոտի անհետացումով կհարթվի ճամփան այն մեծ իդեալի՝ համաթուրանականության գաղափարի իրականացման համար, որին կառջած ենք մեր ամբողջ եւթյամբ»¹:

Այս արյունածոր ծրագիրը ամենադաժան, ամենավայրենի մեթոդներով իրականացվեց 1915-23 թթ., որի զոհը դարձավ հայ ժողովրդի մեծ մասը Թուրքիայի արևմտյան սահմաններից մինչև Շուշի ու Բաքու:

Թուրանական գաղափարով սնվող պանթուրքիզմը ամուր արմատներ ձգեց ցարական կայսրության տարածքում գտնվող թուրքալեզու ցեղերի ու ժողովուրդների մեջ: Ամենուր ձևավորվեցին գաղտնի կազմակերպություններ, որոնք հետևողականորեն պայքարում էին «մեծ եղբոր»՝ օսմանյան թուրքերի գլխավորությամբ մի միասնական թուրանական պետության մեջ համախմբվելու համար: Դեռևս 1916 թ. Լոզանում հրավիրվեց Ռուսաստանից անջատվել ձգտող պանթուրանական գործիչների համագումար, և ԱՄՆ-ի պրեզիդենտ Վիլսոնին հղեցին ուղերձ, որով խնդրում էին նպաստել «ռուսական երդվյալ անհաշտ ու հավիտենական թշնամուց Ռուսաստանի մահմեդականների ազատագրմանը»: 1917 թ. ապրիլին Բաքվում գումարվեց Կովկասի մահմեդականների առաջին կոնգրեսը, ուր մուսավաթականները առաջադրեցին Ռուսաստանի մահմեդականների գործուն կենտրոն ստեղծելու պահանջը, որը ենթակա լիներ թուրքական կառավարությանը: Նույն պահանջն առաջադրեցին նրանք նաև երկրորդ ու երրորդ կոնգրեսներում: 1918 թ. Բաքվում հռչակվեց կոմունա: Մարտի 30-ին մուսավաթականները զինված պայքարի դուրս եկան կոմունայի դեմ, զրավեցին քաղաքի զգալի մասը, եռօրյա պայքարում պարտվելով կենտրոնացան Գանձակում և օգնության կանչեցին թուրքական միլիտարիստներին: Դրանով մուսաֆաթականները բանվոր դասակարգի վերազգային պայքարը փոխադրեցին հայ-թուրքական հակամարտության դաշտ: Նույն օրերին Անդրկովկասյան սեյմում մուսավաթականները պահանջում էին Թուրքիային միացնել Անդրկովկասի մուսուլմանական մարզերը: Նրանց պարագլուխներից Ռուսթեմը սեյմում հայտարարում է. «Անդրկովկասի ողջ

¹ Գր. Սիմոնյան, Աշխատությունը, էջ 292-294:

տարածքում անադիսիան այնպիսի վիթխարի չափեր է ընդունել, որ այլևս անհնարին է այն ճնշել մեր սեփական ուժերով: Դրություներն էլ ավելի է վատթարանում նրանով, որ արևելքից՝ Բաքվից, հարձակվում են բուլղարները՝ դաշնակցած մեր դարավոր թշնամիների (հայերի) հետ, իրենց հետ ավերածություն և վերջնական կործանում բերելով թուրք ժողովրդին: Իրերի այսպիսի դրության մեջ մենք ուրիշ ելք չունենք, քան դիմել օտարերկրյա միջամտությանը... Սեզ համար բարեկամական ու եղբայրական այդ ուժը Թուրքիան է: Եկել է ժամանակը, երբ մեր պատվիրակությունը պետք է գնա Բաթում և Արևելյան Անդրկովկասի թուրքերի անունից օգնություն խնդրի օսմանյան կայսրությունից»: 1918 թ. մայիսի 6-ին մուսուլմանական պատվիրակությունը նորից հայտարարեց սեյմին, որ «ստիպված է պաշտոնապես դիմելու Թուրքիային՝ Բաքվի և Շամախու շրջանների մուսուլմաններին փրկելու համար»: Նույն մուսավաթականների ճնշմամբ սեյմը ցրվեց, և երկրամասը բաժանվեց երեք հանրապետությունների (մայիսի 26, 27 և 28-ին):

Դա այն օրերին էր, երբ ռուսական զորքերը հեռացել էին Կովկասյան ճակատից, և թուրքերը հաղթականորեն առջավում էին դեպի արևելք: 1918 թ. թուրքական այդ արշավանքների հետևանքով նախկին Ռուսական կայսրության կազմում գտնվող Հայաստանից թուրքերը նվաճեցին 28 հազ. ք. կմ տարածք՝ 500 հազար հայերի հարկադրելով սփռվել Ռուսաստանից մինչև Չինաստան: Դա այն օրերին էր, երբ հայ ժողովրդի քաղաքական ղեկավարությունը հարկադրված էր ստորագրել Բաթումի նվաստացուցիչ պայմանագիրը՝ գոնե հայրենիքի մի բեկոր՝ 9 հազ. ք. կմ տարածքով, փրկելու համար: 1918 թ. հունիսի սկզբներին թուրքական զորքերը Նուրի փաշայի գլխավորությամբ մտան Գանձակ, և Նուրի փաշան այնտեղ ստեղծեց «ադրբեջանական կառավարություն»՝ իսկ խոյուսկու գլխավորությամբ: 1918 թ. ապրիլի վերջերին մուսավաթ պարագլուխներից Ուսուբբայևը սեյմում ունեցած ելույթում երկրատարածքը անվանում էր Արևելյան Անդրկովկաս, մայիսին «Պրավդայի» էջերից նույնը հաստատում էր Ստալինը, հունիսին այն դառնում է Ադրբեջան: Իսկ ինչո՞ւ նման անակնկալ անվանափոխություն: Բանն այն է, որ նախատեսվում էր, որ իրանական Ադրբեջան-Ատրպատականի հետ պետք է ստեղծվեր մի միասնական քաղաքական միավոր: Ահա ինչ է վկայում իրանցի հեղինակ Էնանթուլահ Ռեզան՝ խորհրդային ակադեմիկոս Բարտոլդից կատարելով բառացի մեջբերում. «Ազերբայջան անունը Ազերբայջանի Հանրապետության համար այն նպատակով ընտրվեց, որ կարծվում էր, թե Ադրբեջանի Հանրա-

պետության հաստատումով Իրանի Ազերբայջանն ու Ազերբայջանի Հանրապետությունը կմիաձուլվին»¹: Եվ այսպես, երբեմնի Ալբանիա-Աղվանք, Առան, վերջերում Արևելյան Անդրկովկաս երկրամասը կպցվեց Ադրբեջան կեղծանունը, որպեսզի այն հռչակվի ազերթուրքերի «վաստակած հայրենիք»:

1918 թ. հունիսին օսմանյան զորքերը, միացած մուսավաթական բանդաների հետ, Գանձակից արշավեցին դեպի Բաքու: Նրանք 1724 թ. հետո երկրորդ անգամ ռազմակալելով Կուրի ծախսափնյակը՝ իրականացրեցին հայերի երկրորդ մասսայական կոտորածը, և Շաքիից մինչև Շամախի ընկած տարածքում դեռևս մնացած 73,526 հազար հայերից 1921 թ. փրկվել էր ընդամենը 12 716 մարդ՝ ըստ «Սովետական մեծ հանրագիտարանի»: Սեպտեմբերի 15-ին գրավելով Բաթումը՝ թուրքերը այդտեղ էլ ոչնչացրեցին 30 հազար հայի: Այսպիսով՝ 1918 թ. թուրքական արշավանքը Արևելյան Անդրկովկաս միայն Կուրի ծախսափնյակի տարածքներում արժեցավ 100 հազար հայի կյանք և պատմական թատերաբեմ իջած «Ադրբեջանական Հանրապետություն»: Շուտով Թուրքիան պարտվեց Առաջին աշխարհամարտում, և Անդրկովկասում նրան փոխարինեցին անգլիական օկուպացիոն զորքերը: «Ավագ եղբոր սվիններով պետականության հասած ազերթուրքերի այսորժակն այնպես էր քաջվել, որ այս անգամ էլ իրենք էին ծրագրել «Հայոց հարցի» լուծումը: Դեռևս Բաթումի բանակցությունների օրերին մուսավաթականները պնդում էին՝ իրենց հանձնել Երևանը որպես ազերթուրքական տարածք, իսկ Հայաստանի մայրաքաղաք դարձնել Էջմիածինը: Չնայած անգլիական օկուպացիոն ուժերի հովանավորությամբ նրանք շատ աղետներ հասցրեցին հայերիս, բայց և այնպես Արցախական աշխարհը 1918-1991 թթ. ազատամարտով չափ դրեց նրանց այսորժակին: Մենք չենք անդրադառնում դրան, որովհետև այն ծանոթ է հանրությանը:

Համաաշխարհային պատերազմում պարտված Թուրքիայում 1919 թ. գաղմանից սկսվեց միլիական շարժումը: Նրա ղեկավարները առաջին իսկ քայլերից ազդարարեցին. «Արևելյան Անատոլիայի բնակչությունը պատրաստ է մինչև մահ դիմադրելու հայ պետությանը»: 1919 թ. հոկտեմբերին կնքվեց թուրք-ադրբեջանական գաղտնի դաշնագիրը: Թուրքիան պարտավորվում էր ադրբեջանական բանակը մարզել թուրք սպաների միջոցով: 1920 թ. սկզբին Քեմալի գլխավորած կառավարությունն ընդունեց որոշում. «Արևելյան ռազմաճակատում անցկացնել

¹ Էնանթուլահ Ռեզա, Ազերբայջան և Առան, Ե., 1994 թ. էջ 152:

պաշտոնական զորահավաք և սկսել զորքերի կենտրոնացումը՝ կովկասյան խոչընդոտը թիկունքից վերացնելու համար»։ Արևելյան բանակի հրամանատար Քյազիմ Կարաբեքիրը տեղ հասնելուն պես հեռագրեց Քեմալին՝ «Մոտակա օրերը ես կկարողանամ տեղեկացնել այն մասին, որ Հայաստանը ջնջված է աշխարհի քարտեզից»։

1920 թ. ապրիլի 26-ին Թուրքիայի Ազգային մեծ ժողովը դիմեց Լեւոնին՝ խնդրելով դրամական և ռազմական օգնություն և երկուսն էլ ստացավ։ Միաժամանակ «Նոր Թուրքիայի» կառավարողները առաջարկում էին. «Եթե սովետական ուժերը մտադիր են ռազմական զործողություններ սկսել Վրաստանի դեմ... թուրքական կառավարությունն իր վրա է վերցնում ռազմական գործողությունները ինպերիալիստական Հայաստանի դեմ»։ 1920 թ. սեպտեմբերի 1-8-ը Բաքվում գումարվեց Արևելքի ժողովուրդների առաջին համագումարը, որին մասնակցում էին 37 ազգերի ու ազգությունների պատվիրակություններ՝ Թուրքիայից մինչև Հինաստան ու ճապոնիա։ Համագումարում Թուրքիային համարեցին «Արևելքի հեղափոխական շարժման առաջամարտիկ»։ Թուրքիայի պատվիրակ Վաղարդին Շաքիրը իր ելույթում առաջ էր քաշում «հայկական ինպերիալիզմը» խեղդելու պահանջը, որպեսզի «կարմիր թուրքերը» կարողանային անմիջականորեն միանալ «հեղափոխական» Արևելքի հետ», իսկ էմվեր ֆիաշան էլ իր ներկայացրած դեկլարացիայով պահանջում էր Արևելքում մղվելիք այդ «սրբազան պատերազում» մահմեդական բանակի հրամանատարությունը հանձնել իրեն։

Բայց որ ամենաողբերգականն է, համագումարին մասնակից 157 հայ բոլշևիկներից ոչ ոք չհասկացավ, որ այդ ամենն ուղղված է առաջին հերթին «ինպերիալիստական Հայաստանի» դեմ, և դաշնակյան վարչակարգը օր առաջ տապալելու մոլուցքով կուրացած՝ նրանք այն աստիճանի քայքայիչ աշխատանք ծավալեցին հայկական զորքերի շարքերում, որ զորքերը հրաժարվեցին «կռվել եղբայր» թուրքերի դեմ։ Իսկ երբ մեծ ողբերգությունից հետո նույն բոլշևիկները բողոքեցին Ալեքսանդրապոլում հայերին անխնա կոտորող ու բռնաբարող Քյազիմ Կարաբեքիրին, վերջինս նրանց պատասխանեց. «Օղո՛ւլ, հայ է, պիտի կոտորենք, ճակատներին գրվա՞ծ է, թե ով է բոլշևիկ, ով՞ դաշնակ»։

1920 թ. սեպտեմբերի 23-ին Հայաստանի դեմ սաստագեղծված պատերազմի արդյունքում և 1921 թ. մարտի 16-ին Մոսկվայում կնքված սովետա-թուրքական պայմանագրի հետևանքով, Հայաստանի հանրապետությունը մի կրկին անգամ բաժան-բաժան արվեց։ 28 հազար ք. կմ տարածք բռնագավթեց Թուրքիան, Ջավախքը նվիրվեց Վրաստանին,

Նախիջևանն ու Արևելյան Հայաստանի մի շարք մարզեր դրվեցին Ադրբեջանի պանթուրքական կառավարության տրամադրության տակ՝ տևականորեն շարունակելու համար հայերի ցեղասպանությունն ու բռնագաղթը։ Հրեշի երախից փրկվեց միայն մի Ձանգեզուր՝ Գարեգին Նժդեհի անձնագրի հեղուսականության շնորհիվ։ Մնում է Լեւոն-Աթաթուրք բարեկամության վերջին արարը՝ 1921 թ. հունիսի 5-ը, երբ 95 % հայ բնակչություն ունեցող Արցախն էլ նվիրեցին Ադրբեջանին՝ իր 70-ամյա հետևանքներով։ Այս տևական վայրիվերումների հետևանքով ժամանակակից Ադրբեջանի տարածքի հայ բնակչությունը 1916 թ. 538484-ից 1926 թ. մարդահամարի համաձայն իջել էր 282004-ի՝ տալով 256480 գոհ ու բռնագաղթված։

Եվ մինչև այսօր էլ շարունակվող այս աննահանջ քաղաքականության, այս ողբերգականորեն հեղուսական իրականության մասին արժանապատիվ տեղեկանք ներկայացնելու փոխարեն, սեփական ժողովրդին ու նրա պատմությանն անգիտակ մեր վայ-քաղաքագետները «հայտնագործում» են մի հանրագիտարան և «պարզում», որ այդ ժամանակաշրջանում Հայկական Հանրապետությունը ազգային հատկանիշով ավելի միատարր է եղել, քան Վրաստանն ու Ադրբեջանը, որ հայերը քաղաքներում 91,7 % էին, գյուղերում՝ 84,7 %, որ 1917 թթ. «քաղաքացիական պատերազմը» բարդացրել է ազգային փոքրամասնությունների վիճակը Ադրբեջանում, որի հետևանքով մասսայական տեղաշարժ է նկատվել նաև հայ բնակչության մեջ։

Մի՞թե մեր բարձրակարգ քաղաքագետները չկարողացան Ղարաբաղում ճարել, չասենք պատմաբան, գոնե պատմության մի վարժապետի, որ բացատրեր քաղաքացիական պատերազմի և ազգամիջյան ընդհարումների ու հաշվեհարդարի տարբերությունները, որ ավելի քան 256 հազար հայերի բնաջնջումն ու բռնագաղթեցումը ոչ թե «ազգային փոքրամասնության տեղաշարժ» է, այլ հաշվեհարդար ու ցեղասպանություն՝ հայրենի տարածքների վերջնական բռնագավթման ու յուրացման գործողություն։ Վերջապես ե՞րբ պետք է աչքով տեսած սկզբնաղբյուրների պատճենահանմանը գումարեն նաև ուղեղի մասնակցությունը, կարողանան հասկանալ արտագրվող սկզբնաղբյուրի էությունն ու ուղիվածությունը, որպեսզի տեսանելի դառնա երևույթի իրական բովանդակությունը։ «Սովետական մեծ հանրագիտարանը» 1926 թ. միազամայն ճիշտ է արձանագրում, երբ ազգային փոքրամասնության տեղաշարժ է համարում 80 հազար ռուսների վերադարձը հայրենիք՝ Ռուսաստան։ Կիրելով Անդրկովկասին՝ ցարիզմը ստեղծել է գաղթօջախների մի պատ-

կառելի ցանց: Բավական է հիշել Վարանդայի ու Դիզակի հարավարևելյան մասերը զբաղեցրած գաղթաբանները՝ Կուրապատկինո, Խոնաշեն (Մարտունի), Գևորգավան, Կարյազինո (Ֆիզուլի) և այլն, որոնց բնակիչները ցարական վարչակարգի տապալումից հետո հիմնովին վերադարձան հայրենիք: Եհշտ այդպես վարվեցին նաև թուրքական այն ցեղերը, որոնց Լադիք Շահն էր մտցրել Գանձակի ու Ղարաբաղի խանություններ: Երբ 1804 թ. սեպտեմբերին ռուսական զորքերը մտան Գանձակ, այդ ցեղերը փախան Արաքսի մյուս ափը: Ցարական կարգադրությամբ զենքերալ Սադաթովը հասավ մինչև Մակու և հանդգեղով ետ բերեց: Այո՛, այս կարգի երևույթները կարելի է որակել տեղաշարժեր, բայց ի՞նչ տեղաշարժի մասին կարող է խոսք լինել մի ժողովրդի վերաբերյալ, որը հազարամյակներ շարունակ մաքառել ու գոյատևել է իր բնական հայրենիքում, ի վերջո դարձել ցեղասպանության զոհ, ոչ վաղ անցյալում 87 % ազգային կազմից վերածվել 0 %-ի: Ինչ մնում է նրան, որ հանրագիտարանում հայերին էլ են մտցրել այդ կարգի մեջ, պետք է մխիթարվել, որ իսպառ չեն ուրացել հայերի գոյությունը, ինչպես ուրանում էին՝ սկսած Քյուրուքչայի պայմանագրից՝ մեկ-մեկ հիշելով նեղն ընկած ժամանակ:

Այսպե՞ս ենք պաշտպանում մեր արդար իրավունքը, մեր զավակների արյան գնով նվաճած ազատությունը մի այնպիսի գերադրված ժամանակահատվածում, երբ աշխարհը կլանել ձգտող հզոր ուժերը ճուտ որսացող ուրուրների պես փռփռում են մեր գլխավերևը, երբ սպասելի է, որ հանուն Բաքվի նավթի՝ «տարածքային ամբողջության» խրտվիլակը միջոց դարձնեն հերթական բռնագավթման ու ցեղասպանության համար:

IV

Վերջապես Ատրաքուրգում մեր բաժին դատավճռից հանեցին «և այլ տարածքներ» ձևակերպումը:

Ավելին սպասել չէինք էլ կարող: Երեկ մեր բռնագավթմած բնական հայրենիքում՝ Բաքվից մինչև Ղազախ, Կովկասի փեշերից մինչև Արաքս, մեզ անարգել կոտորող ու բնավեր դարձնող, մեր վզին իրենց ագրեսիվ պատերազմը փաթաթած, բայց պատերազմի դաշտում պարտված թշնամին իր աննահանջ, սանձարձակ ու լկտի քարոզարշավով աշխարհի առաջ մեզ դարձրել է ուրիշի հոգեղը բռնագավթող ագրեսոր, պահան-

ջում է իրենց «սրբազան» տարածքների ու բռնագաղթվածների վերադարձ:

Իրենց աթոռակովից այն կողմ ոչինչ չտեսնող հայոց քաղաքական էլիտա կոչվածների, լինի դիմություն, թե *Անդիմություն*, միջից դո՛ւրս է եկել զոհն մեկը, որ այդ պահանջին հակադարձի:

– Իսկ ինչ եք մտածում հայոց երեքհազարամյա Բաքվից բռնագաղթված կես միլիոնի հասնող հայության ճակատագրի մասին: Էլ չենք խոսում հայկական մյուս պատմական տարածքներից բռնագաղթված հարյուր հազարների մասին:

Հակառակը, պետական մակարդակով օկուպացիա է դառնում մեր զավակների կյանքի գնով ազատագրված հայրենական հողը, և տասը տարի շահարկում են այն վերադարձնելու հարցը՝ առանց մի օտարի չափ անգամ ճանաչելու իրենց հայրենիքը: Իսկ թե ինչ օկուպացված տարածքների մասին է խոսքը, թող բարի լինեն հազարավորների միջից զոհն մի սկզբնաղբյուրի ծանոթանալ, ասենք, Ա-ԴՕԻ «Հայ-թուրքական ընդհարումները Կովկասում 1905–06 թթ» (Երևան, 1907 թ.) գիրքը:

Հակառակորդի քարոզչական մեքենան, չբավարարվելով մեր Արևելյան Հայաստանից իրենց համար ստեղծած արհեստական «Ադրբեջանը» իրենց հազարամյակների հայրենիք հռչակելուց, բոլոր միջոցներով «ապացուցում» են, որ ժամանակակից ՀՀ տարածքը նս Ադրբեջան է: Անպատասխան քարոզարշավում նրանք այնտեղ են հասել, որ կազմակերպում են միջազգային գիտական կոնֆերանս, հրավիրում են աշխարհի տարբեր երկրների գիտնականներին և նրանց առաջ «ապացուցում», որ հայերը հեռավոր Կիլիկիայում պետություն ստեղծել չէին կարող, եթե չլինեին իրենք, եթե չօգտագործեին իրենց փառապանծ զավակ Մխիթար Գոշի «Դատաստանագիրքը»: Նրանք, մեր հազարամյակների հայրենիքը, պատմությունը, մշակույթը, տարբեր դարերում դերակատարում ունեցած մեր քաղաքական ու մտավոր գործիչներին սեփականաշնորհած ու իրենց ձեռքին զենք դարձրած, աննահանջ պայքար են ծավալել և սանձարձակ ստի ու կեղծիքի օգնությամբ շահագրգիռ հզորներին տրամադրում են մեր դեմ:

Ո՞վ կարող է ասել, թե, ասենք, Թախլանդում կամ Տիբեթում քանի՞ ցեղ կամ ժողովուրդ կա, և ի՞նչ հոգս ու հակամարտությունների մեջ են նրանք, մինչև որ այն չներկայացվի աշխարհին: Նախահարձակ ագրեսորները օգտվում են հենց այդ պատեհությունից՝ գլխավայր շուռ տալով ամեն ինչ:

Իսկ մենք... եթե մեր կողմից եզակի դեպքերում հակադարձության

փորձ էլ կատարվում է, այն դառնում է ազերթուրքական քարոզարշավի պոչը: Ծանոթացեք ԼՂՀ ԱԳԼ–ի 2001 թ. ապրիլի 25–ին ՄԱԿ–ին հասցեագրված «Մեծորանդումին»: Պատմական իրականությանը ճշացող անտեղյակությունը և պատասխանները ողբալի տպավորություն են թողնում:

Բայց թե ի՞նչ վերաբերմունքի են արժանանում նման անգիտությունն ու անտեղյակությունը կանխել փորձող «կողմնակի մարդիկ», երևում է ՀՀ արտգործնախարարին հղած իմ մի նամակի պատմությունից:

ՀՀ արտաքին գործերի նախարար պրն Վ. Օսկանյանին

Հարգարժան պարոն նախարար.

Ադրբեջանի քարոզչական մեքենան այնքան է «առաջադիմել», որ հարյուրավոր հուշարձանների ցուցակ է սփռել աշխարհով մեկ՝ աղմուկ բարձրացնելով, թե հայերը բարբարոսաբար ոչնչացնում են իրենց հուշարձանները «գրավյալ» տարածքներում: Մինչդեռ նրանք ոչ միայն վերաբնակներ էին, այլև չունեին նույնիսկ որոշակի գերեզմանոցներ, որովհետև քոչի ժամանակ որտեղ մեռնում, այնտեղ թաղվում էին: Նույնիսկ մինչև 1920–ական թթ. Շուշի քաղաքում թուրքերը գերեզմանոց չունեին: Կա՞ մարդու մտքով անցնելու ենթակա որևէ արգահատելի բան, որ նրանք չչարտեն մեր հասցեին՝ սկսած մազոխիզմից մինչև Բեն Լադենին Ղարաբաղում թաքցնելը: Եվ այդ ամենը պետական մակարդակով, քարոզչության բոլոր միջոցների օգտագործմամբ:

Իսկ մենք «ալարում» ենք մեր ճշմարտությունները, իրական, տեսանելի ու շոշափելի, անմխտելի ճշմարտությունները աշխարհին ներկայացնել և ազդեսփայլի թիրախ չինելով, հայրենի տարածքները կորցնելով հանդերձ, դառնում ենք ուրիշների հայրենիքը բռնազավթող «ագրեսորներ»: Քարոզչական պայքարում մենք գտնվում ենք այն ծեծվողի վիճակում, որ, ձեռքերը գլխին դրած, աշխատում է գոնե գլուխը փրկել վնասվելուց: Իսկ եթե առանձին անհատներ էլ իրենց քաղաքացիական պարտքի մղումով դիմում են ամեն մի ինքնագոհության, աշխատում առարկայորեն պաշտպանել մեր արդար իրավունքը, որն այլ բան չէ, քան ճշմարտության ցուցադրում, մնում են անպաշտպան ու թնաթափ այնքան ժամանակ, մինչև ճարում են մի բարերար, որ նրանց աշխատանքը լույս աշխարհի հանի: Ազերթուրքերը աշխարհով մեկ բղավում են՝ տարփողելով «Ադրբեջանական սրբազան հայրենիք»: Մեր պատ-

մաքաղաքական միտքը երբևէ անդրադարձե՞լ է այն հարցին, թե իրենից ի՞նչ է ներկայացնում Ադրբեջանը: Լավագույն դեպքում, որպես գերագույն հերոսություն, անընդհատ բղավել է՝ «Ղարաբաղը մերն է»:

Մենք որոշակի նկատառումներով ամենասեղմ ընդամենը 34 էջի սահմաններում, փորձել ենք պատասխանել, թե ինչ է իրենից ներկայացնում այդ Ադրբեջանը, և ինչ շրջանակներում պետք է դիտարկել դարաբաղյան հիմնահարցը:

Բայց քանի որ 5000 դրամ թոշակի գործընթացը չենք կարող այն հասցնել աշխարհի դատին, դիմում ենք Ձեզ, որ այդ աշխատանքի անգլերեն թարգմանության գործն իրականացնեք պետական միջոցներով:

Արտաշես Հակոբջանյան
1.02.2002 թ.

Նախարարությունից մերժման թուղթը ստացանք այն պահին, երբ երկու աշխատակից, թուղթ ու գրիչ վերցրած, հաշվարկներ էին կատարում, թե ինչքան պետք է վճարեն ինչ–որ դահլիճում կազմակերպվելիք համերգի նվագողներին՝ հազա՞ր, թե՞ հազար հինգ հարյուր դոլար:

Ի հարկե, չի կարելի ասել, թե մեր պետական այրերը պարապ մտնել են: Քի՞չ բան է, որ տարիներ շարունակ կուզեկուզ են անում թուրքի առաջ, որ սահմանը բացեն, որպեսզի... Պարոնները չգիտե՞ն, թե՞ այստեղ էլ են ոռնատակ տալիս դարերի փորձություններով ստուգված ճշմարտությունը. թուրքի հետ կարելի է առևտուր անել միայն սահմանագլխին, ինչպես այսօր Սադախլվում: Բավական է թույլ տաս, որ թուրքը նույնիսկ ուղքի թաթի կես մասով անցնի սահմանը, և այնուհետև ոչ մի բանի տերը չես: Բն հանախ Բոզդան Կունյանցի հայրը, տեղափոխվելով Շուշի, երեք թուրք է վարձել որպես իր կալվածքների պահապան: Մի կարճ ժամանակ հետո այդ երեք թուրքի շնորհիվ ձևավորվեց մի ահռելի գյուղ, դարձավ շրջակա հայկական գյուղերի պատուհաս:

Ետզինադադարյան մի ամբողջ տասնամյակ մեր պետական գործիչներն ու քաղաքական այլ խմբակցություններ հանցավոր անտարբերություն են դրսևորել քարոզչական պատերազմի ճակատում: Ինչո՞ւ, ինչո՞ւ մենք, առաջվա պես խոսքներս մեկ արած, լռում ենք հայության դեմ Ադրբեջանում իրականացված վայրագությունների, պերմանենտ ցեղասպանությունների մասին: Ինչո՞ւ խորհրդային ժամանակների իներցիայով դեռևս շարունակվում է իշխանությունների վախկոտ, հանցավոր հանդուրժողականությունը մեր հայրենիքի պատմության ու մշա-

կույթի կողոպուտի և յուրացման նկատմամբ: Անմիջապես ասենք, որ այս հարցում, ինչքան էլ ցավալի է, Հայաստանի ազգային ակադեմիայի դիրքորոշումը եղել է և դեռ մնում է աղբրեջանամետ: Այլապես մեզ մեզնա՞ն շարքային քաղաքացիների չափ նրանք էլ կիմանային, որ երեք-հազարամյա հայոց Բաբուն մեկուկես հազարամյակ օտարների լծի տակ մնալուց հետո էլ 1786–96 թթ. բնակչության քիչ կես մասով մնացել էր դեռևս հայկական, մյուս կեսով դարձել մահմեդական, բայց ոչ ազերթուրքական («Թարիխի Տեվդեթ», հ. 3), որ մինչև 1988 թ. 1/3–ով դեռևս մնում էր հայկական, 2/3–ով՝ եկվոր ռուսական ու ազերթուրքական: Որ 1912 թ. ցարական վիճակագրությամբ Ադրասը ունեցել է ընդամենը 60 տնտեսություն՝ 260 բնակչությամբ, որը 20–րդ դարի 2–րդ կեսին Ադրբեջանի ղեկավարության հատուկ քաղաքականության շնորհիվ դարձավ մի ահռելի քաղաք՝ Մուղանի տափաստանից ու Իրանից համալրված ազերթուրքերով:

Այսպես շարունակել էի կարելի: Բավական է՝ ինչքան աղբրեջանական գաղափարաքաղաքական քարոզարշավի պոչից կախված քարշ եկանք: Անհրաժեշտ է պատմագիտական ու քաղաքական հիմնավորվածությամբ աշխարհին ցույց տալ, թե ինչ է իրենից ներկայացնում Ադրբեջան կեղծամունով թմբկահարվող երկրատարածքը, և ինչ հարթության վրա պետք է դնել փոխադարձ զիջման հարցերը:

Փոխզիջման խնդիրը ոչ թե պետք է փնտրել Լաչինում և Մեղրիում, այլ կշեռքի մի նժարին պետք է դրվի ԱՐՏԱԽ–ՂԱՐԱԲԱՂՆ իր պատմական սահմաններով, մյուս նժարին՝ Բաքուն, Շամախին, Շաքին ու Գանձակը, որոնք երկրատարածքով շահագրգիռ հզոր տերությունները դարձրին «Ադրբեջան»:

Իրականության ճշմարիտ պատկերը ցուցադրելուց հետո միայն «քաղաքակիրթ աշխարհը» այլ ձևով կընկալի «մեր այսօրվա պետական քաղաքականությունը»:

3.4. Փառք Աստծո, վերջապես հայ մտավորականության՝ տարիներ շարունակ հայտարարած ճշմարտություններից մեկը հասել է մեր քաղաքական ղեկավարությանը. Արցախը երբեք անկախ Ադրբեջանի կազմում չի եղել:

Բայց դա ճշմարտության փոքր կեսն է միայն, որովհետև հնչած հայտարարությունից երևում է, որ Հայաստանի ղեկավարները Արցախից դուրս են թողնում, այսինքն՝ աղբրեջանական են համարում ինչպես

ազատագրված տարածքները, այնպես էլ այն հինգ շրջանները՝ Շամքոր, Քարհատ (Դաշքեսան), Գետաշեն (Խանլար) Շահումյան, Ժղանով, որոնք 1990 թ. հայաթափվեցին կոմունիստական Ռուսաստանի հրանոթներով:

Եթե ոչ հիմա, ապա էլ ե՞րբ պետք է քաղաքական կամք դրսևորենք՝ ասելու համար, որ Արցախն ու Նախիջևանը զոհ դարձան ռուս–թուրքական Լենին–Աթաթուրք համագործակցությամբ իրականացվող պանթուրքական ծրագրերին: Որ Արցախն այն եզակի երկրամասն է Այսրկովկասում, որ թուրքերը գենքով նվաճել չեն կարողացել ո՛չ 1724թ. և ո՛չ էլ 1918–1920 թթ.: Խոսքը օսմանյան թուրքերին է վերաբերում, որ վերջին դարերում երկու անգամ նվաճել են ամբողջ Այսրկովկասը, երկու անգամ էլ քթները ջարդվել է Արցախում:

Ինչ վերաբերում է ազերթուրքերին, նրանց դեռ սեփական պետություն ստեղծելու գործում խիստ երկրորդական է եղել: Նրանց համար հայրենիք են սարքել Ռուսաստանը, Թուրքիան և Իրանը՝ ամեն մեկը ելնելով իր աշխարհաքաղաքական շահերից: Ադրբեջան կեղծամունով թմբկահարվող պետության ողջ տարածքը հայերի, լեզգիների, թաթերի և թալիշների պատմական հայրենիքն է:

ՎԵՐՋԱԲԱՆԻ ՓՈԽԱՐԵՆ

Գճահատելով 19-րդ դարի հայոց պոեզիայի ձեռքբերումները՝ Գովհաննես Թումանյանը կատարել է խորիմաստ ու տարողունակ մի ընդհանրացում. «Բոլորը հաստատ գիտեն միայն մի բան, որ ունեն մի թվառ հայրենիք, բայց թե ի՞նչ բան է այդ հայրենիքը, ինչի՞ մեջ է նրա թվառությունը... ահա այդ է հարկավոր... այդ հատկությունը կարող է նրանց ձեռնադրել հայոց բանաստեղծ: Հակառակ դեպքում նրանք կմնան հայ բանաստեղծներ, ոչ թե հայոց բանաստեղծներ»:

«Բայց թե ինչ բան է այդ հայրենիքը» թումանյանական հարցադրումը ավելի բան վերաբերում է հայրենիքի քաղաքական ճակատագիրը տնօրինելու կոչված շրջանակներին՝ մանավանդ մեր օրերում, երբ մի հերթական անգամ հայտնվել ենք աշխարհի հզորների հակամարտ շահերի կիզակետում. շահեր, որոնց թելադրանքով երեկ մեր պայքարի արդարացիության շուրջը համաշխարհային աղմուկ բարձրացնելով՝ մեզ քարեքար էին գցում, այսօր ազերթուրքական սանձարձակ քարոզարշավին տոն տալով՝ երկրատարածքում իրենց ռազմական բազաները տեղադրելու հարցերն են լուծում:

Չինադադարից հետո արդեն 10 տարի է, որ դարաբաղա-ադրբեջանական հակամարտությունը տեղափոխվել է քաղաքական պայքարի դաշտ: Ազերթուրքական կողմը մարտնչում է բոլոր ուղղություններով, բոլոր մակարդակներում՝ մեր հայրենիքը, մեր պատմությունը, մեր մշակույթը, մեր պատմական դեմքերին իրենցը հռչակելով ու անտեղյակ աշխարհում հասարակական կարծիք ստեղծելով: Մեր կողմից եթե մեկ-մեկ պատասխան տրվում էլ է, անմիջապես երևում է, որ պատասխանողները պարզ պատկերացում չունեն, թե «ինչ բան է այդ հայրենիքը», և հեշտությամբ նրանց լեզուների տակից դուրս են գալիս «գրավյալ տարածքների վերադարձ», «Մեղրու և Լաչինի փոխանակում» և նման բաներ: Մեր իրավասու գործիչները անհրաժեշտ տեղերում երբևէ բարձրացրել են Գետաշենի ու Չարդախվի հարց, թե՞ նման մոտեցումը հանցանք են համարում, չեն ուզում վիրավորել մեր հարևանների «արժանապատվությունը»:

Մեր իրավասու մարմինները լավագույն դեպքում հայրենիքը պատկերացնում են իրենց աչքի տեսածով, որը խիստ խաբուսիկ է, որովհետև չի բովանդակավորվում պատմական տեղաշարժերի դինամիկայով: Նրանք հայտարարում են գրավյալ տարածքներ՝ ելնելով իրենց աչքի տեսածից: Իսկ ո՞րն է այդ գրավյալ տարածքը: Ահա Մինքեմոդը: Ցարական վարչակարգի տեղական պաշտոնյաների գործուն մասնակցությամբ արաքսամերձ տափաստաններից ներխուժած քոչվոր անասնապահները կտորեցին Մինքեմոդի հայության մի պատկառելի մասին, մյուսներին դարձրին բնավեր: Հայրենագրկված մինքեմոդու ժառանգը ազատագրեց

բռնագավթած հայրենական օջախը: Այստեղ ո՞րն է օկուպացիան և ո՞րը՝ ազատագրումը: Կամ այսօրվա դրության տերերի աչքով տեսածը եղել է յոթգլխանի հրեշի տեսքով գետնի տակից վեր խոյացող մի Աղդամ, բայց իմ և նրանց ծնողների աչքով տեսածը կավահողով սվաղած եղեգնյա պատերով մի Աղդամ էր՝ ցարական վարչակարգից մնացած երեք քարե շենքերով: Անցած դարի 50-ական թվականներից քաղաքական հատուկ ծրագրով Աղդամը դարձրին ահռելի քաղաք, որն ի վերջո պետք է խաբուսկաներ ԼՂԻՄ-ը: Իսկ երբ մեջտեղ է գալիս նաև ցարական պաշտոնական վավերագրի վկայությունն այն մասին, որ 1912 թ. Աղդամում եղել է ընդամենը 60 ծուխ՝ 260 բնակիչով, այլ լույսի տակ է երևում իրականությունը: Քաղաքական ի՞նչ ծրագիր իրականացնելու համար Աղդամում ու նրա շրջանում 50-ական թվականներից սկսած կուտակեցին 160-հազարանոց բնակչություն, երբ այդ շրջանից հարավ ու արևելք ընկած հսկայական տարածքներ կատարյալ անբնակ էին և այսօր էլ անբնակ են: Գրավելով Աղդամը՝ մեր գավազները չեզոքացրին այդ ահավոր սպառնալիքը:

Էլ չենք խոսում հայոց պատմական հայրենիքի այն մարզերի մասին, որոնք հայ պատմաբանները թեթև ձեռքով նվիրեցին ազերթուրքերին Ստալինի հանձնարարությամբ, և որոնք այսօր աշխարհին են ներկայացվում որպես ազերթուրքերի «հազարամյակների հայրենիք»: Այդ բնագավառը տաբու է մեր պատմաբանների ու քաղաքական գործիչների համար: Պատմական տեղաշարժերի իրական ընթացքը ներկայացնելու միջոցով ինչ-որ չափով մեր դատին օգտակար լինելու մղումով ընդամենը 34 էջում ներկայացրել էինք Հայոց Արևելից կողմանց վերջին 300-ամյա տեղաշարժերը, որի արդյունքում շահագրգիռ հզորները աննահանջ հետնողականությամբ ազերթուրքերի համար ստեղծեցին Ադրբեջան: Հույս ունեինք, որ իշխանությունների աջակցությամբ, բայց բնավ ոչ իշխանությունների անունից այն կներկայացվի աշխարհի դատին: Սակայն մերժվելուց հետո էլ փորձության ենք ենթարկվել մի այլ տարբերակով՝ հիմնահարցը ներկայացնելու մի երկու էջի սահմաններում, և դարձյալ կանգնել փակուղու առաջ: Չէ՞ որ մեր օրերում ասելիքը թղթին հանձնելը սոսկ տեխնիկական գործ է, հերոսությունն ու տաղանդը այն տեղ հասցնելու կարողությունն է: Ահա այդ տարբերակը ևս: Ո՞վ կարող է այն ներկայացնել հասցեատերերին՝ յուրաքանչյուրին իր լեզվով:

ԲԱՏ ՆԱՄԱԿ ՄԻՆՍԿԻ ԽՄԲԻ ՀԱՄԱՆԱԽԱԳՐՆԵՐԻՆ

Հարգարժան համանախագահներ

Մենք չէ, որ պետք է ձեզ տեղեկացնենք, թե բաբելական աշխարհակալությունից սկսած՝ հզոր տերությունները, իրենց շահերից ելնելով, ինչքան չարիք են հասցրել մադկությանը, քանի-քանի ժողովուրդների են

ստրկացրել, քանի-քանիսին ոչնչացրել: Վերջին երեքհարյուրամյակում եղե՞լ է ռուս-պարսկական, ռուս-թուրքական որևէ պատերազմ, որ Ռուսաստանն ու Արևմուտքը կանգնած չլինեին իրար դեմ և ամեն անգամ գոհասեղան չհանեին հայ ժողովրդին ու նրա հայրենիքը: Դուք դրանք կարող եք մեզնից տասնապատիկ լավ իմանալ ձեր դիվանագիտական արխիվներում կուտակված փաստաթղթերից, որոնց փշրանքներն է միայն մեզ մատչելի: Որևէ մեկնաբանության կարիք զգո՞ւմ են Բեռլինի վեհաժողովը, Լոզանը, Մոսկվան ու Կարսը, ուր հայ ժողովրդին գրկեցին սեփական հայրենիքում ազգային օջախ ունենալու իրավունքից անգամ: Հայտնի չէ՞, թե ինչպես հաղթանակած Անտանտան դիվանագիտական գաղտնի առևտուր էր անում թուրքիայի հետ՝ իր «փոքր դաշնակից» Հայաստանը թողնելով Լեհին-Աթաթուրքի ողորմածությանը, որպեսզի Հայաստանին գրկեն իր հազարամյակների հայրենիքի 9/10-ական մասից:

Ամեն կարգի զոհողության պատրաստ՝ հայ ժողովուրդն իր ազատության համար 1000 տարի բախել է քրիստոնյա Արևմուտքի դռները: Հայոց վերջին թագավոր Լևոն Զ-ն մահացավ Եվրոպայում՝ այդպես էլ օգնություն չստանալով: Ազատագրական պայքարի ռաիվիրա Իսրայել Օրին 1699 թ. սեպտեմբերի 22-ի ծրագրով դիմեց Եվրոպայի տիրակալիներին՝ օգնելու, որ Արևելյան Հայաստանը ազատագրենք Իրանի տիրակալությունից: Դա մի Արևելահայաստան էր, որի արևելյան սահմանազուխը Բաքուն էր, որից բռնագավթված և այսօր Ադրբեջան կեղծանունով թմբկահարվող հանրապետության բուն հայկական մարզերի՝ Շամախու, Շաքիի, Գանձակի ու Ղարաբաղի խանությունների բնակչության 87 տոկոսը հայեր էին, 13 տոկոսը՝ մահմեդականներ, բայց ոչ ազերթուրքեր՝:

Եվրոպայում գործնական արդյունքի չհասնելով՝ Օրին դիմում է Ռուսաստանին: 1722 թ. Պետրոս Առաջինը ձեռնարկում է Կասպիական արշավանքը: Հայ-վրացական զինական ուժերը Գանձակում սպասում էին միանալու նրան: Սակայն առանց որևէ զինվոր գոհ տալու Դերբենդը գրավելուց հետո ցարը ուխտադրժոբեն ետ է դառնում, որովհետև Ռուսաստանին հարկավոր չէր մի Անդրկովկաս, որի հիմնական ժողովուրդներից մեկը՝ վրացիները, դեռևս պահպանում էին իրենց պետականությունը, իսկ մյուսը՝ հայերը, ձգտում էին վերականգնել իրենց կորցրած պետականությունը: Ավելին: 1724 թ. Պոլսի հակահայկական գաղտնի պայմանագրով Ռուսաստանն Իրանին ենթակա Անդրկովկասը ճանաչում է որպես թուրքական սեփականություն՝ դուռ բացելով թուրքական ներխուժման առաջ: Թուրքիան ռազմակալում է Անդրկովկասը, ոչ միայն իրականացնում զանգվածային կոտորած, այլև Շաքիի խանության հայերի հիմնական

մասին բռնի մահմեդականացնում է (1916 թ. ցարական վիճակագրությանը այդ տարածքի բռնի մահմեդականացված հայերը 188 հազար էին (սուննի), շիա մահմեդականները՝ ազերթուրքերը՝ 27 հազար, հայերը՝ 45 հազար): Մյուս շրջաններում նույնը կատարել են Թուրքիայի կոմկասյան վասալները: Ժամանակակից ազերթուրքերի սուննի բաղադրամասը բռնի թուրքացրած հայեր են:

Ողջ Անդրկովկասում միակ երկրամասը Ղարաբաղն էր, որ թուրքերը չկարողացան նվաճել: Իսկ այսօր այն դարձնում են ազերթուրքերի հայրենիք: Ինչպե՞ս կարող եք Գետաշենն ու Չարդախլուն հայտարարել Ադրբեջան, երբ դարեր շարունակ նրանք աննվաճ բերդեր են եղել թուրքական ամեն մի ազրեսիայի դիմաց, երբ Լեհինի ձեռքով ազերթուրքական գերությանը հանձնվելուց հետո անգամ գորբաչովյան հրանոթների բացած ճանապարհով միայն ազերթուրքը կարողացավ մուտք գործել այդ բերդերը:

Տասը տարի հետո՝ 1734 թ., Իրանը, Երզնկի Շահի գլխավորությամբ, թուրքերին դուրս է մղում Անդրկովկասից, միաժամանակ Թիֆլիսից մինչև Շամախի ընկած տարածքից 700 000 զերիներ տանում Իրան: Փոխարենը Իրանի խորքերից ու Իրաքից թուրքախոս քոչվոր ցեղեր է մտցնում երկրատարածք՝ ռուսական ներթափանցման դեմ մահմեդական պատմեչ ստեղծելու հեռանկարով: Այս պահից է սկսվել ազերթուրքերի մուտքն Անդրկովկաս և անընդմեջ շարունակվել մինչև 1954 թ.:

Ե՛հչտ է, երբ 1804 թ. ռուսական զորքերը մտան Գանձակ, երկրատարածք ներմուծված այդ զանգվածները փախան Արաքսի մյուս ափը: Սակայն ցարը նրանց համոզելով ետ բերեց՝ նրանց համար ստեղծելով ամեն կարգի արտոնյալ պայմաններ: Ռուսաստանին ավելի քան հարկավոր էր քոչվորական վայրենի ուժը՝ իր կորցրած պետականությունը վերականգնելու հույսը փայփայող հայերին ճգնված պահելու համար: Պատահական չէ, որ երբ Բեռլինի վեհաժողովից հուսախաբ հայ ժողովուրդը գործնական հունի վրա դրեց ազատագրական պայքարը, Ռուսաստանն էլ Արևելյան Անդրկովկասի դռները լայն բացեց թուրքախոս զանգվածների առաջ: 1897 թ. 1 մլն-ի հասնող ազերթուրքերի 60 տոկոսը այսօրվա Ադրբեջան կոչվող երկրատարածք է մուծվել 1880 թվականից սկսած, որոնց ձեռքով էլ Ռուսաստանն իրականացրեց 1905-07 թթ. հայ-թաթարական ընդհարումները (Ադրբեջանի պատմություն, ռուսերեն, հ.2, էջ 253, 261-262):

Պակասը լրացնելու եկան Սեժ եղեռնի շարունակությունը կազմող թուրքական արշավանքը 1918 թ. և 1918-20թթ. վայրիվերումները, որոնց հետևանքով արդի Ադրբեջանում ջարդի զոհ դարձան ավելի քան 250 000 հայեր, ավերվեցին հարյուրավոր բնակավայրեր (1916 թ. ցարական վիճակագրության արձանագրած 537 000 հայերից 1926 թ. մարդահամարով վկայվում է ընդամենը 280 000):

¹ Լեո, Երկերի ժող., հ. 3, 1973, էջ 48-97, Ա. Հակոբջանյան, Արցախյան ազատամարտի ակունքների մոտ, 2001թ., էջ 12-14:

Իրերի այս դուրսն ունեցող ստեղծվեց Ադրբեջանական Հանրապետությունը՝ հայերին դարձնելով թուրք-խորհրդային 70-ամյա քաղաքական, տնտեսական, մշակութային, բարոյական ու ֆիզիկական խոշտանգումների թիրախ: Բայց չնայած 300-ամյա այս դաժան փորձություններին, մինչև 1988 թ. Արևելյան Հայաստանի երբեմնի այդ մարզերը դեռևս մնում էին նաև հայերի հայրենիք՝ Բաքվից մինչև Ղազախ, Կովկասի փեշերից մինչև Արաքս: Բայց այս անգամ արդեն հայերի փոքրամասնությամբ: Չկար որևէ տեղ, ուր ազերթուրքերի մեծամասնության կողքին չլիներ նաև բնիկ հայկական փոքրամասնություն:

Մի վերջին անգամ պայթեցրին երկու ժողովուրդների արանքում կուտակած չոր վառուղը, մեր գոյության իրավունքի պահանջի դեմ բորբոքեցին նախամարդկային վայրենի բնազդները: Խորհրդային կառավարությունը հայերին քարոզի ու բռնազաղթի ենթարկեց Ադրբեջանի ողջ տարածքով մեկ, իրենց հայրենիքից գրկեց միլիոնից ավելի բնակչության: Իսկ երբ Ղարաբաղն ուժ գտավ չբաժանելու այդ ճակատագիրը, կազմակերպեց ինքնապաշտպանություն, նրա ամեն մի հաջողության դեմ ցցվում էին ՄԱԿ-ի Անվանգության խորհրդի որոշում-սպառնալիքները:

Տասը տարի է անցել զինադադարից, բայց անընդմեջ բորբոքում են տրամագծորեն իրար բացառող հարցեր, «գրավյալ» տարածքների ու բռնազաղթվածների խնդիրներ: Բայց չէ՞ որ տարածքների գրավումն ու բռնազաղթեցումը երեկվա եկվոր-քոչվորների օգտին սկսվեց Բաքվից ու Սումգայիթից և տարածվեց մինչև Շամախի ու Շաքի, Մինգեչաուր ու Գանձակ, Թուրուզ ու Ղազախ, Հյուսիսային Արցախ, ուր հայ ժողովուրդը ոչ միայն ստեղծել է հազարամյակների քաղաքակրթություն, այլև տեղաբնիկ այլ ժողովուրդների հետ ազերթուրքերի համար կերտել է ժամանակակից Ադրբեջան:

Ղարաբաղն անկախ Ադրբեջանի մաս չի կազմել ոչ 1918-20 թթ. և ոչ էլ 1991 թ. հետո: Դա դեռևս բոլորը չէ: Սուլթանական սլիմներով «Ադրբեջան» ստեղծվելուց ընդամենը 34 տարի առաջ՝ 1884 թ., թուրք պաշտոնական պատմագիր Տևդեթը, իր «Պատմության» մեջ ներկայացնելով Անդրկովկասի քաղաքական քարտեզը, գրում է. «Վրաստանի և Դաղստանի հարավային կողմը Հայաստանն է, որը բաժանված է երկու մասի... երկրորդը՝ Գեմջեհի, Ղարաբաղի և Երևանի շրջանները, մտնում են Իրանի երկրի մեջ (Թուրքական աղբյուրները Հայաստանի, հայերի... մասին, հ. Ա, 1961, էջ 249):

Եվ դա խոստովանում էր այն ժամանակ, երբ մի այլ թուրք քաղաքական գործիչ՝ Քյամիլ փաշան, 1877-78 թթ. պատերազմի դասերը հաշվի առնելով, պետությունից պահանջում էր. «Հայաստան անունը հնչող կզակները պետք է ջախջախենք», «Մենք պետք է մեր հողի երեսից ջնջենք հայ ազգը»:

Արցախ-Ղարաբաղը բոլշևիկյան ռազմակալմամբ է միայն բռնակցվել Ադրբեջանին: Ադրբեջանը իրաժարվել է խորհրդային կարգերի իրավահա-

ջորդը լինելուց, և Ղարաբաղի հետ միաժամանակ, իրար զուգահեռ հռչակել են իրենց անկախությունը: Իսկ Ադրբեջանի սանձազերծած Ղարաբաղյան պատերազմում, սկզբում պետական զորքի հետ միասին, Ադրբեջանն է բռնազավթել Ղարաբաղի տարածքները և պետք է վերադարձնի այն: Ինչ մնում է բռնազաղթվածների նախկին բնակավայրեր վերադարձնելու հարցին, ապա այն պետք է սկսել Սումգայիթից ու Բաքվից, եթե միայն կարողանանք համոզել այդ քաղաքները կառուցած հայերին:

Պատմաքաղաքական 300-ամյա վայրիվերումների տրամաբանությունը թելադրում է փոխզիջման հետևյալ տարբերակը.

1. Գորբաչովյան վարչակարգի կազմակերպած ցեղասպանությունը լուծել է հայոց հայրենիքի նախկին 4 մարզերի՝ Բաքվի, Շամախու, Շաքիի ու Գանձակի հարցը հօգուտ ազերթուրքերի:

2. Ղիմակայելով ագրեսիային, չհաշտվելով ոչնչացման մտքի հետ՝ Ղարաբաղը ոչ միայն հաստատեց իր գոյության իրավունքը, այլև իրենից բռնազավթվածներից որոշ մաս էլ ետ վերցրեց՝ չնայած նրա հիմնավորը մայրաքաղաք Պարտավը մնաց գերության մեջ:

3. Հաշվի առնելով այն հանգամանք, որ թուրք-բոլշևիկյան կամայականությամբ է երկատվել միասնական Լեռնային Ղարաբաղը, որ 1988-91 թթ. հակամարտության ժամանակ մի շարք շրջաններ բռնազավթեցին խորհրդային պետական զորքերի «Կոլցո» օպերացիայով՝ իրականացնելով կրկնաշերտ ագրեսիա՝ ցեղասպանություն, և ուրիշի տարածքը մի ուրիշին նվիրելու գործողություն, ԼՂՀ-ին են վերադարձվում նրա օրգանական մաս կազմող Շամխորի, Դաշքեսանի, Գետաշենի, Շահումյանի, ինչպես նաև նախկին ԼՂԻՄ-ի տարածքում հայերի հիմնած, բայց կամայականորեն մարզից պոկված ժղանովի շրջանները:

4. Որպես ՓՈՒՑԻՁՈՒՄ, Ղարաբաղը չի դառնում Հայաստանի մաս: Ղարաբաղը հաստատել է ինքնուրույն պետություն լինելու իր իրավունքը, պատմության մեջ երրորդ անգամ վերականգնել կորցրած պետականությունը և այդ կարգավիճակով մտնում է անկախ պետությունների ընտանիքը:

Այդ են պահանջում արդարությունն ու իրավունքը:

Հարգարժան համանախագահներ՝ աշխարհի բախտը մատներիդ վրա խաղացնող հզորներ, քաղաքակրթության հազարամյակների պատմության մեջ մեկ անգամ, զոհն մեկ անգամ մոռացե՛ք հզորի ձեր իրավունքը և ունկնդիր եղե՛ք արդարության ու իրավունքի բնական ձայնին: 'Ուր էլ գիտեք, որ Արցախ-Ղարաբաղը հազարամյակների հերոսական մարտունակներով վաստակել է այդ իրավունքը: Եվ եթե, որպես եզակի բացառություն, կարողացաք փոխադարձ համաձայնությամբ վեր կանգնել ձեր մասնավոր շահախնդրություններից, հիմնահարցը կստանա իր արդարացի լուծումը:

ԲՈՎԱՆԴԱԿՈՒԹՅՈՒՆ

Երկու խոսք	3
Հազարամյակների պատմության հետազոծով	8
Ինչպես Արևելյան Անդրկովկասը դարձրին Ադրբեջան	40
Ադրբեջանական խաղաղ նվաճումների հետքերով	58
Հակամարտության փոխզիջումային լուծման տրամաբանությունը	74
Ո՞ր ենք զնում այս ընթացքով, պարոններ	79
Վերջաբանի փոխարեն	106